

PROCEEDING OF THE FIFTH SESSION OF THE MIZORAM  
LEGISLATIVE ASSEMBLY HELD AT THE ASSEMBLY  
HALL FROM 19.3.74 TO 2.4.74.

.....

9TH SITTING ON 29TH MARCH, 1974 AT 10 A.M.

P R E S E N T

Pu H.Thansanga, Speaker in the Chair. Chief Minister,  
three Ministers, one Deputy Minister and 26 Members.

BUSINESS:

1. Questions.
2. Voting on Supplementary Demands for 1973-74.
3. Voting on Demands.
4. Introduction and Passing of Appropriation Bills (No.2), 1974.

SPEAKER:

" Hretu rinawm chu a daw lovang a,  
hretu dik lo erawh chuan dawt a  
phuh chhuak thin. Mimawl chuan  
thu tin a ring a, mi remhria erawh chuan a kalna a en  
tha thin. Mi fng chuan a hlauthawng a, sual a kalsan  
thin a. Mi a erawh chu a intihuai a, mahni a in ring  
thin ".

STARRED QUESTIONS TO WHICH ORAL ANSWERS WERE GIVEN.

Question No.42-Pu Dotinaia.

Reasons of necessity to send Patients of Tonsillities  
to other Hospitals when there are Specialists in Aizawl  
Hospital.

\* 42PU R.DOTINAIA:

Pu Speaker, Will the Hon'ble Minister  
in-charge of the Medical Department  
be pleased to state -

- (a) Whether it is a fact that some Patients of Tonsillities etc., are still sent to some other Hospitals when there are Specialists in Aizawl Civil Hospital?
- (b) If so, why ?

...2/-

PU VAIVENGA: Pu Speaker, zawhna (a)-na chu  
MINISTER. Tonsil vei te hi Damdawi In then-  
khatah tirh an ni em ? Aizawl-ah  
hian Specialist an awm lo em ni ? tih a ni a. Tonsil  
vei, a khirh bikte hi Damdawi In dangah kan tir thin  
a. Tin, Specialist chung changah hian hetiang thiam  
bik hi an la awm loh avang a ni. Chu chuan (b)-na pawh  
kha a chhang nghal a.

PU R. DOTINAIA: Pu Speaker, supplementary question-  
Civil Hospital-ah hian Specialist  
te kan nei nual tawh a. Amaherawh-  
chu hetiang Tonsicialigist te engemaw natna khirh khan  
deuh chu hmun dangah tirh ala niin hriat a ni a. Tonsil  
vei te operate-na turin a hmanrua hi kan nei reng em ?  
Chutiang ang ti thei chu kan awm lo niin a lang a, kha,  
tunah Minister zahawm takin a chhannaah khan. Chutiang  
ang thiam specialist chu ngaihtuahna a awm em ?

PU VAIVENGA: Pu Speaker, nia, hmanrua chu kan  
MINISTER. buatsaih chho zel a. Tin, hetiang  
ti mi tak hi ka sawi tawh ang khan  
kan la nei lo va. Tin, specialist post pawh eng eraw  
zah kan nei a. Nimahselang hetiang thiam bik tak hi kan  
la hmuh loh avangin kan la ti thei lo a ni.

PU SAPLIANA: Pu Speaker, supplementary question-  
specialist kan nei nual niin a lang  
a. Chung te chu eng Specialist te  
nge an nih ?

PU F. HRANGVELA: Pu Speaker, Tonsil vei te chu khawi  
Damdawi Inah nge an tirh deuh ber ?

PU VAIVENGA: Pu Speaker, Durtlang Damdawi Inah  
MINISTER. khian an kal deuh ber a. Tin, kei  
nin specialist kan neih, hei a  
zaia zai chi leh hmeichhe natna lam thiam chi hi an ni.  
A dang chu kan la nei lo.

PU LALRINLIANA: Pu Speaker, Durtlangah khianin  
chutianga Tonsil specialist te  
chu an awm em maw ni le ?

PU VAIVENGA: Pu Speaker, Durtlangah khian  
MINISTER. specialist an nei bik lo va, nimahse  
anni khian an lo tih than tawh leh,  
tunhma Doctor te atanga an lo inthiam tir tawhna khian  
in mi an hip a, Specialist an ni hrampa lo naa, an thiam  
a ni kan ti mai ang chu.

PU R.DOTINAIA: Pu Speaker, supplementary question  
pakhat, Specialist Doctor pakhat  
kan neih loh vang ni lovin, hman-  
rua kan neih loh vang zawkin, Aizawl Civil Hospital hi  
Tonsil vei te hi operate lovin Durtlang a tirh an ni  
mai lo maw ?

PU VAIVENGA: Pu Speaker, ka han sawi tak ang  
MINISTER. khan, Doctor te hi Specialist an  
nih loh pawh hian thiam bik te an  
awm thin a, mihring chu. Kan zei a dang theuh a. Chu-  
tiangin Durtlang-a mi te khi an thiam bik a. Heta kan  
Doctor te hian kan hmanrua neih ang chuan tih hi an  
zuam lo deuh a, chuvangin Durtlang an kawh-hmuh thin  
a ni.

SPEAKER: Question No. 43.

Visit of Patients by Doctors in a drunken State.

43\*PU R.DOTINAIA: Pu Speaker, Will the Hon'ble Minister  
in-charge of the Medical Department  
be pleased to state -

(a) It is a fact that some Doctors are in the habit of  
visiting patients in drunken state in the Civil  
Hospital, Aizawl ?

(b) If so, what action have been taken against them ?

PU VAIVENGA: Pu Speaker, hetiang a awm kan hre  
MINISTER. lo va, Doctor te hian Zu rui chung a  
Damdawi In an tlawh kan hre lo va.  
Chuvangin (b)-na pawh kha chhan ngai loah kan ngai a.

PU R.DOTINAIA: Pu Speaker, nimin lama kan ngaih-  
thlak tawh angin Medical Department  
hi a administration a chau khawp

mai a. Chutiang ang Doctor duty lai zu nam thur thur damlo te pawhin an ngaimawh khawp hi an awm tih ka hria a. A hriat duh chuan ka la hrih thei ang a, tin, action lak a ni ang em ?

PU VAIVENGA:  
MINISTER. Pu Speaker, lo awm ta pawh ni se, a nam tih ngawt emaw ni lovin, an hnathawhna an tibuai em tih a ni ang a. Amaherawhchu, Member zahawm takin a sawi ang khan, Zu nam chung kher khera Damdawi In tlawh chu thil mawi a ni lo vang a. Action thuah an hnathawhte tibuai chuan si loh chuan action lak chu kan sawi mai thei lo vang a. He thil hi a fel lo hle, chutiang ching te an lo awm a nih chuan, Member zahawm takin a sawi ang khan thil tihawm loh tak chu a ni.

PU R.DOTINAIA: Pu Speaker, damlo te an hrawk thin a ni, damlo te tan chuan a hlah-awm viau a ni.

PU K.SANGCHHUM: Pu Speaker, supplementary question-Doctor te hianin damlo an kan leh office-a hna an thawh chhung hian Zu ruih hi a thiang em ?

PU VAIVENGA:  
MINISTER. Pu Speaker, a thian leh thian loh thu ni lovin, Zu an ruih chuan hna kha an thawk tha thei lo vang a, Zu rui lo tur an ni, an thawh lai kher kher chuan.

PU CH.SAPRAWNGA: Pu Speaker, zawhnaah khan Zu a nam kan ti nge, Zu a rui kan ti ?

PU K.SANGCHHUM: Pu Speaker, pakhat lekin kan zawt leh teh lawk ang, min ngaithiam la. Dan ina a phal leh phal loh min han hrih teh. Zu rui chung a Damlo kan leh Office zu rui chung a awm hi Dan in a phal em tih chu ?

PU VAIVENGA:  
MINISTER. Pu Speaker, ruih chu Danin a phal pawh ka ring lo va. Kan sawi tak ang khan an ruih chuan hna an thawk thei lo tih a rinawm a. A nam ngawt pawh kha kan sawi tawh angin, thil mawi zawk chu a ni lo teng a ni.

PU C.CHAWNGKUNGA: Pu Speaker, Dan in a phal leh phal loh kha chiang phawt mai sela. An huatthu ni lovin, Police ina Zu rui

ngei an man te pawh rui lo tiin certificate an pe thin a. Anmahni phei chu rui lovin an in pek ngei ngei a rinawma. Chu chu a ni thil awmdan.

**SPEAKER:** Question No. 44--Pu Dotinaia.

Competency of Civil Surgeon to transfer Staff outside his jurisdiction.

44\* **PU R.DOTINAIA:** Pu Speaker, Will the Hon'ble Minister in-charge Health & Family Planning Department be pleased to state-

(a) It is a fact that Civil Surgeon is competent authority to make order for transfer Staff Nurse, IV Grade Servants within and outside his jurisdiction?

**PU VAIVENGA:** Pu Speaker, zawhna 44-na 'a'-na **MINISTER.** Civil Surgeon chuan Staff Nurse te transfer turin thuneihna an nei lo va. Tin, IV Grade te erawh chu anmahni bial chhungah transfer turin thu an nei a. Tin, anmahni jurisdiction ni lo District dang a mi chu, transfer turin thuneihna an nei lo.

**PU R.DOTINAIA:** Pu Speaker, supplementary question-tunah Minister zahawm takin Staff Nurse chu Civil Surgeon-in an bial chhungah pawh an sawn thei lo tih a sawi a. Tin, 4th Grade chu an jurisdiction pawmah an sawn thei lo tih a sawi a. A nih leh, Serchhip-a Staff Nurse pakhat chu Aizawl Civil Surgeon-in Aizawl-ah a sawn thlaa. Tin, Serchhip Hospitala 4th Grade pakhat chu Lunglei-ah Directorate hriatpui loh in a sawn tih hi a dik em ?

**PU VAIVENGA:** Pu Speaker, he 4th Grade thu hi kei **MINISTER.** pawh min lo hrih a, he 4th Grade hi Aizawl-ah awm zawk la, an ti a. Mahse Lungleia awm a duh zawk avangin i duh zawk chuan tiin an lo dah phei mai a. Chu chu an Danah an tih theuh a nih loh avangin kei pawhin Director ka hrih a, cancel sak leh a ni a. Tin, Nurse te dah fel chung chang chu Director nena inrawnin Director-in lo ti mai rawh u a tih chuan an ti mai thei a. Amaherawchchu, ni-china ka han chhanna kha delegation of power tlawhchhan a, a tlangpui thua chhanna a ni mai a. Tul bikah chuan Director te nena inrensiam-in an ti thei tur a ni ang.

hvlc/-

...6/-

PU SANGKHUMA: Pu Speaker, supplementary question-  
 hei Assama kan awm lai khanin Civil  
 Surgeon te chuanin anmahni bial  
 chhungah chuanin Staff Nurse te, Compounder te, 4th  
 Grade te chungah an control theih nan pawh a ni a, thu-  
 neihna an nei a, a posting-ah pawh. Engvanginngge thu-  
 neihna hi Mizoramah hian Civil Surgeon hnenah pek a  
 nih ve loh ?

PU VAIVENGA: Pu Speaker, delegation of power  
 MINISTER. kan tih a kan sawi fo tawh, nakinah  
 pawh zawhnaah lo kal zel tur pawh  
 a awm thei a. India Government-in kan Government hnenah  
 power a rawn pe a. Tin, chumi power chu Administrator-  
 in a delegate leh a. Chumi zingah chuan transfer hi  
 Civil Surgeon leh kan Officer thenkhatte'n thuneihna  
 turah dah a ni lo va ni. Assam Sawkarah chuan an lo  
 inpe sang a ni ang a, hetah hian kan pek san loh avangin  
 an ti thei lo a ni a. Chu chu Assam Sawrkar leh keini  
 dinhmun a danglam a ni.

PU R.DOTINAIA : Pu Speaker, supplementary question-  
 Serchhip Hospital-ah chuan Staff  
 Nurse Pi Chhingpuii kha dah a ni a.  
 Rei vak a awm hmian Civil Hospital-a Civil Surgeon-in  
 a thawn thlak leh a ni, tih a ni a. Chu chu tunah a  
 aiawh pawh dah a la ni si lo va. Tunah Delegation of  
 Power pawh kan nei chuang si lo va. Chuti a nih si chuan  
 Serchhip-ah an indaih lo em em a, amah emaw a aiawh  
 emaw chu dah leh theih a ni dawn em ? Tin, dah phal a  
 nih si loh chuan engatinge Civil Surgeon pawh chuan  
 a power lova thil a tih nghek nghek mai.

PU VAIVENGA: Pu Speaker, kan sawi tak ang khan  
 MINISTER. a tulna avangin Director te nena  
 in biain lo ti turin an tinti thei  
 a. Chutiang chuan khilala mi te pawh kha lak thlak an  
 ni a. Dik takin, Aizawl Hospital-ah engemaw lai khan  
 Dam lo an tamin Staff Nurse te an indaih lo nasa em  
 a, lak thlak leh nual kan nei reng a. Chumi tuma lak  
 thlak a nih ka ring a, Pi Chhingpuii pawh chu. Tin,  
 Serchhip pawh Member zahawm takin a sawi angin, a tul  
dan ang zela ngaihtuah leh zel a ni ang.

*Transfer of  
 staff nurses  
 by Civil  
 Surgeon*

PU NGURDAWLA: Pu Speaker, helai Civil Surgeon hnenah  
 a power 4th Grade te leh nghal trans-  
 fer theihna a awm lo chu thil dik a

ni lova. Tin, chulai te ti danglam thei lo khawpa, Speaker, fast rule a awm ka ring lova. Hemi avang hianin kan tuar ropui lutuk a, kei kan bialah Reiek ah Ruai, ANM mipui zawng zawng ina an duh a awm a. Lallen-ah an sawn a, min an rawn duh leh lova, Village Council ten. Chumi siamrem tur leh mipui duh dan tithlu tur chuan tun thleng hian a la tih theih lo va. Chumi ang transfer theihna mai mai Civil Surgeonia an neih loh chuan hna a kal thei lo reng reng a. Chung chu pek mai theih a ni dawn lawm ni ? Chutiang pe thei lo tur Sawrkar a awm em dawn em ni ?

PU VAIVENGA : Pu Speaker, nichina kan sawi tak  
MINISTER. ang khan, Head of Government ina  
tuna power a pek dan leh kan dinhmun  
a ni a. Chumi chung changah chuan hei, kan Chief Sec-  
retary te pawhin Circulation pawh siamin harsatna leh  
administration thuaah fel lohna emaw chak lohna emaw a  
awm chuan report leh ni selang tih a ni a. Chumi ang  
chuan ngaihtuah leh theih a ni a. Chu chu kan Sawrkar  
kutah a in nght a.

SPEAKER: Question No. 45-na, Pu C.Lalruata  
zawhna a ni a, Pu Sapliana a autho-  
rised a, Pu Sapliana.

Delegation of Powers to Officers of Education Department.

45\*PU SAPLIANA: Pu Speaker, Will the Hon'ble Minister  
in-charge of the Education Depart-  
ment be pleased to state -

- (a) Whether the Government of Mizoram have delegated powers to Officers of the Education Department in the District level.
- (b) If so, what are the extent of powers delegated to different Categories of Officers.
- (c) If no delegation of powers done, why not ?

PU VAIVENGA: Pu Speaker, hei hi tuna kan sawi  
MINISTER. bawk kha a ni a. 'Aw'tiin ka chhang  
ang a. Tin, chung power a delegate  
a te chu hemi House-ah Table-ah kan dah a. Tin, Member  
te pawhin chiang zawka in hmuh duh chuan hetah en theih

hvlc/-

.....8/-

pawhin a awm ang a. Hetia han hrilhfiiah emaw han sawi ngawt emawa tihsen pawh a ni lovang a. Chuvangin Member zahawm takte'n hemi thu hi kan vei hle a, thil lawmawm tak pawh niin ka hria. Chuvangin House-ah kan dah a. Tin, a dang te pawh enchian duh chuan office-ah pawh enchian tur a awm ang a.

SPEAKER: Question No 46-Pu Sangchhum.

Inspection of Schools in Chhimituipui.

46 \*PU K.SANGCHHUM: Pu Speaker, Will the Hon'ble Minister in-charge of the Education Department be pleased to state -

- (a) Whether Inspections of High Schools & Middle English Schools in Chhimituipui District have been made since 1972 ?
- (b) If so, how many times and the names of Schools inspected.
- (c) If not inspected, why not ?

PU VAIVENGA: Pu Speaker, 'A'-naah khan 1972 atanga MINISTER. Sikul an en te leh eng Sikul te nge, vawi engzat te nge an en tih te chu En e, kan ti ang a. Tin, an Sikul hming te leh vawi engzat nge tih-pawh a statement kha House-ah an rawn dah a. Tin, 'B'-na kha chutiang a nih avangin chhan ngai lovah kan ruat ang a. Chuvangin Member zahawm tak ten House-a kan dah kha min lo thlir pui ula.

PU K.SANGCHHUM: Pu Speaker, supplementary question-heng hming, name of schools inspected one a tihah te hianin hei 18 a awm a. Twice a tihah hian 11 a awm a. Hetia a hming ringawt pek a nih hi chuanin kan pawm thei lo va. A hun kha khawngaihtakin min rawn hrilh leh sela. Chuti-chuanin anmahni tu Inspector nge lo kal a, inspect tu chu kan hriat loh chuanin lehkha helala in check leh ringawt a hi a theih loh, chuvangin tunge ni, number 1-na atanga 18-ah khanin an tirh? Inspector, mi tin, 8-ah khanin tunge an tirh Inspector hming, tin, a ni chu theih loh a nih pawhin, a thla tal.



PU VAIVENGA: Pu Speaker, tunah mai chuan a thla  
MINISTER. chu kan sawi mai thei lo vang a.  
Member zahawm takin tih angin he-  
tianga han dah ngawt chu lungawi thlak loh a nih chuan  
office lamah emaw hei hi enfel theih a ni anga, chu  
chu khawngaihtakin min pawmsak ka beisei.

PU SAPLIINA: Pu Speaker, hei Minister zahawm  
takin zawhna chhanna Table-ah a  
rawn dah a. High School leh M.E.  
School wawi khat inspect tawh te chu 18 a awm a. Wawi  
hnih an inspect tawh te chu 11 a awm a. Hemi School  
hi an inspect ngei a, an inspect-na atanga Inspector  
hovina an inspect ngei a ni tih kan hriat theih nan an  
inspectna a an sikul pawimawh emaw, engemaw inspection  
report min hriattir thei em? Tin, Government High  
School region Lawngtlai hi wawi khat inspect tawh tih  
a ni a, engtik lai khan nge an inspect a, tuirnge  
ni inspect? Wawi khatmah Lunglei piyah lamah kan Ins-  
pector te hi ke an pen lo tih kan hrechiang si a. He-  
tianga House-ah dik lo deuh maia inspect vek mai hi  
dikin a lang lo.

SPEAKER: Ka rawn siam ang a ti a lawm, a  
a rawn thlen hunah a dik lo in la  
rawn challenge dawn nia. A la rawn  
chhang lo, kha kha chu. Inspect ni leh thla emaw leh  
inspect tu kha, kha kha a la sawi lova. Zawhna khan  
a la zawt lo va, chuvangin a rawn hre lo a ni mai a.  
Chu chu Office lam atangin an rawn ti ang a. Kan ti  
leh dawn nia.

Question No. 57- Pu K. Sangchhum

Creation/Filling up of the posts of D.S.E.O for Lunglei  
and Chhintuipui District.

47 \*PU K. SANGCHHUM: Pu Speaker, Will the Hon'ble Minister  
in-charge of the Education Depart-  
ment be pleased to state -

- (a) Whether the posts of D.S.E.O for Lunglei and Chhim-  
tuipui District are created.
- (b) If so, what further steps have been taken so far  
to fill up the posts.
- (c) If not, why not?

hvlc/-

.....10/-

PU VAIVENGA: Pu Speaker, hemi chung chang thu  
MINISTER. hi hun dangah pawh khan kan sawi  
tawhin ka hria a. Hemi hna hi kan  
la siam lova. Tin, 'B'-na kha la siam loh a nih-avangin  
hei hi chhan hleih theih a ni lo ang a. Tin, 'C'-na  
ah kha chuan a chhan chu kan sawi tak angin tangka  
lama India ram harsatna a lo awm takah khan hna kan la  
siam loh kan tih tur tam tak kha kan ti thei ta lova.  
Chumi zingah chuan hemi hi a tel a. Tin, kan Budget-  
ah khan kan passed tawhah khan telh chhoh leh a ni a.  
Tin, Sawrkar harsat tak avang khan keimahni chauh pawh  
ni lo, ram pumpui huap a ni.

PU SAILLAWMA: Pu Speaker, 1974-75 Financial Year  
chhungin District Social Education  
Officer leh District Social Welfare  
Officer sawti lam chhim lam District pahnihah sawn dah  
ve tumna implement tumna tak tak an nei em? Budget-a  
awm tih hian kan in hnem tawh lem lo.

PU VAIVENGA: Pu Speaker, nikumah pawh hei hi  
MINISTER. Member zahawm takin tul an tih  
thu an sawi a. Sawrkar pawhin a  
lo ngaihtuah tawh reng a. Buatsaih a ni a, mahse ka  
sawi tak ang khan tih hleih theih a ni ta lo va. Kum-  
inah hian tih theih ngei a nih pawh kan beisei ang a,  
Budget-ah pawh dah chhoh leh a ni.

PU SAPLIANA: Pu Speaker, supplementary question-  
hemi thua hian kan Minister zah-  
awmtakin a harsat thu a rawn sawi  
kha ka pawn thei lo va. Kum tawp lamah chauh khan  
khami Bank thu kha a awm si a. September thlaah hian  
Minister in-charge hnenah ngei pawh kan lengin kan  
sawi a. A ni chuanin helai min hrilh danin Finance-in  
min object tlata kan ti thei lo va. Tunah ti leh rawh  
u ka ti a, an ti leh ta, a ti a. Khami min chhanna leh  
office-a min chhanna a inang lo tlat a. Tunah hianin  
Finance Department-in an reject vanga he post hi  
create theih mai a ni zawk lo maw?

PU VAIVENGA: Pu Speaker, han hrilhfiah hlek ila.  
MINISTER. Finance lamin Department-ah hian  
engzah nge hna tuna awmlai in neih  
tiin an rawn zawt a. Kan va hrilh a. Min rawn zawhna  
chhan chu hna create kan va rawt vang a ni a. Anni pawh-  
in an duh loh vang mai ni lovin Central lam atanga  
finkhur tura tihna an hmuh tawh vang a ni a. Kan neih

sa bak hi chu a siam belh theih lovang tiin minrawn hniaal ta a. Mahse hei hi a pawimawh ema tiin kan va rawt thar thin a. Kan Member zahawm tak sawi ang khanin kan in hmu a, ka lo hrilh a. Mahse harsatna zawk khan minrawn nan leh tak avangin hei hi kan ti chhuak zo ta lo a ni.

**PU SAPLIANA:** Pu Speaker, supplementary question-  
engvangin ge Finance hnena Budget  
Provision awm reng sia he hna hi a  
pawimawh loh bik, Chhintaipui leh Lunglei tan a nih  
vangin a pawimawh lo bika an ngaih theihna, a chhan ?

**PU VAIVENGA:** Pu Speaker, a pawimawh lo ve tih  
**MINISTER.** leh a pawimawh bik e ti lamin Finan-  
ce Department pawhin mi an ngaihtuah  
in ka ring lova. A pawimawh an ti ve em em in ka ring  
ve thova. A hserawhchu, Central lam atanga harsatna  
avang zawkin hei hi an thei love tih a nihka ring zawk  
a. Tin, hemiah chauh pawh a ni lova, Department dangah  
te pawh kan tuar theuh a ni.

**PU SAITLAWMA:** Pu Speaker, Aizawl District atan  
hian Central lam atang chuan harsatna  
a awm ve reng emaw chu ?

**PU VAIVENGA:** Pu Speaker, hemi Aizawlah chuan hei  
**MINISTER.** chu a awmsa a ni a. Harsa tih leh  
tih thu ni lovin. Tunhma atanga  
awmsa a ni.

**SPEAKER:** Zawhna No. 48- Pu Sapliana.

Disbursement of money sanctioned for Construction of  
Ngharum L.P.School.

48\* **PU SAPLIANA:** Pu Speaker, Will the Hon'ble Minister  
in-charge Education Department be  
pleased to state -

(a) Is it a fact that a sum of Rs 4,000/- was sanctioned  
by the Government for Construction of L.P.School  
building of Ngharum Village during the year 1972-73.

(b) If so, whether the money was disbursed to the Villag-  
ers concerned.

(c) If not, why not ?

PU VAIVENGA:  
MINISTER.

Pu Speaker, 'A'-naah hian sanctioned e, kan ti ang a. Tin, 'B'-naah hian Village Council hnenah pek a ni lo, kan ti ang a. Tin, a nih loh chuan engvangnge tih a ni leh a, Primary Building Grant kan pek danah hian a Village Council te hnenah a bik takin kan pe a ni chuang lo va. Sikul tinah hian Committee kan siam a, tahchuan Village Council President chu President tura tih a ni a. Tin, Head Teacher chu tangka enkawl tur leh Secretary ni turin ruat a ni a. Head Teacher kan zu tihna kher chu tunhmain Village Council hnenah Primary School sakna tur te leh thil dang te pek a lo ni thin a. Amah erawhchu, anni Village Council tena an lo hman that loh hian action lak tak tak theihna a awm lo va. Village Council te chu a changin thiat an lo ni bawk vei nen, chu chu felin kan hre lo va. Zirtirtute'n tangka an lo tihbo pawha Department action lak leh theihnain tangka chu kawlin ziak se kan ti a ni a. Head Teacher hnenah a tangka chu pek a ni. Village Council hnenah a bika pek a ni chuang lo.

PU SAPLIANA:

Pu Speaker, kan Minister zahawm takina an pek lohna a chhan min hrilh a kha a hre lo niin ka hria a. Hei 1972-73 Grant kha a la ni a, 1973-74 pawh a la ni lo va. Chuvangin Villager concerned hnenah pek a ni em tih aka zawta, he lai min chhanna kha a dik lo tawp mai a. Saiha D.I. Office-a Sub-Inspector pakhatin he pawisa hi a la a, vawin ni thleng hianin Sikul authority hnenah an pek kei chuan ka hre lova. An pe tawh a tih kha, an pek ni tahrik chiah min hrilh thei em? Villager ten an dawng chiah em? Signature te an pe em? tih ka hre duh a ni. Kha pawisa kha tuemaw kutah Store-keeper tuemaw kutah Rs.4,000/- a hlan a. Hei hi Villager hnenah lo pe rawh an ti a, vawi tam an dil a. A pawisa chu vawin ni thleng hian kei chuan a awmna ka hre lova. A pe a tih kha, rinthu-in min chhang a ni. Chuvangin a pek ni leh khami pawisa drawtu signature ngei kha ka duh a ni.

PU VAIVENGA:  
MINISTER.

Pu Speaker, ka chhanna kha hmun danga kan tihdan pawh a ni. Tin, thil fel lo bik tak a awm a nih chuan member zahawm takin min lo ngaithiam sela. Chu chu ka rawn enchiang ve ang a, keini pawhin kan rawn dap ang e.

hvlc/-

.....13/-

*Rs 4000/-  
for emakhu  
L.P. School  
at Nghanam*

PU SAPLIANA: Pu Speaker, a reng reng thuin hemi chung changah hianin Sikul authority hnenah complaint-na a lut tawh reng em ? Lut ni ta se, engatinge vawin ni thlenga chhanna dik tak min pek theih loh ?

PU R.ZOLIANA: Pu Speaker, supplementary question kan zawt ve duh a, kan Minister zahawm tak khan L.P.School Building sakna pawisa chu Head Teacher kutah kan kawltir a ti a. Pawisa ziaktu, hmanralna ziaktu, L.P.School Head Teacher a ni a, a kawltu a ni baw a. Chu chu Mizoram hmun hrang hrangah a tha lo a ni tih Sawrkarin a hre tawh em ? Tin, pahnihaah chuan, Deputy Inspector of Schools rawna angin, Sawrkar thu chhuak chu zawm lo vin, a kawltu leh a ziaktu an dah hrang tawh tih Sawrkarin a hria em ?

PU VAIVENGA: Pu Speaker, kha kha kan la hre lo MINISTER. va. Tin, a that lohzia tihte leh engemaw kha, hmun thenkhat atang chuan a lo awm zauh zauh a. Anaherawhchu, keinin kan zuk tih chhan chu hmun thenkhatah a ziaktu leh a kawltu a lo inkawp hian tangka a fel lo ve leh thei a ni tih Member zahawm tak Pu Zoliana sawi ang khan a lo awm ve zauh zauh a. Chu chu enchian leh pawh thil tul tak niin a lang a.

Tin, Pu Sapa sawi kha ka han sawi tak ang khan kan en ang a, min lo ngaidam sela, hei hi chu ka rawn en ang e.

SPEAKER: Zawnna No. 49- Pu Sapliana.

Disparity in manner of drawal of T.A. by the Inspecting Staff.

49\* PU SAPLIANA: Pu Speaker, Will the Hon'ble Minister in-charge Education Department be pleased to state -

- (a) Is it a fact that Inspecting Officers/Staff inherited from the erstwhile Mizo District Council get fixed T.A. whereas Assam Government get the said allowance only on official tour ?
- (b) If so, why ?

.....14/-

PU VAIVENGA: Pu Speaker (a)-na hi 'Aw' tiin kan  
MINISTER. chhang ang a. Tin, (b)-na hi chu-  
ti nise engvangnge tih chu hei hi  
a chhan a ni a. Assam atanga kan indan khan District  
Council-in mi a lo rawihte reng reng chung chang an  
hlawh leh an thil hmuh te kha tih danglam theih a ni  
lova. Tin, Sub-Inspector te pawh kha an T.A. a hlawma  
an lo hmuh kha tih danglam theih bik a ni lo. Tin,  
Assam Sawrkar hnuaiia Sub-Inspector te leh Inspector  
dang awm te khan fixed T.A. an lo hmuh kha Assam Sawr-  
kar lehkha vekin a rawn tihdanglam hman avangin an zin  
tam leh an zin tlem in T.A. pangngai an hmuh dan tur  
angin pek an ni.

PU SAPLIANA: Pu Speaker, supplementary question-  
hei Assam Sawrkar leh District  
Council hnuaiia hnathawkte dinhmun  
a in ang lo nasa em em a. Hei hi tihfel sak thuai Sawr-  
karin a tum reng em? Hei Inspection lamah te pawh  
Inspecting Staff theuh theuh a thenin inspect pawh awm  
lovin, thla tinin T.A. an la a. An hnathawh in ang theuh  
siah. Chuvangin hetiang harsatna tam tak hi a awm ta  
a. Sawrkarin tihfel sak thuai a tum em?

PU VAIVENGA: Pu Speaker, heri chung chang thuah  
MINISTER. hian Dan awm anih avang hian zuk  
tih danglam sak ngawt chu thil harsa  
tak a niin ka ring a. Amaherawhchu, anmahnite'na an  
duh zawk vena te pawh a ngai mai thei a. An zin tam  
chuan fixed T.A. aia tam pawh hi an la thei tur a ni  
a. Tunah hian an zin tam hle pawhin Rs.100/- an la ang  
a. Chuvangin helaiia Dan anga lo awm tawh hi chu a dana  
hi a danglam loh chuan tihdanglam mai chu a harsain  
ka ring a. Kawng dangah erawh chuan tih danglam tumin  
allocation te pawh Sawrkarin a thlir mek a ni.

SPEAKER: Question No.50-na Pu Dotinaia  
zawhna.

Link Road between Serchhip and Thenzawl.

50\* PU R.DOTINAIA: Pu Speaker, Will the Hon'ble Minis-  
ter in-charge of P.W.D. be pleased  
to state -

(a) Whether the P.W.D. Serchhip to Thenzawl Link Road  
was taken by the B.R.T.F.

(b) If so, what is the progress of the work now?

.....15/-

PU CH. CHHUNGA: Pu Speaker, Public Works Department-in-Serehhip-Thenzawl Kawng  
CHIEF MINISTER. kha B.R.T.F. hnenah hlan a ni tawh em tih a ni mai a, a zawhna hi chu.

Tin, (b)-naah hian eng chen nge hna an thawh tawh a ni a. Hetah hian hna an la thawk lova. Nimpinpiah khanin an Chief Engineer nen kan inbia a. A ni chuan lo thawk rawh u tihna kan hmu tawh a. Kan inpuahchah mek ang a. Tichuan thla hnih khat chhung chuan kan dek tan thei tawh ang. Saiha Road nen.

PU R. DOTINAIA: Pu Speaker, a nih chuti lo ni sela, scheduled for works tih phek 58-na ah hian Aizawl East Divisionah hian pakhatna leh pahniha construction of Link road from Serchhip to Thenzawl Section 1 and 2 from 0-26 mp. tih leh Construction of Thenzawl road remaining length tihah hian hei pawisa a awm a. Hei hi eng atana hman tur nge ni ang ? B.R.T.F. kutah an pe tawh si a, PWD-in thawh tur a la nei reng em ni ?

PU CH. CHHUNGA: Pu Speaker, P.W.D.-in thawh tur  
CHIEF MINISTER. a la nei ka hre lova. Nihka kan tih ngai loh ang takin kumin chu Central lamin B.R.T.F. pawisa hi in budgetah lo khung ve rawh u, am ti a, kan khung ngawb mai nghe nghe a. Chuti lo chu chutianga khilalah engvanga khilai pawisa chu khung ve nge kan nih ka sawi thei lo.

PU R. ZOLIANA: Pu Speaker, B.R.T.F. ina Kawng laih thu a ni a, a relevant-in ka ring a. Aizawl - Thenzawl Road hi B.R.T.F.-in la se tia Sawrkarin rawtna a nei em, Tin, pahnihaah chuan Member zahawm tak Pu Dotinaia han tarlan kha kei pawh ka lo hmu ve a. Kha pawisa kha hemi Aizawl-Thenzawl road hi B.R.T.F. in la dawn lo a nih chuan kan Dan pangngai angin a divert thei mai lawm ni ?

PU R. DOTINAIA: Pu Speaker, kan zawt leh lawk ang e. P.W.D.-ina khung sak a nih pawhin helai pawisa hi Rs. 17,000/- chauh a ni mai a, a tlem ble mai a. Hei hian a thawk zo thei dawn em ni ang ?

PU VANLALHRUAIA: Pu Speaker, B.R.T.F. chung chang tho a ni a. Charphai to Mibung B.R.T.F. lak tura tih kha hmanah khan ka

hriatsual loh chuan a pawimawh ber zinga dah tur niin ka hria a, tun thlengin hnuhma an la nei lo niin ka hria a, khi laiah khian.

SPEAKER: B.R.T.F. zawng zawng chu chhan a ngai lo vang.

PU CH. CHHUNGA: Pu Speaker, Champai lan chu kan  
CHIEF MINISTER. chhang lo mai ang a. Engpawhnise, hemi Thenzawl Kawng hi B.R.T.F. in la se tih recommend-na a awm tawh thin em? tih kha kan bei nasa tawh viau a, amaherawhchu, B.R.T.F.- in Aizawl-Thenzawl Kawng kha chu an hnial thin a ni. Duh se chu dan pangngalin kan pawisa chu transfer theih mai awm a ni e, kan phal chuan.

PU LALKUNGA: Pu Speaker, min han chhang nghal thei sela. Chief-Minister zahawm tak khanin B.R.T.F. chu kan-budget ah kan khung a, a ti a. Chumi a nih chuan hei B.R.T.F. in kan rana Kawng a sah zawng zawng te hi kan budget in a huan vek dawn nge, B.R.T.F. hi helaiiah hianin kan hmu mang si lova. Eng atangin nge maw khalai budget chu an siam chu le, kan va hre duh ve.

PU R.DOTINAIA: Pu Speaker, supplementary question-Rs.17,000/-Thenzawl Link Road-a dah kha, Aizawl-Thenzawl road-a divert lovin, hemi schedule for work-ah khan 'improvement of existing road within Serchhip' tih a awm a, one lakh provision-ah a lang a. Khatah khan telh ve sela thain ka ring a, chu chu a theih ve dawn lawm ni?

PU CH. CHHUNGA: Pu Speaker, chu-chu rawtna tha tak  
CHIEF MINISTER. a ni a. B.R.T.F. hman tur kan budget a lo tel ve ta ngawt maia kha keini chuan kan budget tur chin chin chu kan hman tur a nih a rinawm a. B.R.T.F. hman tur ang chia ruat kha chu, an hman tur a ni ang a. Engpawhnise, khami pawisa atang kha khuan keini thawh tur programme chu siam a ni lo.

SPEAKER: Question No.51- Pu Lalruata.

Selection of rivers or a streams for drawing water to be distributed to the public.



\* 51. PU C. LALRUATA: Pu Speaker, Will the Hon'ble Minister-in-charge of P.W.D. be pleased to state -

(a) Whether the Public Health Engineering Department prescribed any river or stream from which selected contractors may draw water for distribution to the Public at Aiawl.

(b) If Yes, what are the rivers/streams ?

(c) If not, why not ?

PU CH. CHHUNGA; Pu Speaker, Aizawl tui vantlang  
CHIEF MINISTER. zinga supply tur hi a phurhna hmun  
tur, a lakna tur Lui te thlan bik  
a ni em ? tih a ni a. Chutiang Lui chu thlan bik an  
ni a. Tin, kan thlan te chu Tlawng chu thlan bik a ni  
a. Tin, hemi Company lui hi a ni bawk a, Company Tui-  
khuah khu. Amaherawhchu, tunah hi chuan sawta tang  
sawn Tui pump a nih avangin sawta tang chuan lak a ni  
lova. (c)-na hi chu chhan ngai lovah kan dah ang a.

PU C. LALRUATA: Pu Speaker, supplementary question-  
an Tui sem thin te hi a thianghlim  
leh hlim loh, ei leh in atan hman  
tlak anih leh nih loh enfiah a ni thin em ? A nih thin  
loh chuan a ngai lo em ni ?

PU CH. CHHUNGA: Pu Speaker, enfiah em em dang pawh  
CHIEF MINISTER. ngaiin a lang lova. A nu viau a,  
thenkhatte phei chuan Kawr var  
pawh an su duh mangin ka ring lova. Enfiah ngai lovin  
a langsa deuh maiin ka hris a, tunlai chu Ruah a sur  
vang a ni a. Lui pui atanga lak a nih avangin, a hnara  
kha a lo nut chuan a nu lo thei lova. Hemi tihfirna  
tur thil hi kan la nei hrih si lova.

PU C. CHAWNGKUNGA: Pu Speaker, supplementary question-  
hemi P.H.E. hovina an Tui chawina  
hmun Sairang khu mi zawng zawng  
insukna leh inbualna mawng khu an thal tlat mai a. Khu  
khu nikun khan Kurung ari thal tawh se tih kha ka rawn  
sawi a. Mahse tunah inbualna leh insukna thli zawng

zawng khu a kilah an pump chhuak a. Khu khu kan In ta a ni a, a tenawm hle mai a, khu khu tisawn thei se a tha lawm ni ?

PU CH. CHHUNGA: Pu Speaker, a sawi tui tang lo  
CHIEF MINISTER. viau mai a, kan lo thlir ang e.

PU NGURDAWLA: Pu Speaker, kan Chief Minister zahawm tak chhanna kha a ho teng tawng viau maiin ka hria a. Enfi ah a, an lakna bulah hian engemaw Laboratory te awmin tih thianghlimna kawngah khan a tih theih dan awmin ka ring a. Tin, ram dangah chuanin Laboratory te neiin staff puitling in an ti thin a. Chutiang ang neih ve turma chu Sawrkar hian a nei em ?

PU SANGKHUMA: Pu Speaker, chu bawk chu a nia ka zawh tum chu. Tui thlitfirna chu khumi Reiek Kawngah khuan siam tum niawm takin a lang a, a In te pawh a awm a, in zu hmu ve tawh hlawmin ka ring a. Khu khu engemawchen an siam uai a, tikhuan a awm leh ta reng mai a. Engnge maw a awmzia ni reng reng le ?

PU CH. CHHUNGA: Pu Speaker, a zawhna nen hian a  
CHIEF MINISTER. inzawm ta lo lutukin ka hria.

SPEAKER: Question No. 52.

Construction of retaining wall behind Mr.S.LalngHINGA 's House at Chandmary.

\*52.PU C.LALRUATA: Pu Speaker, Will the Hon'ble Minister in-charge of the P.W.D. Department be pleased to state -

- (a) What is the necessity and urgency of constructing retaining wall behind Mr.S.LalngHINGA's House at Chandmary ?
- (b) Are these terms and conditions governing it ?
- (c) Who is the Contractor ?
- (d) What is the expenditure ?

PU CH. CHHUNGA: Pu Speaker, Chandmary-a Pu Lalnghinga  
CHIEF MINISTER. In bula Retaining Wall rem saw  
engemaw a tul em em na le, tih a  
ni a. Hemi tulna hi hmannah pawh khan kan sawi tawh  
a. Sawlai tak saw sawti lai kawng pheiah sawn a min  
duh bik a. Kuntin mai sawlai saw a min a. Chang pheh  
chuan Motor tana kal hrehawm khawpin a min a. Chuvangin  
rem mai ila helaiiah hian Lung rem mai ila, dal loh  
chuan a min reng dawn a, kan buaipui reng dawn e tih  
thu a ni ber mai. (b) hi chu chhan tulin ka hre lova.  
Tin, (c)-na hi tunge ni Contractor tih a ni a. A  
Contractor chu Pu Thanthianga a ni a. Pawisa sengo  
engzatnge tih a ni a, chu chu tunah chuan Rs.36,317/-  
sen a ni tawh.

PU SAITLAWMA: Pu Speaker, min fo thin laiah  
retaining wall siam tur a nih  
chuan Chandmary leh Ramhlun inkar  
min deuh reng reng Motor pawh block fo thinah sawn  
Sawkarin retaining wall siam ve a tum em? A pawimawh  
ve viau a ni lawm ni?

PU CH. CHHUNGA: Pu Speaker, B.R.T.F.-in ala tawh  
CHIEF MINISTER. a, kan kuta mi a ni lo.

PU C. LALRUATA: Pu Speaker, sawlai kawng saw a  
min thin e, a ti a, kan Chief  
Minister zahawm tak khan. Mi  
zawng zawng deuhthaw hi, saw kawng kal tlang fo kan  
ni a. Motor block thama a min kei ka lo hre mang lo  
va. Nikum khan Pu Rohnuna kawmah a min deuh a, a bang  
te pawh a len thla a. Heti taka hman hmawh ngai si  
engatinge Fur lai ni lova, Thal laia an siam a, tender  
pawh koh hman lohva an siam?

PU CH. CHHUNGA: Pu Speaker, sawlai kawng leimin  
CHIEF MINISTER. thin sawnin kan Member zahawm tak  
Pu Ruata han sawi ang khan Motor  
kal vel te chu a dang chiah lova, mahse kal nuam lo  
khawpin a min ve thin kan ti mai a nia. Chuvangin, a  
rang thei ang bera sawlai leimin tihtawp kan duh avang-  
in hmanhmawh taka tih tur kan ti ringawt mai a ni.

PU C. LALRUATA: Pu Speaker, Chhim lampanga kal pheh-  
na D.F.O. In bula Kawng min Chhim  
lampang zawng zawng Fur lai pheh

kha chuanin rei deuh ni hnih ni thum vel chu a dang thin a. Sawng Kawng te saw engatinge urgent taka tih an nih ve loh ?

PU F.HRANGVELA: Pu Speaker, Aizawl-ah hian Retaining Wall ropui tak tak mai mimal In bulah te tuna kan sawi tak hi a tam viau mai a. Chung a rem chu khawpui tihmasawn nan nge mimal in atana remchang atana an rem sak ?

PU CH.CHHUNGA: Pu Speaker, mipui remchan nana CHIEF MINISTER. ngaihtuah a ni a. Tin, min zawng zawng hi chu kum khatah thawk leh khatah ti vek seng dawn ila chu kan duhtusam chu a ni a, kan tlin lo a ni.

PU C.LALRUATA: Pu Speaker, pawimawhna bik a neihna kha a la chiang lovin ka hria. Motor pawh block ngai si lo, hmun dangah Motor pawh block fe thin a awm si a, engatinge a pawimawh em em bik ? P.W.D. hotu a nih vang em ni ?

PU CH.CHHUNGA: Pu Speaker, P.W.D.hotu nih vang CHIEF MINISTER. ngawt chu a ni lovang. Mi dang In bulah pawh a tul ang chuan tih a ni thin a.

PU SAITLAWMA: Pu Speaker, kal nuam lo deuh ani mai a. Chu aia pawimawh Retaining Wall siam loh a awm chu eng vanga ngaihthah bik nge an nih hriat ka duh a. Lunglei Government High School saw a chhim chhak lampangah a min bal huam mai a. Retaining Wall an han siam tir a, ni-mahsela tunah sawn a zawh hmam hna an tih tawp tir leh a. Sawng te pawh public property tak tak a ni a. Sawng Retaining Wall te aia kal nuam lo an ngaimawh tlat thinna hian dik tak chuan chhim lam min ngaihthah tih chu a chiang hle a ni.

PU SANGKHUMA: Pu Speaker, supplementary question pawh ni lo, question ve hrim hrim zawh ka duh a. Question an zawh supplementary question an zawh hian relevant leh a relevant loh hi tu decide nge, Speaker nge, a chhangtu (Speaker: Speaker). A chhangtu tura nichina eng vanga decision hrang siam nge an nih ?

SPEAKER: A relevant loha a chhan theih loh chuan a ti thei tho bawk a.

PU SAITLAWMA: Pu Speaker, Point of Information atan, hei kan Session reng reng hianin duh aiin thu kan sawi thei lo fo mai a. Kan, hemi Administrator rule for the Legislative of Mizoramah hian rule 12-naah voting on demand te pheii chu ni 15 aia rei lo an ti lek a ni a. Keini chu ni hnih khat lekah hnawhsarum deuhin Member vui hmuipu deuhvin min ti ziah mai a. Hei hi tu thiam loh ber nge, Sawrkar hian he House ropui tak mai leh zahawm tak mai hi a palzut hrim hrim em ni ? Engvang-innge hma deuhah Member te hi hun pe deuh hleka an tih lohna chhan hi.

Nakumah chuan hetiang hi ni tawh lo turih ka duh a. Hei kan Dan pawhin hun thawl zawk leh zau zawk min phal sak duai a. Keini chu ni hnih khat lekah kan in nuai liam thin hi a vuiawm khawp mai.

SPEAKER: Member zahawm tak mai Pu Saitlawma sawi kha a dik khawp mai. Hei hi kei pawh ka manganna a ni a. Amah-erawhchu, a tih theih loh a ni. Vawina kan zawh loh chuan naktukah kan Bill pass hi Lt. Governor thleng tur khan chhut a ngai a. Chuvangin vawinah chuan kan sawi hman emaw hman lo emaw nuai liam reng reng a ngai dawn a ni. Chu chu kan sawi lawk kha a ni a, a hmain ti thei hek lo i. Presentation of Budget kha ni 19-ah an ti thei lova. Chuvangin nakumah chuan Sawrkar pawhin lo hria selangin, heti rum ruma Budget Session kan neih ziah chuan a conduct pawh a harsa lutukin ka hria a. Member pawh an zahawm em em a. Chuvangin hetia kan tih ai chuanin vote on accounts in emaw mi tih angin ti ila, muang changin a Budget hi chu kan khel thei ang a. Chumi a nih loh vek chuanin March thla bul atangin emaw Session nei tan ila, chu chu a duhawm khawp mai. Chu chu Sawrkar lamin chhinchhiah atan keipawh ka sawi duh a ni.

Aw le, zawhna hun kan hmanng zo tawh a. Kan next itemah kan kal ang a. List of Business ah khan pahnihna voting on supplementary demand tih kha an chhut sual a ni a. Chuvangin 3-na tur kha a ni ang. Voting on demand tih item No.3-naah khan kan kal nghal dawn a ni. Hei Demand 4 kan nei a, kan zo hmanin ka ring a, a sawidan kan thiam chuan. Chuvangin nimin lam

aia hun tam deuhin hman theihna turin kan siam deuh chhina ti hian. Hemi Demand No. 19, 50, 56-ah hian mi 10-in thu in sawi thei ang a. Tin, minute 7 zel ni thung selangin, minute 5 zel ni lovin. Chutiang chuan kan ti ang a, tin, Minister-in-charge-in minute 10 ni lovin minute 15 chang bawk sela. Chutiangin tichhin teh ang. Zawh theih ka in beisei. Aw le, Demand No.19,50,56 hi Minister-in-charge-in han move selangin.

VOTING ON DEMANDS.

Demand No. 19, 50, 56.

PU CH. CHHUNGA:  
CHIEF MINISTER.

Mr. Speaker, Sir, On the recommendation of the Administrator of Mizoram and with a permission sir,

I moved the Demand No. 19, 50, 56 for Rs. 996 (Rupees nine hundred ninety six) lakhs 9200 (ninety two thousand) to meet the expenses during the 1974-75 in respect of the following Departments, thank you.

SPEAKER:

Department chu 2(two), 5(five), 9 (nine)-ah Public Works; 2(two), 8 (eight), 3(three)-ah Housing; 3,

3, 3 Irrigation; Navigation and birth Control; 3, 7-Road and Bridges control; 4, 5, 9 -Capital outlay on public work; 5, 3, 7- capital outlay on roads and bridges.

Hemi Demand ina a huam pheh hran hran atang hian sawi duh nei in awm chuan han sawi rawh u le.

PU LALSANGZUALA:

Pu Speaker, hun a tawi bawk a, tlem te ka sawi ang a, Sawrkar Hotute hriatah Public Works Department leh

Public Health Engineering hi Mizoram Sawrkar Department-ah chuan mi criticise ber pawl a nih ka ring a. Tin, tun kum 2 Union Territory kan nih chhunga P.W.D.-in a an pawisa hmanral hi an hna nen a inphu lo lutuk niin ka hria. Chuvangin engemaw kan tih a tulin ka hria. Kan Sawrkar Officer te hian kan Minister zahawm tak te hi an misguide zeuh zeuh niin a lang a. Hmanniah kan Chief Minister zahawm takin Crash Scheme thua a kalhmang dik lo deuh a chhan a rawn sawi a. Amah chuan a hre kher lo

....23/-

hvlc/-

a nih pawhin kan thiam anga. Mahsela amah hrilhtute Officer an dik lo a ni. Chutiang bawkin Thakthing Bazaar hnuai kawng chung chang thuah Chief Minister zahawm tak chuan a hnuai kawng zawk siam theih a nih loh vanga tih angin a sawi a, chu pawh chu a dik lo. A hnuai zawk kawng pawh an siam tho a ni. Tunah pawh Contractor-in hna an thawk tho. Engahnge an official te hian a nihna ang taka sawi tura courage an neih loh ? Chuvangin tun hnuah kan Sawrkar hotute reng reng hian kan Minister zahawm takte hi an misguide tur a ni lo. Tin, kan Programme P.W.D. schedule of work anga hna tam tak kan thawk lo fo mai pawl ka ti a. Hei Budget vawi hnih, nikum leh kum hmasaah kan passed tawh a. Tam tak tun thleng hian pending a la awm a. Chuvangin tuna kan Budget pass tur pawh hi a implementation kha a pawlmawh zawk a ni. Lehkhaa lan rangawt hi awmzia a nei tehchiam lo niin a lang. Tin, Crash Scheme kan sawi tak a zarah chuan Crash Scheme hi a nih lohna turah kan hmang a. Chuvang chuan corruption leh bribery leh favouritism a tam em em. Hei hi kan Ram tichhetu tur niin ka hria. Chuvangin Sawrkarin a Dan ang takin hmang tawh sela. Tihomah chuan Tender koh hman lohna a awm ngai hlei nem. Tunhma Supply Department te pawhin one week notice-ah pawh an ko hman zel a ni. Chuvangin P.W.D. a nih vangin excuse siam hi dik ka ti thei lo reng reng. Tute'n emaw undue advance lak an duh vang mai mai a ni. Tunah hian Officer tam takin mi dang through in contract te an nei a. Chuti khawp chuan kan Ram hi a bawlhhlawh tawh a ni. Hei hi kan tihtawp loh chuan kan Ram future tur chu a lungngaihthlak hlein ka hria. Tin, action lak turah pawh kan in dim tur a ni lo, thilsiam thatna tur a nih chuan. Chuvangin keimahni Mizoram siama tur kawngah hian kan Mizo Official te rinawm lo tak leh depde taka hna an thawh chuan kan Mizo mipui leh Mizo Ram tana hmelma an ni. Chuvangin dim lo tawpin kan ti tur a ni. Thil entir mai mai nan kan sawi ang a - India Independent tirh khan Saphovin min tinsan duak mai a. Chu chuan Indian Officer Junior te tein post sang tak an rawn vawn phah a. Sipaiah te chuan Battalion Commander kum 20 service lo nei thin ina an thawh te kha kum 5 kum 6 service lek lekin an rawn thawk a. Engnge ni a result kan tih chuan, corruption a awm tan ta a ni. Chumi Damdawi tura Headquarter lama an tih dan chu na takin an hrem mai a ni. General pakhat phei chu Carpet Public Property a Ina a hman avang ngawtin General atangin Major-ah an tithla a. Chutianga an han sawisak meuh chuan Indian Army chu a ngil zawt mai a,

vawiin ni thlengin Discipline tha takin a kal thei chauh a ni. Chutiang deuh chuan kan Ram hi kan siamtha duh tak tak a nih chuan engahnge mi dik lo leh mi depde chu kan hman ang ? A na thei ang berin kan hrem tur a ni. Tihemah chuan Officer te pawh kan nei lo kan tih kan tihna chhan hi keimahni Officer te ngei kan duh vang mai a ni a. Mahse kan mi Officer tena an tlin loh chuan engahnge hnam dang lak pawh kan sawisel.

Vai hi a tlangpuiin kan hlau ringawt niin a lang a, tihemah chuan keimahni Mizo zingah pawh misual tak tak kan awm a, mi tha tak tak kan awm ang bawk hian, Vai zingah pawh misual tak tak an awm a, mi tha tak tak pawh an awm ve tho a ni. Chuvangin hemi kawngah hian keimahni Mizo te lakah chuan hnam dang aiin beisei kan nei sang zawk turah kei ka ngai tlat a ni. Tin, kan hna quality hi a chhe em em a, hmannah pawh ka sawi tawh a. Kawnglah nise, chuti bawk, Building ah nise chuti bawk. Engnge a chhan kan tih chuan Departmental Officer te an ni. Engahnge an hna quality chhia an accept. Contractor pakhat hna kha a chhiat avangin accept lo sela, penalise sela, a leh pekah chuan a ti leh ngam tawh kherin ka ring lo.

Tunah hian P.W.D.-ah leh P.H.E.-a contract reng reng hi min hlawk hrim hrimah an ngai a, 30 per cent te, 27 per cent below ten an chhang a. Engvangnge kan tih chuan an hlawk tho a ni. Hman lawk khan Lunglei Bialah kan va kal a. Lunglei Division hnuiah chuan registered contractor 300 vel an awm a ni. Engvangnge chuti zai Contractor an awm theih kan tih chuan P.W.D. hi ala hlawk hrim hrimah kan ngai a. A hlawk ngei reng a ni.

Tin, Kawng chung chahng hian a bik takin hei Assam hnuiah P.W.D. kum 60 emaw lai kan awm a. Keimahni U.T. Governmentah kum hnih (2) lai kan awm tawh a. Vawiin ni thleng hian A-1 all weather road Lunglei atanga Thenzawl lam kawng taw-i te tih loh chu Town Road bakah P.W.D.-in pakhatmah an la siam thei lo hi zahthlak ka ti. Tin, Mizawl-Thenzawl Road te hi buai hma atanga tan tawh kha a ni a. Vawi engemawzah an lai nawn tawh a, Tachhip, Sateek thleng phei chuan. Hei Sil-Sialsuk leh Thenzawl inkar te phei chu 1959 December-a hna tan a ni a. Within 6 months-a complete tur an ti a. Vawiin ni thleng hian Motor a la kal lo reng reng chang ni lovin hmun tam takah chuan laih pawh laih ala awm lo a ni. Engnge a chhan kan tih chuan, kan Departmental Officer te slack vang a ni. Khawzawl-Lungdar, ad nikum hmasaa tan a ni a, within 6 months a complete tur hmanni lawkah kan hmu a, laih reng reng loh pawh ala tam. Engnge



a chhan kan tih chuan, Contractor te khan pawiti hek lo. Kum tawp hnuah pawh complete dawn se pawiti hek lo. Departmental Officer te khan an term kha engahmah ngai hek lo. Chuvangin kan Officer te kan hrek deuh a ngai a ni. Public Health Engineering lamah pawh hian phunnawina a tam hle a.

Tunhma pawh khan kan sawi thin a. A thawktu kan indaih lo hrih a, hei kan Sawrkar a thar e kan ti a, kum 2-in a upa tawh a. Tun thleng pawh hian hei a hna hi ala chak lo-em em mai a. A bik takin Thing-tlangah, Chuvangin P.H.E. lam te pawh hi set Programme nei deuh a, hna an thawh lohva, tun anga anmahnia kan kal tir chuan beisei t-ur a tlem hlein ka hria. He lamah pawh hian hna Tender lohva pek tih ang reng te, Tender khar hmaa pek tih ang reng, hetiang neuh neuh te hi a tam a. Kan Ram siam thatna tur a nih chuan tumah mi dik la kan dim tur a ni lo. Kan dik loh chuan na takin kan inti mai tur a ni. Kan dik loh kan inthuhruk hi kan pawngpawrhna bul a ni.

Tin, Housing Loan lamah han kal leh lawk ila, Housing-ah khan thil lawmawm tak mai hmuh ka nei a. Session hmasa ber khan Housing Programme neih a tulzia thu ka sawi a. Za (100) family lai chu grant-in-aid housing programme-ah kan telh a, lawmawm ka ti tak meuh va. Hmannia ka sawi ang khan hemi kawng ah pawh hian programme kan neih a thain ka hria. Tun atanga kum 25 chhung hian Mizorama nupui fanau nei reng reng chuan mahni In leh Lo an neih vek theihna turin Loan emaw, grant emaw mahni pawisain emaw chu chu kan ngaihtuah tur niin ka hria. Hemi Mizoram hi thahnemngai taka Mizo Kristian rilru pua kan thawh chuan ram dang tana entawn tlak kan nih theih ka ring tlat a ni. Mahse tun anga mahni kal kala kan kal hian erawh chuan future kan nei miah in ka hre lo.

Tin, Irrigation thuah hian tlem han sawi leh ila, Irrigation kan tihah hian a tlangpuin lui dung atanga tui lak theiha irrigation tih ringawt hi kan rilruah hian a tam ber niin ka ring a. Kan Ram hi Tui a tlem si a, tlang lamah te pheh chuan dik takin Tui a awm mang lova. Chuvangin Ram sang deuh leh mual tha deuhah te hi chuan lift irrigation hi uar deuh ila. Chutichuan tuna wet cultivation kan tih let aia tam hi, Irrigation atan kan hmu thei ngeiin ka ring a ni. Ka lawm e.

PU C.LALRUARA:

Pu Speaker, sawi tur tlemte ka nei-vein ka hria a. Ahmasain P.W.D. bak hi sawi ka duh a.

Official te a department reng reng te mawphurhna chin a awm a. A dik khawp mai a. Hei contractor tam takin hna an thawk sup sup a, khawimaw laiah chuan hna an han thawh that deuh hlek tein a supervising officer, overseer emaw, a chang pheii chuan Sub-Divisional Officer te pawh an ni ang a. Chungte chuanin thawk tha lutuk a nih hi maw le, in hlawk lovang e an tih te pawh hriat tur a awm zauh zauh a ni. Chutiang anga CONTRACTOR ina hna tha taka thawh a tum pawh a, a department lamina khatiang anga tawng hmawr hmuhna an neih chhung chuan kan hna engmah hi a tha thei lovang tih ka ring a. Tin, a contractor ho zingah pawh hnathawk tha leh tha lo hi Sawrkar ina a hriat a tulin ka hria. Dik takin, kei ka hriat chhun a tlem a nih chuan le, a tlem a ni mai ang a. Aizawl chheh vela cement concrete contract hna emaw, check measurement an han tihte kawnglahi check measurement an han tih te, retaining wall an han tih te reng reng pawh han laih chhiat parh a, an lung phum te a specification angin an ti em tia check tak tak awm hi ka la hre tlat lo mai a. Hmanniah chuan Electric Department chuan saw mi Power House an hungna velah sawn check measurement an bei a. Chutah chuanin an lungrem te an lahtir vek a ni. Khatabiang ang khan Department lam hian ti ve thin se P.W.D.-ah pawh hian. Dik takin, lungrem te chu a hnuaiia phum tur an tih ang chin an phum loh chuanin nasa takin takhan a cheng sang sing tel a hlep theih a, a chhuak thei a. Khatabiang ang khan sum tul lovah tam tak a kal thin a ni. Chuvangin Department lam ka hma Member zahawm takin an check lo, an chak lo a tih kha a dik hlein ka hria a. Champhai Hospital saknaah te chuanin Work Order lak inruai theuh si, Contractor thenkhat chuan a chung an chih vek a, Tile awm loh avangin a bang an bel thei lo chauhva. Thenkhat chuan side preparation pawh an la zo lo reng reng. An hnathawh zawng zawng pawh kha Bill ta vek se, mi thenkhat khi chu Rs.30/- man emaw chauh a la ni. Chutiang ang khawp chu a ni a. Department lam hian Notice te serve sela, chumi chhung, khami chhunga i tih loh chuan tiin vau deuh pawh an tul ang Contractor thenkhat chu. Tin, Contractor reng reng hianin hun tiam chhung a han awm hian thla 6 emaw, kum 1 emaw tih a nihin khami a ral hma kha chuanin thla 1 leka zawh theih pawh nise thla 6 chhung hun an pek chuan thla 6 tawpah kher zawh an tum thin a ni. Hna 1 (pakhat) hapta 2-ah zawh theih chu, hun tiam thla 2 chhung a nih avangin thla 2 tawpnaah kher zawh an tum thin. Chuvangin, kei thaa ka rin chu Contractor hna an

han pekin hun tiam hmun thuma thena hmun hnihna a ral hmain a hna hmun thuma thena hmun hnih a zo tur a ni. Hmun thuma thena hmun khat hun a ral hmain, hmun thuma thena hmun khat a hna a zo tur a ni. Chutiang zawnga kan intuk loh chuanin zawhna tur hnu thla 6 emaw kam khat emaw tiam bawh thin mahila, extent a ngai zel ang a. Tunah hian chuanin hna thawktu zawng zawng hian hun tiam a awm chung hian extent leh turah an ngaisa vek a, khami chhunga zawh tum ran kha an tlem zawk niin a lang a ni. Chutiang anga hna thawh tha duh lo deuhthe an lo awm a nih chuan Sawrkarin hria se, black list te, blue list, white list te nei thluah mai sela. Hna thawh tha duh lo kha chu confidential-in vawng se, a leh pekah hna pe lo mai rawh se. Chutiang ang deuh hlek a kan tih mai loh chuanin kawng laih chang ni lovin, In sakah te reng reng pawh he Departmentah hianin kan thawh chakin hna a thawh theih dawn loh niin a lang a. Ka tawng an huatthu suh ah Officer tam ber P.W.D. ami te hi chuan kum 5, kum 6 te service an han neih chuan an hlawh nena inphu lovin In leh Lo an din thei theuh. Chuvang chuanin hng kawngah te pawh hian kan Sawrkarin tindan tha leh zual dep a tul a nih ka ring a.

Tin, hei vawlin niah hianin hei, Member zahawm tak tak te hnenah pawh kei chah duh ka in nei a. Tlom a keimahni kan va tel ve deuh hlekna a awm hi chuanin sawi huai te a har hle thin a ni. Pawn lamah mipuite pawhin mi an fiam zauh zauh thin. Hmanniah Estimate Committee kan zin chuan Saitual-a kan chawh naah Village Council President chuanin M.L.A. zawng zawng Politician inti zawngin contract thawh in tum vek mai. Thingtlang a mite in duh loh chauh min thawhtir a, a ti mai a. Kan vai chuan kan ni kher lo mai thei e. Chutiang ang ti tawh te kan awm a nih chuan khawimawlah Hallah te hmun thenkhat khatah te a dik lohzia sawi sawi thin mahila kan thu kan hla kha engahmah miin an ngai tak tak dawn lo niin a lang a. Mi thenkhat ten pawn lamah mi an fiam fo a ni. Chumi Department sawi chuanin chutiang khatiang chuanin a sawi a, chumi chuanin a sawi duh lo a ni, khatiang chuan a sawi a, ani chuan a sawi ve duh lo a ni a ngawi tluan chhuak zel ti te pawhin keini Member te pawh hi mi an sawi ve fo bawh a ni, chuvangin kan fimkhur ve a ngain ka ring a. Department chauh mawphurh a, Official te chauh mawphurh lovin, keimahni lam te pawhin dikna tan ngam turin kan dik ve phawt hi a ngain ka ring a.

Tin, Housing thua hian Pu Speaker, hmanni khan ka sawi tawhnaa, hriatchian duh ka nei deuh hlek a, Thingtlangah kumin lo ~~hal~~ turah hianin In 100 vel sak tur niawm takin Budgetah khan a lang a. Chu chu eng tiang anga tih tur nge ni, Group Centre thlan bik tur a awm ang a, kum 1 chhungin khaw khatah In 100 sak tur a ni nge, Zoram pumpui hi vawikhata han khuh a, khaw khatah In khat diat diat, chutianga tih chu nge kan Sawrkar hian a tum a, he thil hi thil tha tak a ni a. Pawisa puktein mipui te pawisa han puktir dawn ila, a rulh leh pawh anmahni phurrit a ni a. Mi tam tak tan a harsa a. A thlawn emaw, an In sakna tur zaa 75 emaw Sawrkarin a lo tum saka, a dang an nin an tum. Chutiang ang thil te chu thil tha tak a ni a. An tih dan tur Sawrkar rilru hi helaiiah hian zawh nghal pawh ka duh a. Minister-inchargein a theih chuan min han chhang sela, ka lawm ngawt ang.

FU SAPLIANA:

Pu Speaker, tlemte chauh a ni sawi tur ka neih chu. Tlemin ka han sawi ang a. Hei, hemi House-ah ngei hian kan hre tawh a. Kan Chief Minister zahawm tak pawhin kan zawhna thenkhat min chhannaah te pawh Sawrkar ina hna a thaw-h reng reng hian priority pe hauh lovin hna a thawk a ni tih a lang chiang em em a. Helai thua hian a hmasain han sawi ka duh a. Priority nei hauh lova, policy nei hauh lova kan Sawrkar a kal tak siah chuan Mizoram Sawrkar hi khawiahnge ni a kal dawn a, khawiahnge ni a chhuah dawn chu aw tih ka ngaihtuah a. Pawi ka ti em em a ni. Mumal pawh nei lova hna thawh hi hlawhtlin pawh a harsa a. Tun hnuah chuan kan Sawrkarin thil pawimawh Project Scheme reng reng hi tum a pawimawh hmasa a ni tih leh a pawimawh hnuhnung zawk tih hi nei sela ka duh a. Tin, priority pek chung chengah hian sawi ka duh leh chu-Kawng kan lai a, a pawimawh em em a, Ram hmasawn nan a tangkai em em a. Kawng a awm loh chuan thil kan ti-thei lo kanti thin a. Chuvangin kawng scheme te hi P.W.D.-in Road Plan te an han siam a. Khawilai khaw kar kawngte emaw an han ti ringawt te hi a fel tawkin ka hre lova. Mizoram chu ei leh inah kan harsa em em a. Kan intodelh lo em em a. Chuvang chuan Kawng Scheme an siam pawh hian khawilai nge ni Agriculture Land pawimawh kan neih tih hi en nghal sela. Khatiang Agriculture Land pawimawhna hmun kha tlawhtir ngeiin kawng scheme siam fo turin chu chu kan Sawrkar ka chah duh a ni. Entirnan-Kawng a awm loh chuan khawilai ram, ram zau tak leileh

tur pawh aww nise, tih theih lohin a aww a. Land reclamation te pawh ti dawn ila, kan ti thei lova. Chuvangin khaw pakhat leh pakhat inkar ringawt ngaihtuah lovin kha Agriculture Land pawimawhna lai tlawh ngei turin kawngte hi buatsaih-in Scheme hi siam fo turin ka chah tak zet a ni. Tin, ka sawi leh duh chu hei thil mak tak pakhat a aww leh a, sawmi Lawngtlai leh Saiha inkar saw widening Km. engemawzat tawite pek a ni a. Revised Estimate kan han en khan-nuai sawm pakhat lai kan hmanng niin a lang a. B.R.T.F. te, khawilai kawng laih harsatna hmunah chuan kan ruai tho baw si a. Chutiang nuai sawm pakhat lai seng si chuan vawin ni thleng hian Motor kha tak pawhin a kal thei lova. Furah pheh chuan a kal dawn lo reng reng a ni. Chuvangin kan hna thawh dan hi a fel taw lo em em a, chutiang chuan hmun hrang hrangah kawng tam takah pawisa kan hman dan hi fimkhur a tul tak zet in ka hria a ni.

Thil pakhat aww leh chu, Saihaah P.W.D. chuanin private in 30 vel an lei saka. Chunga an leisak te pawh chu Sawrkar in a hria nge hre lo ka hre lova. Ka lo hriat dan chuan In neitute hnenah pawisa an pek dan hi ka hrethiam lova, chu P.W.D. dan nge ni ka hre lova. Mimal hnenah in an lei ta a. Private in an lei si khan in man pek dawn khan contractor hming angin kha In neitu kha contractor appointment an pe a. Contractor in a bill a lak pangngai ang khan an lak tir a. Chu thua chuan anti-corruption lam atangin mi pakhat tirh a ni an ti a. Chumi finding te, a report te kha payment a kha a dik em ? P.W.D. dan in nge a kal a, eng ang agreement in nge P.W.D. hian Saiha mimal In a lei tih ka hre duh em em a ni.

Tin, hei ka hriatthiam loh leh pakhat chu, Schedule of work-ah hianin Saiha Division a rawn lang a. Saiha Division charvo niawm takin Tawipui I.B. te, Thingfal I.B. te a aww tlat mai a. Hemi District Administration-a kan han thlir chuan Tawipui te, Thingfal te hi Lunglei District chhunga aww a ni si a. Tawipui I.B. chauh hi Saiha Division chhunga aww a ni a. Chuvangin hemi Lunglei Division leh Saiha Division ramri hi min hrilh baw se ka duh a ni.

PU HRANGAIA:

Pu Speaker, vawina kan Demand No. 19-na tangka senso tur a tam viau a. A hmasa bera ka han sawi duh chu, kan P.W.D. lamah hianin thurawn neih ~~duh~~ ve ka nei

phawt a. Hei Mizawl khua kan chei a, tun Session chung hian kan sawi neuh neuh hle a. Mizawl khuaah tangka pawh kan seng tam hle a. Retaining Wall, mawi tak tak a tam a. Anaherawchu kan retaining wall mawi tak tak te kan tihdan hi a tha tawk lova. Veng tinah mahni veng pawh lawm chuang mang si lo, kawng pawh zau mang si lo, chutiang ang chuan a awm a. Hemi tih dan tur hi la ti leh zel tur kan nih chuan mi kawmkar emaw, mi ram emaw kan tih dawn pawhin a ram neitute contract tirte a nih dawn si chuan an ram hi kawng zau thamin hemi a retaining wall man hian a lei theihin ka ring a. Chuvang chuanin tuna kan tihdan hi chu tangka seng si, kawng zau chuang si lo, lungrem tam satliah a ni ringawt mai a. Hemi laiah hianin P.W.D. ho hianin consultive Committee te chu rawn sela, tuna an tih aia tha te chuan kan thu an zawn chuan kantihpui theih ka ring a. Chuvangin helaiiah hian kan sawrkar lam hotu te hi finkhur tawh sela ka duh khawp mai a.

Tin, chu lo ka han sawi leh duh chu- Promotion thuah, P.W.D.-ah hian Mizo te hi kan indaih lo ve kan ti a. Tunah hian Overseer tur te leh chutiang thil reng rengah mi kan indaih loh thu kan hria a. Anaherawchu, chutia indaih lo ve ti si lo chuan kan Mizo Bachelor of Engineering neih ve chu a dinhmun ang ni tur reng reng a awm lo hi pawl ka ti a. Engemaw thil dik lo ti nia an hria a nih chuan, thil dik lo ti nia kan hriata kan hrih chuan a ai awhtir ve thung ula. Tin, chutiang ang atan chuanin hei, P.W.D. hi tun Session chung pawhin an sawi hle a. Tanpuitu tha tak tak nei, hotu nei hi chu vannei tak an ni a. Min tanpui vetuah pawh ka duh a. Tuna B.E. passed-in Executive Engineer tir lo hi chu E.E. tir ve ula ka duh a ni. Min tanpui ve tu atan pawh ka duh a. Tin, engemaw avanga thil ti dik lo emaw a nih chuan thil ti dik lo dang an rawn sawi ve ang a, in paih thei ang emaw. Chuvang chuanin hemi laiah hian E.E. pakhat promotion hmu thei lo hi rawn hmuh tir ve turin ka ngenpui a ni.

Tin, chu lo chu Officer hi an dinhmuna-h hian thlak kual ula ka duh a ni. Building lampang changtu hi kawng lampang changah te dah ve thung ula, A ram hi a te ema kan sawn kual thei love, sawn kualna hmun kan nei lo ve, in tih pawhin an chan te tal hi thlak thleng rang deuh thin ula. Tunhma lam pawhin Assam ina min awp lai pawhin E.E. hi kan kawl rei lo a nia. Mi hran kan nei zung zung mai a nia. Chutilo chuanin sum a tam em hi. Chuvang chuan hei hi min chhinchhiah sak

turin ka duh bawak a. Tin, chulovah chuan Officer te hi staff dang ina an tih ang hian statement of aspect and liability an tih chi te hian in ti ve ngai emaw, an thil neih chhin chhiah chutiang ang kan tih ve ngai lo a nih te chuan tih ve pawh nisela. Tichuan kan Ram tuma duh loh corruption haw theuhva in sawi si, corruption ram ni ringawt bawak siah hianin a tihdante pawh hi engemaw ti kawng kawngin thlak ni sela thain ka hria. Tin, chutiang ang deuh bawak chuanin tunah te pawh hianin Vanlaiphai S.D.O. Head Assistant chuanin pawisa a lak hmasak loh chuanin Bill a tang reng mai a ni a. Chung chu chhin chhiah deuh thin ula. Hetiang thil hi a-hahthlak lutuk a, kan ram hi. Chuvangin kan sawrkar hotuten lo chhin chhiah sela ka duh deuh a ni, Ka lawm e.

PU NGURDAWLA: Pu Deputy Speaker, ka lawm e. Tuna Pu Hrangaiia, senior Member zahawm tak rawn sawi kha kei ka rawn support ngihala a. B.E. Beram bo ang hrima hnut chhiah a awm a. A dik hauh lo mai a. A aia tha zawk promotion an pek te pawh chu hei, mi a that farkim theih lohva, an lo tha em em bik kher lo tihte chu hei kan hmu vek a. Tih chhoh ve a hun a, chuti lo chu mi an desperate lutuk thin a.

Tin, thupui tling zawk khilai mi mal te ni lo kha, hei kan P.H.E. chung chang hi kan han sawi thin a. A tulzia leh tui lam panga kan harsat zia tihlan a tulzia hi kan hre bawak lo emaw ni chu aw, hei Doctor te leh ram danga mi tha, technical mi hetiang reng reng pawh hi lokal hrehna chu Mizoram hi tui a vang a ni, tih hi an hriat nasat lutuk vang a nia. Dik takin Plain Area atanga chah kan ni thin a. Tin, kan mi neih theihna te pawh. Amaherawhchu, Tui hmang tam chi an lo ni a, an duh lo ang ber hian kan han nei lo leh hlauh a. Tin, kan P.H.E. Department hi ka tawng haw suh sela. Public Works Department hnuaiiah a awm a. Chuvangin hei P.W.D.-ah chuan kan hriat tawh angin Member te rawn sawi ang khan a hna hmu theia te hian an hmu zut zut mai a. A thei lo a te chuan an thei lo tawlh tawlh mai a. Ta tang hian class system a la awm thei dawn a. Capitalist class hi kan siamma tur kawng Mizoramah chuan a ni a. Chuvangin workable Contractorah ngaih theih chin tawh ang te hi rotation a pek an nih loh chuan a theia te an thei tawlh tawlh a, a thei lo te an thei tawlh tawlh a. Tin, a pe theitu te nen pawh hian circle a awm tawh a. Chuvang chuan chumi

tihbo nan chuan socialism kan tih loh chuan a hming mai mai a ni ang. A mimal te te leh engemaw chu zuk correct chu a harsa a, a system lian tak siam that kan tum tulin ka hria a. Tin, kan Ram hi P.W.D. kawngah hian kan than dan, kan hnathawh dan tlangpui, hnathawh hi chuti em em a chhia chu a ni lova. Amaherawhchu, a zar zotute hi an bing lutuk in tu enaw hmu thei tak hi zuk chhut ngat chuan tu emaw mi chak tak tak atanga zung kai chi a ni. Chutiang deuh chu kan ni a. Hemi atang a kan check loh chuan nakinah chuan the rich will be coming rich and richer where the poor are poorer and poorer, chu chu kan dinhmun a ni.

Hemi atang hian check a ngai tawh a. Hetah Housing lamah kan nei leh a, programme amaherawhchu, in house for the houseless tih chu India thupui a ni a. Kan thupui tur pawh a ni a. Amaherawhchu, in zuk khawmaah chuan a houseless tak tak hian an zuk hman ang em tih ngaihtuah leh a ngai a. A chhan chu kan thil kaldanah reng reng hianin retheihzia zuk pho lang tak tak tur leh mamawh zia zuk pho lang tur chuan in hausak deuh hlek a ngai a ni. Nei deuh hlek, betheih loh deuh hlek, a nih loh pawhin keini aia awm thei, thil li thei tak, chutiang deuh chu kan ni a. A bul atanga siam that hi a ngai a. Chutilochuan corruption han taka ami hrim hrim hau vak pawh hi keimahni a pawh hi thatchhiatna lamah hian kan corrupt a ni ve mai thei a ni. Kan thatchhiata in thil formula emaw principle emaw kan zuk zama, kan mi chhawr te corrupt loh dan tur leh tianga kha fel taka kan zam loh chuan tuna kan kal ang hi chuan thil a kal fuh tak tak thei lo va. Tin, hna reng reng hi tender loha thawktu an tam em em mai a. Amaherawhchu, zuk experience tak tak chuan emergency thil a ni a. Kha kha Tender chhuah hman a ni lo tih a ni leh zel a. Tin, invendan chu a awm zel a. Amaherawhchu thil emergency tih teah pawh chuan chung chu zu siam a, thil principle ti deuh fek fawk kan siam hma chuan kan tha lovang. 'I kan hma chuan i tha lovang' tih ang deuh kha a ni a. Thil tha tak tak kan zam a, P.W.D. corruption te pawh chu fel thlerh thlawrh a kan siam loh chuanin promotion chung changah te pawh tute emaw lo in kal khumin lo ti vel thin mahsela a zuk check hleih theih chuang lova. Tin, dik takin, hei P.W.D. lampangah pheih chuan hmanah kan ri dup dup a. Tuemaw kan sawi vang pawh lo ni lo sela, P.W.D. hotute chu an chhuak a. Amaherawhchu, kan dam ta em ? kan Ram kaldan P.W.D. chung changah chuan a dam chiah chuang mang lova. Kan duh lohna tam tak ang kha hei kan aupui leh mai a. Chumi kan



check-na ber chu a principle a thil kan zuk zam thlarh kha a ngai a ni. Contract chung changah pawh khan a tha chin thlak a, 1st Class Contractor te, hnathawk thei chin chu heng hi an ni ti a, chu mite kan pa pek tir loh chuan tuna aupui dum dum pawh hi tuemaw puitu kan lo nih leh zel si chuan a zahthlak ang a. Kei ka rawn dan hi P.W.D. lama contract-ah hian Baala hmaa kun ngai lo tih ang deuh khan chhete pawhin in rawlhna ka nei lo tak tak a. Chu chu a dik pawh ka ring a. Chuvang chuan chutianga system dik tak mai kan tih theuh loh chuan kan tha lo ang. Kan kan hma chuan kan tha lo vang tih ang deuhvin, kan tih a tul a ni, thil a court fel taka kan siam a ngai a, a Dan fel taka kan siam a ngai a. Tin, chumi chu a pawimawhia chu India pumpui policy socialism 'Equality before the Law Equalify before the Government-Equality before the profit' khami a lo chhuah theihna tur a ni a. Chuti lo chu hei kan Ramah crash system a in tan mek a. Nakinah chuan a har lutuk ang a. School tha tha te leh engkim hi, hemi lo kalna chu contractor hi tunah hian High Class chin an awm ruah tawh mai a. Hei hi equal te te a kan tih thuai a ngai a ni. Ka lawm e.

DEPUTY SPEAKER: Pu Saprawnga.

PU CH. SAPRAWNGA: Pu Dy. Speaker, hemi P.W.D.-ah hianin engemaw tawite han sawi ve ka duh a. Ka sawi duh a chu, hei kan ram kal kawngah hianin kan hnufual em em a. Chuvangin B.R.T.F. hial te hi an lo chhuak a ni a. Chuti chung pawhin an ni chuanin engemaw scheme an nei a. Chumi scheme pawh chuan kan Ram hi a la cover tawk lo nasa em em a. Chuvang chuanin kalkawng hi kan mamawh tak meuh a, hei khaw thlang lam te hi a tul zual bik a. Tin, saw mi Chhim phoi leh Chhim thlang sawnglai te ang te saw kan la neih loh zual lai te pawh an ni a. Chungah chuanin ka zuk sawi duh a chu hemi P.W.D. hianin engemaw Road Scheme hi kan nei tha mumal lo emaw ni aw ka ti a. A hmasa berin Road Scheme hi fel takin kan draw up tur niin ka hria a. Khawi khawiah emaw a hmun pawimawh zual zual, heng khaw thlang lamah te hmun pawimawh hei B.R.T.F. hian chungte chu lo complete ta se. Chuta tanga fiddler road te eng ang in nge kan siam ang tih te. Tin, saw Lunglei Bial leh Chhimpui Bial lamah te sawn a tul leh zual a. Sawng Chawngte-ah te, Chakma

hvlc/-

.....34/-

District Council Area chhungah te. Sawng te saw eng ang in nge kan link ang tih scheme fel deuh taka Road Scheme hi kan draw up thuai a. Chu chu le eng tikah nge kan complete theih ang le, chu chu kan sawi mai thei lo vang a. Engpawhniselangin khati khanin scheme nei ila chutah chuan priority siam ila. Chutiang chuan in kan kal a thain ka ring a. Chu chu kan han sawi ve duh a.

Tin, chutianga ka han sawi takah chuan hei kan P.W.D. Scheme velah hianin saw mi Chhim-tuipui lama a bik takin Lakher Bial leh saw mi Chakma area-ah sawnin ka hma klem hle mai a, hmuh tur a awm meuh lo niin ka hria a. A chhan nia ka rin chu sawng Lakher bial te chu Tuipui lian tak piah lam a ni a. Tuna lo va tih chu an ti a ni mai thei a. Amaherawhchu, hetiang hi politic thil a ni zel a. Engpawhnise, sawng Lakher bialah chuanin saw mi Tuipui chu kan la bridge ngei tur a ni a. B.R.T.F.-in an tum a. Chumi an bridge zawh hun hunah emaw an bridge hma emaw chuanin ferry in a kai ve theih tho va. Tin, mipui a te reng pawhin a min thlahthlam lo a ni tih feeling an neih theihna tur khan, hei kan inzawm deuh deuh dawn a ni tihna tur khan thil pawimawh a ni ve hban reng rengin ka hria a. Chuvangin sawng lai Chakma Area, Lakher Bial, Pharva tih bial vel lai saw a cheme kan siam thuai a. Tin, a theih phawt chuan a hna te pawh kan lo va tan hi thil dik nmin ka hria a. Tin, chulovah chuanin thil engemaw ka ngaih pawimawh ve fo thin thil lian tehchiam a ni lo nain chu chu khawpui chhung kawng hi hei, kan hriat ahgin a zau tawk lo hle a. Heti laiah hianin tunhmaah khanin Deputy Commissioner, Public Works Department, kan ti a, D.C. khanin mi a hrawk thei a, tin, a hrem - thei bawk a. Tunlai kan P.W.D. ho hianin engemaw P.W.D. kawng rawn encroached-na a lo awm hian ti suh an ti thei chauh mai-a. An tih luihin an hrem leh thei lova. Hei hi kan P.W.D. Officer te chu Magisterial Power nena kan thuam loh chuanin kalkawng thilah hianin thil a tih hleih theih loh tlat mai. Chumi chu eng zawng in nge kan kal ang a, eng tinge ni chu chu thil remchang a ni lo vem chu ka hre chiah lova. Law lampang thil pawh-a-khawih dawn avangin. Engpawhnisela, helaiiah hian in P.W.D. kalkawng sir rawn encroached khawih thei deuh hi chu mihring kan duh a ni. Chumi a nih si loh chuanin kalkawng a sir tawn tawna, hei kawng chhak lama awm hi chu P.W.D. ho hianin kawng siam that nan hian an lai heuh heu a, an lai chim zel a. Tiang chuanin compound hi a min zel a, an lai chim zel a. Tin, a thlang lam

hvlc/-

.....35/-

lah chu khatia zauhnaah khanin an rawn hnaih chho tial tial a, Pal hi an rawn hung chho hna-i deuh deuh a, kawng hi a min tho mai a, chuvangin he lai thil hi a tih rehna niawm taka chu engnge maw P.W.D. Officer henglai a mite leh a tul ang ang hianin enge maw Magisterial Power neha kan thuama, thuawih lo kha chu a hrem tawh theiha kan siam hi a tha awm mange aw, tih ka ngaihtuan a. Chu chu kan Hotute lo ngaihtuah atan kan sawi ve duh a ni.

PU J. THANGHUAMA:

Pu Dy. Speaker, kan sawi ri zing hle-a, kan hotu lamte pawhin an lo 'note' zing hle a. A tih erawh chu a awm lem hlei lova, a vui thlak hlein ka hria. Wawinah pawh hian hei kan sawi leh dawn chu a ni ang a. Kan Minister zahawm tak te chuan an lo 'note' leh ngei ang a. Tih pheih chu a awm leh chiah pawh ka ring lova, amaherawhchu han tlangaupui chu ka duh a. Tunah hian corruption kan sawi kan sawi a. A hmasa berah chuan keimahnia M.L.A. zingah leh kan Minister zingah, kan mimal dinhmun theuh kan infiah hmasak theuh phawt a tul a ni. P.W.D. zingah corrupt official an awm chuan mahni chungkua hi i sawisa hmasa phawt ang u, mahni family theuh kan in sawisak hmasak chuan tumah an sual ngam lo ang a, tin, mi dangin min dem thei bawh lo ang. Mi te khawiha kan kheh hian a buaithlak thin a ni. Kan zingah pawh hian a dik tak chuan Pathian chu sawi loh mihring hmuh tak ngialah pawh corrupt an awm a ni, chiang takin. Chu chu engatinge kan hum thin? Ka unaupa a ni emaw, ka makpa a ni emaw, misual leh dik lo na na na chu kan hrem ngam tur a ni. Aizawl kawng dung leh vang han thlir vel hian mihring tung chho a kal tawh phawt chuan a zim kan ti a, Motor pawh kal thei lo khawpin a chhiain a bumbuh a. A lehlan pangah erawh chuan Aizawl khaw pumpui hi Jeriko Kuliah kan siam dawn ta emaw tih tur khawpin tung kan rem a. Heng pawisa zawng zawng hi khawi atanga lo kal nge ni a, engvanga hetiang a hmang nge kan nih? Engvanga Tender ko lo nge an nih? Eng hna mah hi heti khawpa 'emergency' turin hna pakhat mah hi a awm lo. Zanlawn ni hnih khat thil thu leka warnin pawh awm lova sawn te hi crash scheme theih a ni lo. Aizawl-a crash scheme tih zawng zawng hi dawt vek. Mimal leh chhungkhat laina in duhsakna a lian lutuk. Hetiang tireh tur hianin India Laipui Sawrkarna chu Congress a ni a. Mizoramah pawh Congress Sawrkarna a ni bawh a, chutia Congress Sawrkarna a lo nih takah phoi chuan

hvlc/-

.....36/-

hetiang policy " to make the rich, richer and the poor, poorer" ni thei turah reng reng ka ngai lo. Kulikawn atangin Thakthingah han kal ila, Pu Lalbuaic kawmkarah chhuak ila, hmuh ngam loh khawpin a rapthlak. Thakthing Bazaar hnuaiah Very Important House a chhuh ringawt bawk nen. Heng Lungrem zawng zawng te, tin, heng Khatla Bazar phei zawng zawng te hi a rapin a rapthlak lutuk a ni. Tin, sawti laiah Chandmary-ah chuan Executive Engineer pakhat kawmthlang chu Pyramid se tur ang main an daw khir uai bawk nen. Hetiang zawng zawng hi a dik takin kei ka ngaihndan chuan hei baka "corrupt" hi ka hmu thei lo a ni. Hei baka "clear proof" hi ka hre thei lo. Hemi baka proof kan la duh leh zel a nih chuan a ngaihna ka hre tawh lo, Diabola pawhin em em a a tih ka ring tawh. Chuvangin engvangin ge ni tuna kan hnathawh dan zawng zawng hi a hmanna a dik leh dik, loh chhui turin Enquiry Commission kan din loh ang? A tul a ni. A dik takin, Contractor kan ti a, Registered Contractor thenkhat chuan thawhsen loh hna-an hmu a, entirnan:- Supply-ah, carrying contract, P.W.D., Soil-ah. Agriculture-ah, chutiang zelin. Thenkhat erawh chu Contractorin an registered ve a, vawin ni thlengin hna engmah an hmu ve thei lova, a hmuh chhun te chu mi hnuaiah Sub-Contract-a thawh chhawn te a ni mai mai a. Thenkhatina ina thawh sen loh an hmuh lain thenkhat chu an thu ro reng mai a, hei hi P.W.D. Minister tan chuan thil zahthlak ber niin ka hria.

Sawrkar Motor hman dan chung changah pawh an dik lo nasa, hmannah pawh kan Minister te'n Sawrkar Motorin, Industry Motorin lei rawhchan an thiar a ni. Hetiang hi kan Minister zahawm takte chet dan a nih chuan kan hnuaia mi pakhatmah (command) thunun lo vang a, kan control ngam bawk hek lovang. Tin, Chalrang leh Khawhai inkarah pawh khian Employment Generation Scheme-in Kawng thui tak an lai a, an laih chiah kha P.W.D.-in an lai ve leh a, a ngai chiah, laih tawhsa te an bill leh a. Khang thil zawng zawng te pawh kha nikum atanga vawin thlengin House-ah kan sawi tawh. Corrupt Official zawng zawng pawh an thil tih dik loh kan sawi tawh, tun thlengin mi pakhatmah hrem an la awm lo. Engatinge kan khawih ngam loh, kan khawih ngam dawn lo a nih law law chuanin hetiang thil corruption hi i phal rai law law ang u. America Ramah 10 per cent an phal. I phal ve law law mai ang u. Fifty per cent emaw? A dik takin he Sawrkar hian thil engmah hi a tih ngaihna tak a a awm lo a ni ber e. Kan ang kan ang leh

ringawt mai thin a, thil tum awm takin kan thusawi chu kan Minister te'n an chhinchhiahin an note ve a. An chhin chhiah lai tak hi an hriat tawp a ni a. Lu mam thu a tawp e tih a ni ber e. Chuvang chuan a dik takin, vawlina ka phut chu kan Ministry-a a sang ber atanga a te ber thlengin kan bungrua leh kan in leh lo leh kan sum leh pai leh kan nitin khawsak dan zawng zawng hi in registered theuh ang u. Nikum lamah tawh khan kan mimal thuneih theuh " asset" chu register a ni dawn e tih thu kan Chief Minister-in a sawi a, mahse wawin ni thlengin engmah tih chu a la awm lo. Chuvang chuan Kristian Ram kan tih si chuan Kristian ni tlakin thil i ti ang u. Bible hum leh inkhawm uar fu si, mahse kut dinglam panga Bible Thianghlim hum tun chung a kut vei lama thamna kilh nghet tlat bawk si chu, " mi re-thei ka hmangaih, Ram ka hmangaih" titute tan chuan thil tih chi loh ber a ni. Chuvang chuan kan sawrkar hi a dik takin kei zawng kan Member zahawm tak te bei-dawn ang bawk hian ka beidawng a, a mimalah hian tumah sual ka ti lova, mi tha hnathawk thei lo awmkhawm an nihna erawh hi chu pawl ka ti a ni. Ka lawm e.

PU K.L.ROCHAMA:

Pu Dy. Speaker, Deputy Leader khan sawi tur a la ngah hle awmin ka hria a. Hun kan pek belh pawh awm ka ti a, mahselangin minrawn kova, hun min pe a ka lawm khawp mai. Kan sawi tam ta viau a, kan sawi te kha thil dik tak tak, tam tak a awm ka ring a. P.W.D. hi Assam hun lai atanga Mizoram chhunga an hnathawhte leh Central P.W.D. lam te leh State hrang hrang a P.W.D. te hnathawh han thlir hianin House-ah pawh Legislature hrang hrangah a rel kai ber Department chu an ni fo mai a, he lamah chuan an hnathawh pawh hi a lang ve leh deuh ber emaw tih tur chu a ni ve leh bawk a. A picture dik tak zuk hmuh pawh hi a har fu a. Engpawhnisela, hei kan Budget Provision-ah nikumah 182 leh Supplementary-ah 63 nuai a za vaiin 245 kan nei a. Khami a kan hnathawh ka hmaa sawitu Pu Sangzuala sawi tawh ang khanin a inphu lo deuh emaw a tih theih a. Heri kawngah hian a hmasa berah chuanin priority kan siam thiam lo em ni ang aw tih a ngaihtuah theih ang. Entirnan:- Priority chu a awm a, at the priority angin a kal tir ve a, chu chu a dik leh dik loh a ni zawk a. Tunah entirnan Serchhip atanga Thenzawla zuk kual thlak a saw a pawimawh ber emaw tih a ngaihtuah theih a. Chutih laatin Lunglei leh Aizawl inkar buai hma atanga an lo tan tawh kha tun thlengin thal lai pawhin Jeep a

hvlc/-

....38/-

la kal tlang thei lova, tun kum ngeiah te pawh khanin Committee pawimawh ber Estimate Committee pawhin kal an tum a, a la tlang thei ta lo fo mai a. Mahselangin paper-ah chuanin a vaibelchhe tel kha a lut reng bawk si a. Khang ang te kha han ngaihtuah khanin B.R.T.F.-in saw saw an la thei lo va, kan la recommend tawk lo a nih ka ring a. Hemi Serchhip Fider route, link road te lo pawimawh leh zawkna chhante. Tin, nichnina kan ngaihthlak tawh ang khan khang laia Contractor tam takin Sateek lampang atang leh Lunglei lampang atanga Bill tang bawr lut lut lain khang aia helaiia mimal compound Lungrem a lo pawimawh leh theih tlat zawkna te, khang te teah khanin priority kan zu siam danah hianin awmia a awm lo deuh a, tin, Crash Programme reng reng a hi kan rilru hian a tin deuh nguih emaw ni chu aw tih a ngaihtuah theih a. Helai hi enfiah a tul hlein ka ring a. A bik takin Lunglei leh Thenzawl-Aizawl Kawng hi a rang thei ang bera a tlang loh chuanin helai tlangdunga mipui chu bakah pawisa tam lutuk lo vawm luhna tawhna hemi Kawng tlang lo renga hi Sawrkar tan pawh a hmingchhiat thlak a, a mualpho thlak ta lutukin a lang a.

Tin, a dawt lelah cheanin Schedule of rate a hi a buaithlak ta hle mai a, tunah chuan. Tunah Lunglei Divisionah chuan 1971-a mi kha an lo ring ta a, chutah chuan entirnan, Rangva chu Bundale 1-ah Rs. 167/- a ni a. Tunah Supply-ah chuan Rs. 450/- leh engemaw ti a lo ni dawn tawh bawk si a. Engtiargin nge hna kan siam a, engangin nge Estimate pawh kan siam ang tih ngaihtuah a har tawhin ka hria. Tin, chulovan Muster Roll Labour-ah khanin Thenzawl a mi chu schedule of rate-a an la rawn puan sak angin Rs. 51/-in emaw an la rawn pe a. Mahse Lunglei lam chu a harsa a, tiang anga graduated rate kha an rawn siam sak a. Rs.6/-in Assam Sawrkar atang khan an ti a, thil harsat liau : liau vangin. Mahsela chu chu tun thlengin pok an la ni ta lova. Hei hi a bik takin Sawrkarin tihpuitling turin lo chhinchhiah sela ka duh a. Lunglei Muster Roll Labourer ho Rs.6/- hlawh thei tura Schedule of rate a Assam Sawrkar atanga thu awm tawh si engatinge vawin ni thlengin kha kha an lak loh bik ?

Tin, building, hemi Estimate preparation-ah pawh kan en uluk lo em ni chu aw, ka ti a. 50 beded hospital tur ve ve Champhai leh Saiha te ka han en khanin Saiha kha a tlem ta mah mai a. Saiha-ah chuan thil a harsatzia labour pawh hrawk chawma Rs.10/- pawhin kan hmu hlei thei tawh lo a ni tih thu hi a tam

hvlc/-

.....39/-

hle mai a, Tin, thuan phur tur te ngat phei chuan Rs. 20/- pawhin ka hmu ~~to~~ ve a ti a, Officer pakhat nimin piah maia Saiha atanga lo kal chuan. Chutiang ang a nih avang chuan Estimate prepare-na pawh kha, local rate-a kha kan en a, saw laia Schedule of rate kan siam thuai loh chuanin hna a thawh theih ka ring lova. Tin, chu laiah chuan Schedule of rate khan awm- zia a neih dawn loh takah chuanin a sang chho zel a, a sang chho zel dawn a. A hmanhmawh thei ang berin 'a wise control Board' ti mai ilangin 'wise Board' hemi hlawh hi thingzai man a tam lutuk a, labourer-in an hlawh tam lutuk a, an hlawh tam lutuk chho zel. Hetiang a kan kal dawn a nih chuan Schedule of rate kuntin revised mahilangin hna kan thawk thei tak tak dawnin a lang chuang lova, chu chu Sawrkarin hlawh hi a control ve dan kawng a zawn loh chuan miin an duhtusam ang an in chhiar apianga an kal dawn chuanin tih ngai- hna a awm lovin ka ring a. Tin, hei Inland Water Transport-ah hianin tan kan la tawh lo hlein ka hria. Khawthlang lam, nichinah kan Chief Whip-in a sawi a. Khawthlang lam, Tlabung leh Borapansuri te, Bungmun Block lampang te chu P.W.D. tha leh zung chuanin eng- tik khawtikah mah kan thleng hlei thei dawnin a lang lova. Chuvang chuan saw laia lui te pawh sawn Speed Boat te pawh siam a, kal pawh ve theih zung zung tura Borapansuri District Headquarters a awm, an District Council Headquarter ngei te. Tin, Bungmun lam te, Marpara te, sawngah sawn sum lakluhna Chhawhchhi te a tam a, thlai a tha a, Buh a tam a, sawng saw phur zur zur thei tura speed boat lam emaw tih clearence a ngai deuh a nih pawhin tlangdung lamah Lunglei kiang lawkah Phairuang chhunin a lo kal leh thei a. Tuichawng lamah Vaseitlang thlengin a kal thei a. Kawngah chuan in engtik khawtikah-mah all weather roads chuan kan chhun pawh reng rengin ka ring lova, sawng lai chu. Chuvang chuan Inland Water Transport hi a rang thei ang bera tihlena, Lunglei lam angah te pawh, Tlabungah te pawh a rem a nih chuan khawilai hmunah pawh Execu- tive Engineer ho tala kan huna hna kan tan ve loh chuan sawnglai nipui harsatna saw engtikahmah kalna Kawng pek chung changah chuan kan sawt chak dawnin a lang lova. Tin, Inland Water Transport hi P.W.D.-ah awm lovin trans- port attached niselangin, chuti a nih loh chuan a kal fuh lovin ka ting a.

Tin, a dawt leha ka sawi tur chu M.G.S. implementation chung changah harsatna kan tawh chho dawn tih chung chang kan sawi tawh a. Hemi thawk

hvlc/-

.....40/-

tur hian Deputy Commissioner an ni si a. Chuvang chuan D.C., P.W.D. hi nei leh ta zawk ilangin inter-village part te, kawng hrang hrang P.W.D.in an recognise theih si loh vantlang mipui tana pawimawh lutuk si a tan. Chung ang enkawl tur chuan D.C., P.W.D. sian ni sela, tin, a dawt leha chuan hei explosive kan neih loh avangin Contractor te'n hna a tang an ti a, hna a thaw-h theih lohva kawng a hawn theih loh an ti. Mahse Sawrkarin chu chu kan hmuhsak theih si lova.

Chuvangin explosive dealer license hi Civil hnenah enaw tal hian a nih loh chuan Sawrkar in engtiangin enaw license sian tan dan nei ve ringawt mai selangin. Chuti a nih loh chuanin hei explosive lunghalna a awm loh avangin hna a tang thup reng mai a. A tawp bera ka sawi duh chu hna kan thawh dawn reng rengin a buaithlakna ber fo chu corruption a rawn volve fo a chu chu ram buaina avanga helamah kep ngai bawk, helama pek ngai bawk thina te kha. Khami ang kha Bill kep a lo ngaih fo thin avangin Officer tan pawh kha kha hnuh thlak kep a lo ngai a. Contractor-in hnuhthlak kep a lo ngaih avangin buaina khan min la chim a nia, Khami kha chak zawka tihreh dan kawng kan zawn a tul tak takin ka hria.

PU K.SANGCHHUM:

Pu Speaker, Bangladesh leh Burma Border deuh ka nia. Member zakawn tak tak te'n a pawimawh zualna

lai thenkhat chu sawi nawn leh ngai lovin thu an sawi a. An sawi miah lohna hmun pawimawh tak ka rawn sawi dawn a. Chhintuipui District hi hriat chian a ngai a. Tuipui-Chhintuipui an tiha tak hianin Chhintuipui District hi hmun hnihah a then phawk a, chu chu a kual khung bika kha a awm ta a. Chu chu Eastern lam a ni a, a kual khung chhak lampang, khatah khanin nihring tan zawk an awm a. Chu chu kawng hian a la chhun miah lova. Tunlaite pawh hian hemi Burma Border leh Bangladesh Border a ramnuai mite pawh ina tan an lakna lai hmun te leh tunhnai pawha sipai lak atanga buaina lo awma pawh kha a ni a. A chhan ber nia ka hriat chu Kawng thain a pawh loh vang liau liau a ni a. B.R.T.F. tih te kha chu sawi rual a ni lova. P.W.D. pawh hian a pawh tha tlat lo mai a. Hei Hnahthial atangin ngil takin Vanlaiphai leh Sangau leh Bualpui kal tlangin Saiha-Tuipang te chu ni khatah ban theihin a awm a. A Kawng sian chuan chu lai chu a tulna lai ber, mipui bitna leh kawng awm lohna lai a ni a. A dik takin tunah buai engemaw thut te awm ta sela, mualpho hlauhthawn awm takin kan awm tak neuh va. Burma lam atang pawhin,

hvlc/-

.....41/-



Bangladesh lam atang pawhin misual emaw, tin, ram dang mite pawhin in run leh engemaw palh thilah khanin, Tui te a lo len hlah chuanin tih ngaihna a awm lova. Tuipui kha a lo len tawh phei chuanin fur lai hianin dan hmiah a ni a, Kha lai mipui zawng zawng kha wireless engmah kan nei bawk si lo, mipui te kha tikhan an tawm reng mai a, Tui lian kha Ui Tui lian Thlir tih takmeuh khan an thlir a, wireless neih chhun tha ber chu Tuipui ral lehlama pakhat a din a an inbiak loh chuan engmaw, an hre thei tawh si lo. An wireless tha ber lah chu Tui a lo lian zela tah khanin an inbiakna hnung berah chuan. Pa pakhatin hmui bulah kut pahni dahin, In lo kai thei dawn em ? an ti a. Kha chauh lo chu Telephone a chat vek tawh, awm tawh lo reng reng, chu chu telephone thaber **Tui lena tawp** chi a ni leh nghal. Chutiang chu a nih avangin tunah hian Sawrkar ina min ngaihtuah tak tak a ngai a. 1972-73, 1973-74 chhungin Hnathial to South Vanlaiphai tih chauh a lannaah pawh khanin tunah khanin work for schedule tihah khanin a lang leh a. Km.0-10 Km. chu pawh chu la tih zawh loh a ni ta a nih chu. Kawng awm miah lohnaah khan Km.0-10Km. Mahsela Member zahawm tak tak te hnen atanga kan hriatin, Mission Venga thil lo langah te chuanin Kawngpui a kal ruah a. A tlantu hi sing engemawti an tling ang em ? Sawlaila Thakthing Veng Thlanga kawng kalah sawnin sing engzatnge awm ang tia ka han chhut hianin ka tah a chhuak a ni. Saw lai mipui tena kawng lova awm si, saw laia a nuai tel a inseng ringawt si. A chhak lawk 50ft. nge 100ft ni ang chumiah kawng lian tak a kal lain mipui sing engemaw ti in sawlaila Kawng kan nei bawk si lo. Chuvangin sawlai Pawl Area leh from Hnathial to Saiha-Tuipang via South Vanlaiphai, Sangau, Bualpui. Hei hi Sawrkar ina kumin chhung ngeia a dik taka min ngaihtuah ka duh a ni. Chutilochuan Tui a lo lian ang a, kan wireless a chhe leh vek ang, Sawrkar lam pawhin wireless tha ri rai dah a awm bawk si lo. Chuvangin sawlai hmun saw Supply lampang thiar nan pawh a tha. Development lam pawh kan tih changtlan nana a kawng awm chhun pakhat tur a ni. Tunhma phei chuan sawlai saw Sap ho leh India mi pawimawh te Burma lama an hotu leh India lam mi pawimawh te inbiakna lai hmun a ni a. Hman atanga kawng chhete pakhat Lunglei Haka Road an lo tih pawh awmma hmun a ni a. Tun thlang hianin a kawng chu a la ral lo deuh hlek a. Tih thata tih puitlin chuanin mipuiin kan chhawr dawn tlat a ni.

Tin, chu bakah a Tuipui a kha Lei-lawn, hei work for scheduleah khanin Tuichang river tih

hvlc/-

.....42/-

te pawh a lang a, kha kha tihawm tak a ni. Mahse Tui-chang river te ai chuan a lian daih a ni a, Chhingtui-pui chu. A population a zir pawn han ti dawn ta ila kan tam zawk a ni. Mahsela chutah chuanin heilawn pawh a awm si lo. Mihring kan in hloh hnem lutuk tawh bawk si. Kan dinhmun saw a kal a kala, a hmuha hmuh hi a ngai a ni. Mahse kan Deputy Minister zahawm takin a mit ngeiin a va hmu ve a, chu chu engemaw chenah kan tangkaipui a. Minister dang tena hmuh ngeiah an hmuh theih loh pawhin a hmuna va hmu a, va hrechiang tur mi thawn sela, sawi loh theih a ni lova. Lunglei Deputy Commissioner kuta awm a ai a.

Sawlai area saw Lunglei Deputy Commissioner pawh hian va hmu ngei sela chu Plan hi a siam ngei ngei ang tihka ring nghal hmiah mai. Hmuh lohva thil tih hi a harsa. Hmuh reng hi zep lah a har bawk. Chuvangin kan hmuh loh kan hriat hi kan zep thei tawh lo a nih hi. Chutiang dinhmuna awm ve tur chuan in Officer te kal ngei sela, han plan ngei sela, min tan sak sela, kan Hotute ka chah a, ka ngen a, ka hriih bawk a ni. Ka lawm e.

PU F. HRANGVELA: Pu Deputy Speaker, hum min pek ve avangin ka lawm a. General Discussion khanin P.W.D. a failed der ka tih kha in hre tawh a. Vawinaw pawh hian sawi leh ka duh a. A chhan chu hei tangka vaibelchhe 9 lai mai P.W.D.-in a hmangral leh dawn si a. A Ram mipui tana tangkai mang lovah a bel zo leh mai mai ang tih ka hlauh avangin han sawi ve ngei ka duh a. Chuvangin hun min pek avangin ka lawm hle a ni.

Aizawl khawpuiah han tan ila, kan hriat angin Public Works Department-in hna a thawk hle. Amaherawhchu, harsatna a nei a ni. Engnge ni a harsatna kan tih chuan tih loh a ngah lutuk a, nichninah Member zahawm-tak Pu Saprawngan a sawi tawh a. Khatiang deuh khan P.W.D. hi thunei zawk a huai zawk tura kan Sawrkar ten an siam a tul a ni. A chhan chu P.W.D. Kawng bulah min In an sa a, P.W.D.-in an sawisel a, an pawisa lova, an Kawng an hnawh saka. Chutiang bawkin Kawng chhakah In an sa a, lei vung chuan P.W.D. Kawng an hnawh a. Paih tur an han ti a, tuman an paih duh lo, chu chuan Kawng a tidiak a, a tawpah P.W.D. bawk kan dem leh si a. Tunah pawh han sawi ta ila, Pu Hrangai In piah Kawr chhakah te sawn In an sa a, a vung a tla hneng hnung mai a ni. Sawng saw an paih lo vang a, tunge kan dem ang ?

Mimal kan dem lovang a, P.W.D. bawk kan dem leh dawn a ni. Chuvangin, P.W.D. hi thuni hna chak zawk dan ngaihtuah a thain ka hria.

Tin, hei kan Town hi Scheme engmah nei lovin vawin ni thleng hian a la kal ni main ka hria a, Officer ten tul an tih kha a tul mai ang a. Tul lo an tih kha a tul lo mai a. Mimal taka kan Aizawl Town hi chu siamma hun kan nei tawhin ka hria a. Vawin ni thlengin kan-la siam tha lo, a paw em em a ni. Mimalin keini M.L.A. te ngei pawh hian a pawimawh han ti mah ila, Officer te hian an beng a rawngah an khung mang si lova, Vut laka vawh ang chauh a ni. Pawimawh hauh lo, kan kawmthlang te emaw, kan kawmchhak te emaw, tute In bul emaw chu cheng nuai khat dawn dawn sengin an rem leh si hi kan hua a ni. Member zahawm tak te pawhin vawinah hian sawi vek dawn ila, kan sawi seng kher lovang, chutiang chuan kan sem lawi si a. Entiran- Saw, Sabinga lung thlen dawn kawr saw in hria ang a, hmanni lawkah pawh T.M.B. pakhat a tlak kha. Divisional Forest Officer Lungremin kawng a tichhia a, a chep em em a ni. Bus kal changa han chawh pawh a harsa, thawh awm tak a ni. Mahse an thawk si lo. Sawtah a piah leh deuhah kan kal chuan, kawng zim em em mai thui fe a awm a ni, 30ft lai. Bus pelh pawh a harsa em em a ni. Chung te pawh chu thawk turin an hrilh baw a ni. Town changtu M.L.A. pawhin an hrilh baw a ni, mi dangte pawhin. Mahse tul lo an tih avangin vawin ni thleng hian thawh loh a la ni. Chuvangin, Aizawl Town siam thatna tur chung changah Scheme emaw Plan emaw, vawin ni thlenga kan la nei thei lo hi paw ka ti em em a, chungah chuan P.W.D. hian a failed a ni.

Tin, P.W.D. hian a failed-na em em pakhat ka sawi leh duh chu, nikumah tangka engemawti, maktaduai hmanral tur an ruahman a, kan Sawrkarin, Schedule of work-ah item chi hrang hrang thawh tur a nei a. Tangka a dah thlih thlich a. Mahse chu chu nguntaka kan en chuan a kaw lo, kan Chhim lam unau te pawh engvanginnge an vui em em ? Schedule of work ang kha chuan thawk sela, P.W.D. hnathawh an duh ang chu. An vuina pawh a ziaawm ang. Mahse hetah hian engvanginnge in thawh loh ? In lantir si a in thawh leh si loh hi a ni, mipui tan lungawi loh thlak ni. Tunah ka hlauh em em pakhat chu, Schedule of work in nei a, tangka vaibelchhe kua thawh dan tur hi engkim ruahman vek a ni. Mahse tu Officer in emaw pawimawh an tih kha, he tangka vaibelchhe kua hi kan bel zawh leh mai hi a hlauhawm tak tak in ka hria. Schedule of work-a in siam te hi

zawm ula chuan P.W.D. pawhin hma a sawn zawkin kan thang chak zawk ang. Chutilo chu Department dang tangka te nasa taka hnukin Department tangka te kha an la leh vek ang tih te pawh hi thil hlauhawm tak a ni. Kuminah pawh kan hriat angin P.W.D.-in hmanna loh tura tangka a hman avangin Department hrang hrang a mi te tangka tam tak tak kan lak sak a. Department hrang hrangin thawh tur ang an thawh loh phah a, mipuiin a tawpah kan tuar leh a. Entirnan- Community Development atangin cheng nuai thum lak thlak a ni a, sawh hek a ni P.W.D. tan. Community Development Block ho chuan eng engemaw hmanna atan tangka Ram leh mipui hmasawn nan an rua-hman te chu a thlawn a lo ni a. Hmun tam takah tangka kan nei tih an lo hre tawh a ni. Mahse hnuh kir sak leh an ni a. Chutiang chuan mahni tangka neih zat pawh-hre lo, mahni tangka neih ang pawh hman dan hre lo P.W.D. hi an failed tak takin ka hria a. A bul atanga a ler thlengin P.W.D. Hi Kan siam that a ngai a ni. Chuvangin P.W.D. hian a failed ka ti lo thei lova, P.W.D. consultative Sawrkarin a siam. Wawi khat darkar chanve enaw chauh kan thukhawn. Chung te pawh chu rawn sela, kan Khawpui siam that chung changah te thil eng eng emaw chu a awm si lo. Vawinah hian P.W.D. hi a failed der a ni. Chuvang chuan nakumah chuan he Schedule of works ang hian hnathawk ni tawh sela, he Schedule of work a hna awmsa lo hi chu thawk lo sela, he kan tangka hi a daihzai ang a, a darh zau a, he kan Sawrkar hi ka hrih duh a ni.

DY. SPEAKER: Minister i/c kan ko rih ang a.  
Demand lehah a sawi hmasa pawlah an tang leh ang a.

PU CH. CHHUNGA: Pu Dy. Speaker, kan Member zahawm  
CHIEF MINISTER. tak tak ten an sawi ang kha engemaw  
chenah chuan a dikna lai a awm  
pawh ka ring a. Tin, a tlangpuiin nichina Member zahawm tak ten an sawi ang khan thil tih leh hnathawh hi a har em em mai a. Entirnan- Saw Chhimtuipui Kawng te pawh saw Hnathial atanga Tuipui luh chhohna kawng te pawh saw hmun hnih kaw tlangah khan Sangril deuh takin min dang tlat a, chu chu tih thuai thuai a tha a. Amah-erawhchu, kut ngawta tih chi a ni mang lo. An sawi tawh angin Lunghalna te ang te kan duh tawk kan hmu thei lo va. An sawi tawh ang khan thil reng reng hi khung lam atang te pawhin hmu a harsa ta a. Kawng tinrengah harsa ta a kan khungah pawh a awm niawm tak a ni a.

hvlc/-

....45/-

Chutiang chu a nih avangin kan duh ang chuan kan thawk lo theuh chuan ka ring a. Mahni chhungkaw chung chang ah pawh hian dik tak chuan mahni duh tawk ang leh mahni duh hun huna duhtawk tawk nei thei chu tumah khawvelah kan awm ka ring lova. Mizoram a nih avangin kum hnih khatah engtingge kan Member te duh ang chu kan tih theih ang tih chu tih dan pakhat a ni a. Helaiiah hian ngun taka kan ngaihtuah a ngai a. Heng Aizawl-Silchar Kawng te pawh eng chen nge an laih kha ? He lai Aizawl-Thenzawl Kawng kum khat kan han lai ve dawn dek dek a. Hna thawk tan thei lo tih ngawt chu thil ni theiin ka hre lo reng reng a ni. Kum tam a duh reng tur a ni. Mi Ram te kan zu hmu a, an lo ropui em em mai, chu chu nikhata neih kan tum chuan kan hlawhtling ngai lovang, zawi zawin kan ti ang a, amaherawhchu, ka zuk sawi duhna chhan chu an ngaihndan kha ka ngai-thiam lo ni hauh lovin chutiang rilru chu an pu palh tak tak ang tih ka hlau va, chuti lo chu kan inpal luhai lutuk ang tih a hlauhawm a. Amaherawhchu, kan duh dan hi a nih ang theuhva, engemaw chenah chuan kan rin aiin kan duh angin kan muang deuh ang. Amaherawhchu kan phut hi a tan deuh hlek a, hriatna ka neih avangin chutiang chuan ka han sawi ve a ni mai a.

Tin, Public Works Department hi sum leh pai lamah dema tam tak a awm a. Amaherawhchu, nichina Member zahawm tak Pu Thanghuama'n a sawi ang khan engemaw kan hotuten an lo'note'thin a. Mahse tih tak tak a awm lova, a ti a. A dikna lai chu a awm ang a. Policy matter lamah kan lo tih dik lohna chu Department-ah emaw Officer tam takah emaw a awm kher lo ang a. Amaherawhchu, thil pakhat, tunhmaa theihtawpa kan Member ten an sawi, Overseer emaw ni, Motor neia Car te pawh nei a, chutianga phu loh bak baka neia an zu hria te pawh kha, dik tak chuan kan zu verified tawh vek a. Anmahni hmingin Car pakhatmah, Three Tonner pakhat -mah a awm lova. An hminga thil pakhatmah a awm loh na na na chuan engtingge kan va tih leh theih ang ? chu chu thil awmdan a ni a. Chutiang chuanin thil hi hetia kan han hmuha kan han hman ang ngawt hian thil a awm lova. Thil harsa tak a ni a. Amaherawhchu, theihtawp chuan kan tang ve tur a ni a. Kan tang bawk a. Thil tih hi a harsa em em thin a. Thil pakhat hmun then khat khata ka hriat theih te chu kan hna te hi Mizo vek kan nih avangin a kawng lamte hi khawi emaw laiah duhanna a lo awm thin a. Chuvangin, Kawng te hi a laih tur ang tak ni lovin, a aia zau deuh hlek zawk a laihna te pawh hi a lo awm a. Chu chuan kan pawisa khalai mel chhunga hman kan tum ang te pawh khan a daih ta thin lova.

hvlc/-

....46/-

Tiang te chuan P.W.D. ina pawisa a indaih lohna hi engemaw kawng kawngin a lo chhuak thei a. Tin, chutiang te leh la ngaihtuah ngai loh thilah te a hman thut ve theih bawk a. Chungah te pawisa kan lo indaih loh, Department thenkhat ina an hman theih dawn loh chuan hman harsa an tih dawn, pawisa chuang an neih tura te P.W.D.-ah emaw, Department dangah emaw lo divert chu a awm lohna ka hre lo a ni. A liam bo mai mai dawn a, chumi liam bo mai mai aia, P.W.D.-in emaw eng Department in emaw a lo hman kha thil tangkai zawk, thil tihzawm tak a ni. Chuvangin kan Officer ten emaw theih-patawpa pawisa liam tur an lo dang a, kawng eng eng emaw an lo dap chhuak hi a lawmawm viau reng a. Tin, Development Block lam kha kan han sawi a, kha lamah khan chuanin an hmang thei ang an tih zat chu an dah a ni. An hman theih zah tur chhuh sak a awm lova. An hman loh a ni a. Chungte chu an hman lohna chhan kha thil tam tak a awm thei a ni. Building lamah te leh thil dang dangah a ni a. Chungte chu material leh thil dang dangah harsatna a awm thei a. Chu chu thil kal-hmang a ni zawk a. Amaherawhchu, kan Member zahawm tak tak tena in sawi corruption a tam a ni in tihte hi engmah Chiang tak kha hmuh theih a awm hauh lo va. Tunlai hian case pahnih chu kan nei mek a. Chu chu theihtawpa bawhzui kan tum a. A ngial a ngan a thil fel tak, Chiang taka kan hriat te hi a har a, hriat chhun te kan nei tlang a nih chuan in hrih tlang ila, Office lamahte, a lawmawm ngawtin ka ring.

Tin, hmanna sawlai Mission Veng Kawng leh Kulikawn Kawng ka zuk sawi dan kha ka lo sawi kim lo deuh hlek niin ka hria a. Pu Sangzuala khan a han sawi chhuak a. Ngaihdan fel lo tak ka lo pe nghal nghe nghe a, paw ka ti viau a, ka sawi tam loh vang a ni mai a. Mission Veng Thlanmual kawng saw Pu Lawma In thlang atanga lo chhuak phei a ni a. Tunhma kan naupan lai pawha kham phei lo chhuak chho tawh a ni a. A chhuahna dan tur chu kan zawng ang a, hmanna ah kan ti tawh a. A hnuai zawka kha ka la sawi Chiang lova. Kei pawhin ka hria a. Hemi crash scheme kan tih angah hian saw mi Model School thlang saw chuan kan enkawl ang kan ti a, kan bei bawk nual reng a. Kan Member zahawm tak Pu Sangzuala'n a sawi ang khan. Chuvangin engeni khumi kawng hnuai pawh bei bei lo, tih mai loh theih loh pawh a ni lova, a dik viau a. Amaherawhchu, sawmi Khasi Veng a kal a Kulikawn hnuai kal phei zel a sawta Kulikawn dam Tuikhur pawh phei tura ruahman saw a ni a. Chumi piah lam, saw mi Kulikawn

hnuai lampang te leh khawimaw lai laiah sawn engemaw harsatna tak a awm mai awm mange tih hlauvin, thil awm thei dawna kan hriat avangin kan huphurh a. Tin, sawmi kawng saw, kan tih chhuah theih hram chuanin hemi Salvation In hnuai zawk atang sawnin kal pheh ta ila, saw lamah chuanin a awlsam zawk awm mange aw tih ngaihtuahna a awm a. Chutiang chu a ni zawk a, saw lampang Kulikawn hnuai lam pang saw chu a dikin ka hre lova. Chuvangin sawlai saw thil harsatna dang dang a awm niawma kan rawn hriat tak avangin huphurh deuh hlek a awm a, mi In tihchhiat leh engemaw vel kawngah. Tuna Culvert tih chu saw Model School chiah mai hemi ama kawm kar lui Tuihaw-k luanna zuk chhuk thlakna sawlai saw a ni a. Saw saw chu Model School tan sawn ala pawimawh phak avanga ti niin ka in ngai a.

Engpawhnise, sawlai chu Member zahawm tak Pu Sangzuala'n tha zawk tur awm tea an ngai a nih a, sawng lampangah harsatna te a awm dawn lo a nih chuan ngaihtuah theih loh tur a ni hauh lova. Tunah pawh chuan ka la paih thak ni lovin, thlir ngun lehzual a ngain a lang a, harsatna deuh hlek te awm theia hriat a nih mai a kan han tihna chu. Chuvangin nichin khan sawlai Model thlenga kan beih chu ka lo sawi lo mai a tih thu a nia. Tin, ka sawi ang kha a ni a, hmannah pawh khan kan fang pheh vak tawh a. In thar te leh thil pawimawh tak tak a ko bak takah te leh hnai te teah te sak thar te a lo awm leh nual a. Chuvangin thil huphurhawm tak a nih avangin kawng dang te pawh kan ngaihtuah a, sawlai kawngah sawn a tih theih loh thulh hlauhthawm thu avang tein kan ti a, chu chu thil awmdan a ni a.

Paih thlak tihna a la ni chuang lova. Tin, sawng tunhma hnathawh reng reng, District Council hunlai ami kha a ni deuh ber a. Tunhnuah hian E.G.S.-in an lo thawk thar leh nge thar leh lo chu kan hre lova. Tin, kan Member zahawm tak Pu Sangzuala zawhna-Khami Urban Housing Scheme kha ngaihtuah dan a ng chuanin a puk a zawnga heng Life Insurance Company atangte leh bank thenkhat atanga In sakna tur te pawh puk theih a nih ang deuh hleka an tana puk dan tur engemaw zawnga puk atan emaw tia ngaihtuahna deuh hlek a awm a. A-maherawhchu, chu ang chu thil, ngaihtuah theih vek tur a ni ang a. Chuti taka rilru nget neihna kan la nei lova. Tin, hemi kan hna quality te a tha lo tih te leh 32% below pawhin an hlawk tho a tih an rawn sawi kha a dikna lai tak a awmin ka hria a. Kan hna hi kan uluk tawk lo nite pawhin kei pawhin ka hria a. Theihtawpa uluk deuh turin kan in nawr ngei ngei tur a ni ang a.

Tin, 32% below te pawhin Contract hi han dil sela, an hlawk tho mai a. Chu chuanin thil awmia a tilang a ni, ti ang khan an sawi bawka. Chu pawh chu a ang viau mai reng a, ralkhata han thlir chuan. Tin, chiang takin le, keini pawhin kan hre lova. Saw tuna Zemabawka khamphai han chhuah hlawla, Zemabawka, tuna P.W.D. ina an laih mek pawh saw 33% below in emaw ni Kilo. Schedule rate-a an laih a ni a. A laitu khan ka hlawka a ti tlat mai a. Chuti chu kan ti a, a piah kha kan pe leh ta zel a. A piah chu 32% below, schedule rate khan an pe a. A la hlawka a, chuvangin kan rate hi a lo dik tawka lo zawka em ni ang tih te hi engemawchenah chuan a ngaihtuah theih rum rum a. Amaherawhchu, corruption chu a awm lo reng reng ka ti thei hauh lova. Amaherawhchu a rate a hi a lo tam lutuk em ni aw, 32% below-a an chhan pawha an la hlawka tlat chuan hemi kan schedule rate a hi a dik tawka lo a ni ang tih a rinhlelh theih thut thut a.

Tin, khimi Champhai Damdawi In chung chang kha tawite in han sawi leh lawka ila. Tender an chhuah hma, Contractor an tihfel hnu emaw ni, an tihfel top lai kha a nih ka ring a. An tihfel shho ta zel nghe nghe-a, Contractor lampang chu. Chu tih lai chuan Architect kha an that tir leh lai rel a ni tlat mai a. Tichuan Architect kham an enzui leh a, a han ennawn leh khan a ti dang ta nghe nghe a. A site plan te pawh. Amaherawhchu, a detail tak tak kha Contractor hnenah an la pe thei lova. Hei hi keini pawhina kan ngaihven vea, ka lo nawr ve thin avangin chu chu kan thu hmuh dan a ni a. Chu chu a dik lo a nih erawh chuan kan Member zahawm tak tak te khan min ngaidam ula. Mahse chu chu kan thil hmuh dan a ni. Architect ina a peiha a site plan an hmuhna chiaah pawh kha tun thla tan tir vel lai a ni ta chauh a ni. A tlangpuiin sawi mai ila, a vai chuanin kan in chhang vek seng lo ang a.

Public Works Department-ina kan hnathawh, a mal te teah chuanin ngaihthiam lohna leh awm lo tihna kan Member ten in nei a. A lawmawm a, kha khan thui takah min tiling vein min tanpui ve pawhin ka ring a. Amaherawhchu, a tlangpui zuk ngaihtuah chuanin kumin hian P.W.D. hian hna a thawka tam em emin ka hria a. Tunhma chuanin hman sen loh te kan haw thin a. Tunah kan hmang song lutuka, pawisa hmang lo tur ta te kan lak kha an haw leh bawka in a lang a. Hna chu tunah hian ram tinah a lang thei lo reng reng ang, chu chu ka ring.



Ram tinah hna a thawh theih loh avangin. A thawhna lamah chuan a lang a. Amaherawhchu, Bial thenkhat min hmah lutuk tihna a awm a nih chuan ka ngaithiam em em a. Chung te chu kan ngaihtuah nawn leh ngei ngei tur a ni an ka hria a. Chumi laiah chuanin hna pawh kan uar deuh tur niin ka hria. Tunah hian Aizawl-Thenzawl Kawng te pawh engemaw chen chu an la lai zel a. Tin, Bairabi Kawng te an lai a, Saiphai Kawng te pawh an lai a. Saiphai kawngte chu dik takin buai hma atanga an lo laih tawh kha a ni a. Chutiang tak chuan thil tih tak tak hi a harsa a. Hmun dangah te pawh Kawng chu an lai hlawm a, Kawnpui-Hortoki Kawngte, chutiang chuanin khing Khawzawl-Lungdar Kawngte. Thil hi ram tinah hmuh tur chu a awm lo nang a, kumin chuan dik tak chuan, hna chu an thawk viau a ni.

Khawpui te pawh hi dik takin, he-tianga lei kan laih sia mi compound in hnai deuh hlek lamah emaw mi compound min tura tih emaw ai chuan khatiang khan rem mai ila. A tlo zawk ang a, tunhmah a maintenance a awl deuh hlek zawk ang tih te kan ring a. Khawpui Kawng kan tih chu theihtawpin tan la ila, tlo zawk, nghet zawk turin emaw i puahchah nghal teh ang tihna a awm a, chungte chu thil tha tak niin ka hria. Aizawl hmel te pawh hi dik tak chuan hna an thawk bawk a ni ang, kan sawi nasa em a, hna an thawk nasa. Amaherawhchu, an hnathawha kha pawimawh an tih hmun kha kan ngaihndan nen a in ang lo a, chu chu mi thenkhatah chuan niin a lang a. A tlangpui chuan Aizawl Kawng hi nasa takin a improved tawh a. Tunah chuanin Town Road Committee kan siam a. Kan Chairman te pawh Finance Secretary an ni a, theihtawp an chhuah tak meuh a. Chung hunah chuan Aizawl Khawpui Kawng pawh hi lian zawk deuh hleka kan scheme a, tun aia tam zawk hi kan sen a ngai dawn a ni.

Khawpui hi kan chei lova, kan thlah-thlam ringawt chuanin a dik lova; thil kalhmang a ni lova. Khawpui atana kan pawisa hman chu a tlem em em a ni. Hei ai tan hi hmang thei ila, thil tha zawk a niin ka ring a. Chuvangin Khawpui atana pawisa kan hman te pawh hi dik tak chuan kan Ram leh mipui tan a ni thova. Hnamdang tena an rawn hmuh tur leh engemaw a ni a. Entirnan-Tourist te leh mi pawimawh te lo kal se, an khaw-sakna turin leh hmun tha pawh kan nei lo. Hetiang chi deuh Mizoram hmelpu tu tur a nih avangin khawpui hi chu chei loh theih a ni lova. Mi ramah te pawh an khawpui te chu a vur deuh zel a ni a.

Pu Speaker, kan Session hmasa lama a ngial a ngana kan Member zahawm tak ten hemi hi a dik lo a ni. Eiru a ni ang tih ang rawng a an sawi kha, ka sawi ang khan pakhat chu kan han dap zui a. Motor te chu a hmingin a lo nei si lova. Motor te a lo nei reng reng si lova. Chuvangin a chungah action lak kha a harsa ta em em zawk a ni. Tin, Member tena in duh ang ngeiin khami kan thil neihte leh kan income engkim asset register tura tih pawh kha kan ti tawh a. Keini ti tur kan nia, kan lo la lova, a pawi viau a; kan ti ve thuai ang a.

Tin, helai in chhunga Officer pakhat khel leh vak thin hi a pawi ka ti viau mai a. Kan sawi ve chuanin a pawi hle dawn si a. Officer te promote lohna chu chhan a awm ngei ngei tur a ni a. A tlangpui-in Promotion thil khawlaia an va khawsa dan leh engmah Officer te an hre tawh lo. An hriata chu an Character Roll a ni mai. An Character Roll-a a chuang ang ang hian Officer thil ro an rel a ni zawk a. Chuvangin Department thenkhat khatah te pawh Senior tak te pawh an awm a. Mahse kai thei lo an awm ve a, chu chu an roll a chhiat vang pawh a ni thei. Chungah chuanin a sual tak tak lovang. Dawt a sawi a ni ang Superior Officer-in kan ti mai thei, chu paw-h chu thil awm thei a ni. Mahse Roll-ah a inziah mauh si chuanin thu takah a ngaih loh theih si lova. Hetiang a Officer pakhat, chu chu promote ve tur emaw tih hi chu a dikin ka ring lova. Chu chu thil awmdan a ni a. Chuvangin heti lai hi chu sawi fo loh a tha ang a. Engpawhnise, tunah chuan Departmental Promotion Committee a clear tawh a, ngaihdam pawh an ti tawh a. Amaherawhchu, a nihna hun turah a ni lo deuh pawh a ni mai thei, chance hmasaber-a a ni lo deuh erawh chu a pawi viau a. Tunah chuan D.P.C in an clear tawh a, post kan la neih loh avangin an la ti lo deuh a ni mai thei a ni.

Tender pe tur hian Committee siam a tha mai awm mange aw ka ti a, kan Member zahawm tak tena in hlauh kha hlauhawm tak mai a ni a. Hei Class kan siam mai ang tih chu a hlauhawma lai a awm khawp mai. In sawi ang khan a hmu leh hmu lo kha, Contractor nih tum hi kan tam lutuk ta em ni chu aw, tih tur a ni a. Amaherawhchu, Member ten an sawi ang khan a rate hianin a attract deuh pawh chu a ni mai thei a. P.W.D. Schedule arte, engeni Muster Roll-a Labour rawih te leh thil dang reng rengah pawh, saw lai ami saw tihsan ve a ni dawn lawm ni tih kha, ka han thlir ang e.

hvlc/-

....51/-

DEPUTY SPEAKER: Demand No. 19,50,56 - " On the recommendation of the Administrator of Mizoram and with a permission sir, I moved the Demand No. 19,50,56 for Rupees nine hundred ninety six lakhs ninety tow thousand to meet the expenses during the 1974-75 in respect of the following department."

Kan pass a nih chu.

Minute 10 kan nei a, kan hun dik taka kan kal dawn chuan.

Demand No. 25,27,40,55 hi Minister in-charge in han move leh sela.

Demand No. 25,27, 40 and 55.

PU CH. CHHUNGA:  
CHIEF MINISTER. Mr. Dy. Speaker, " On the recommendation of the Administrator of Mizoram and with a permission sir, I moved the Demand No. 25,27,40,55 for Rs. 18645000/- to meet the expenses during the 1974-75 in respect of the following department.

DEPUTY SPEAKER: Tunah sawi duh nei chuan han sawi ula. Han ti phawt ula,

PU J. THANGHUAMA: Pu Dy. Speaker, sawi ve duh tawite ka nei a. Hei Public Health tih chung chang thuah hian hmana Tarlok Singh-a lo kal, Mizoram buai hma atanga vawin ni hi kum 10 (1964-1974) a tlinna a ni ta. Hemi chhunga kan Tui supply dinhmun hian hma a la sawn tehchiam chuangin a lang lova. Tin, P.H.E. Department chuan lamlian dungah Tui pipe ka phun dawn e, an ti a, an laia, an lai an lai a. A hnuah an laihna hrulah nge kan tih anga a ngaiyah khan P.W.D. in an lai ve leh a. An in laih tawn sak sek mai a. A Tui pipe a ~~du~~ hnan tak tak chu a awm thei meuh lo a ni e. Tuna kan Tui supply dinhmun hi han en ta ila, a chhe em em mai a. Kan pawisa hmanral lah chu cheng nuai za leh engemawti zatah nuai za leh sawm pakua chu Tui lam atan a lo ni a. Engati- nge vawin ni thlenga kan Tui supply hi a chhiat ?

hvlc/-

.....52/-

Engemaw dik lo lian tak zawng a awm niin a lang. Hetah hian kan Sawrkar kalhmanga a hnathawktu te an indaih loh vang nge ni a, a hna thawktute zingah hianin mi dik lo an awm ? nge ni a bungraw lampangah harsatna kan nei ? tih hriatthiam pawh a harsa ta.

Tlawng tui kan siak chhuak e, kan ti a, vawiin ni thlengin lamlian dungah han kal ila, Motor pawh inpeh theih lohna khawpin tin ruak, Tui in chuhin an in fall-in mai a. Khawimaw laiah phei chuan Company Commander Command tham zet tin ruak a intlar mai a. Amaherawhchu le, kan milian te Inah erawh chuanin tui chu nileng lengin rawngbawlina chu sawi loh Pangpar tui atan te, hman sen loh a haw tur tur mai le! Mipui vantlang erawh chu kan harsa a nih hi. Tin, zingah Tui ka hawng e anti a, Chowkidar-in hmanhmawh takin an rawn hawng a. Mi tam tak te chu an inring hman lo. Hawn hun lah hunbi awm hek suh. An hman hun hunah an hawng emaw tih mai tur a ni. A "time" kha a awm lo reng reng. Hnathawktu kan nei lo ti dawn ila, hnathawktu chu kan thahnen ang reng hle bawk si. P.W.D. hnuaia awm vangin kan indaih lo em ni ti dawn ta ang ila, a ni ang lawin ka hre bawk si lova. Tunah hian Motorin khawimaw lai an sen leh a. Kan Tui sendan lah hi Vawkreka fa ang zung mai a ni. Chuvangin a dik takin kan Public Health Department hi chak turin ka duh a. Hmanni chu pa pakhatin a sawi a. Tlawng kamah kan inhlawhfa a, zanaah kan che chiam mai a. Engati nge ka ti a, kan hnaah Cemant dik lo deuh kan hmang em ni, zanaah min thawh tir chiam mai a, a ti a. Chuvang chuan thil kalhmangah hianin engemaw dik lo lian tak mai awm niin a lang. Chuvang chuanin kan P.H.E.Department hi chhui chhuah tulin ka hria.

Tin, Labour & Employment-ah hei cheng nuaili kan nei a. Enge ni an thawh dan tur ka zu hre chiang thei meuh lova, Labour & Employment Exchange kan zuk ti dawn nge, hemi chung chang thuah hian employment exchange te kan han dah ve a. India Sawrkar laipui chuan Employment Exchange through-in hna dil tur an han ti a. Amaherawhchu, kan Mizoram Sawrkar hian lehkha kan la hmu love tih chhuanlamin vawiin ni thlengin employment exchange hi a hmanna reng reng a la lang ta lova. Amaherawhchu, khawimaw lai chhuanlam siama tur erawh chuan le, in Register a ngai an ti ve ang lawi si a. Chuta tanga hna hmu hi zaah pakhat an awm ang em aw, ka ti a ni. Chuvangin ti laiah pawh hian kan employment exchange bawk hi kan hmang dawn lo a nih chuan hman loh law law emaw, nge, tute emaw ei zawna atana kan lo ti?

Tin, hei Power Project lampang thilah hianin a ngaihtuah awm leh tham viauin ka hria a, tah pawh hianin. Assam State Electricity Board kan hmaang a. Kan Khawl saw 18th Century vela hnan niawm tak, khawl te chi, eng thei ve che che min pe a. Aizawl Chhim tawpawh phei chuan a ngaihna a awm tawh mang lo va. Tin, engomaw changa light a chhiatin han complain dawn ila, a telephone a lo chhe leh zel si nen. A thawk-tu lah sawtah Power Houseah an awm daih bawk si nen. Chuvangin hmanah kan sawi tawh, kan sawi nawn leh teh ang. Khawngaihtakin kan sawi nawn leh ang a, a chhe repair tu te hi, Aizawl chhim lamapangah sawn a tul hun huna koh ve theih turin awm ve sela Power House kher kher atanga va koh ngai saw a fel lo a ni. Motor nei tan chuan le, an va la thei mai a. Amaherawhchu, Motor nei ve lo, a tan zawk kan ni si a. Chuvangin, khawimaw lai, Kulikawn nge ni, Mission Veng khawimaw laiah khuanin a chhiata han koh theih mai tur hianin a siamtute hi awm ve ngei atan ka duh a ni. Chutilochu kan Electric hi a chhe zing nasa mai si a. Tin, a Khawl hian zawk hi kan chah chhuah thuai a hun hle nghe nghein ka hria a. Tuna kan Khawl neih lai hian min zo tawh lo a ni.

Hei Industry lamapangah Thingzaina Khawl engomaw kan lo bun ve ta neuh neuh a, hei vang hianin a Khawl lian zawk hi neih vat a hun tak meuh ta. Tin, keimahni Mizoram Board ngei, Assam Electricity Board ni lova kan neih thuai hi a dik ang. Chumi kan neih hma chuan a Khawl lian zawk bun dan kan hotute'n ngaihtuah rang se, ka rawn ngen a ni. Ka lawm e.

PU LALHMINGTHANGA: Pu Dy. Speaker, hemi chung chang thuah hian thu tlen han sawi ve ka duh a. Thu tam pawh a ni lova, Public Health tih thuah hian. Tui a ni ber a. Tunlai Bazar lampangah sawnin nasa takin In sak a awm a. Vantlangin kan hmu theuhva. Kan improvement dawn nasa hlein a lang a. Sawrkar Loan te, rehabilitation loan te lak a nih avangin. Chu chuan thil pakhat a hring dawn a. In tha tak tak an sak avangin tam takin Sanitary fitting an vuah dawn a ni. Sanitary fitting an vuahah chuan Tui in tur bakah tui a bawlhhlawh deuh chi pawh a ni ang, a eng pawh Sanitary fitting atan a tul hle mai a. Mahsela tih tur te a la harsat avangin chu chu kan beisei lo, tunah mai chuan. Amaherawh chu, Sawrkar in hemi hi ngun deuhvin a bikin Bazar pheiah sawn In

Concrete House a tam dawn avangin Sanitary fitting tamna ber a ni dawn tih ka sawi ngam a, Zarkawt thleng-in. Chuvangin kan Sawrkarin heri Tui chung changah hian plan enaw, engemaw ngaihtuahna zau zawk an lo neih theihna turin han sawi chhuah ka duh a ni. Chumi bakah chuan a Tui in tur hrim hrim pawh Bazar pheiah sawn pipe line ala kal ve lova. Veng hrang hrangah chuan pipe line an dawh tawh a. Mahsela a bik takin Bazar phei takah sawn main pipe line a kal lova, a yang chiah chu ka hre lova. Mahse harsatna ala awm a nih ka ring a. Engpawhnisela, he Construction hi kan zo dawn thuai a. Hemi construction kan zawh rual rual hian Sawrkar hian Main pipe line tha takin min neih sak ve thuai turin ka han sawi duh a ni. Chu lamah chuan Tui, Bazar hmun Centre bera a awm lo hi a pawl ka ti hle a. Tin, hmunkhatah pheichuan Market place tak tak a nih avangin public-in turin tunhma lama kan naupan ~~lala~~ saw hmun khatah phei chuanin Victoria Memorial ti ang deuhva Tui in tur an dahna ang deuh khan remchang a awm theih chuan kan Minister ten ngaihtuahna nei thei sela ka duh a. Herh chhuah theiha, drinking water vantlang tan, hei hi a pawimawh hlein ka hria. Ka lawm e.

PU R.DOTINAIA:

Pu Dy.Speaker, tuna Member zahawm tak Pu Lalhmingthanga han sawi kha a dik khawp mai a. A theihna hmun hmunah chuanin In nei tha emaw tha lo emaw pawhin pipe-a lakluh kha kan la duh tur leh kan mamawh a nia. Amaherawhchu, pipe-a lakluh chu sawi phak a ni lova zawk a. Hetia an semdan tlangpuiah pawh hian kan la tawh lo em em a. Nichina ka hma a mi tam tak sawi tawh ang khan a semdan te pawh a regular lo thin a. Chutih lai chuan engvangnge ni ang ~~tia~~ han ngaihtuah chuan a thawhna kawngah khanin fel tawh lohna a awm niin a lang ngei mai a. Tunah entirna pakhat sawi dawn ta ila, mipuiin tui duhtawka kan chan theih loh lai pawhin E.E. 3 Inah chuanin pipe-in Tui duhtawka hman turin an la lut tih a awm tlat a. Amah E.E. kha kan ~~ve~~ itsik vang ni hauh lovin, theih phei se chu kan duh veka, kan duh sak a. Mahse mipui pawh ina duhtawka kham si lovin E.E. an nih avanga an Ina duhtawka an hman sen loh a pek bik kha dan hian a phal em ni tih kha sawi chhuah ka duh a. Chu chu kan Sawrkar pawhin lo chhui zui se, ka duh a. Tin, hei phek 90-naah hian Rural Pipe Water Supply tih planah hian khaw tam tak mai a lo lang a. A lawm-awm khawp mai a. Amaherawhchu, nikum lamah pawh ka lo

hvlc/-

.....55/-

sawi tawh thin, khaw pakhat tunhmaa Assam Sawrkar kan awm lai pawha Public Health Department ina Tui lakna tura an lo ruahman pipe te pawh an hnutchhiah nual tawhna hmun North Vanlaiphai khian Hrangturzo atang khian gravitationin tui lakna remchang deuh mai a awm a. A hna pawh chah tak a ni a. Mel 3 tling lo lam hret a ni ang a. Pipe te an phum a, kawngkawi zawng zawng pipe dah tur ( Mel 3 a thui berah) a nih leh a ni chauh a. Chu chu nikum khanin ka sawi tawh a. A pawimawh hle a, N.Vanlaiphai chu Grouping Centre a ni a. Mi 2000 atanga 4000, 5000 awmna a ni a. Tin, High School te pawh a awm ve a, Khawpui thanglai zel a ni a. Inspection Bangla te pawh a awm a. Chutianga mi pawimawh zin chang pawh a khaw pawimawh ve a ni a. Tin, P.W.D. Sub-Division Headquarter te pawh a ni ve a. Hemi tunhmaa Scheme awm tawhsa P.W.D.-ah pawh an lo chhunzawm thin ang khan hemi Public Health Department-a an scheme lo awm tawhsa, chhunzawm turin nikum khan ka sawi a, tah hian a lo lang ta lova. Tih hmah palh niin ka ring a. Engemawtia hemi fund atang hianin kumin chungah pawh telh leh theih dan kawng awm sela ka duh a. Sawrkar-in an duh chuan Department danga mi pawisa hman hleih theih lohte a awm thei a. Chung te chu a divert leh theih a, chutiang kawng zawng pawh chuanin thliar thei hram sela. Chu chu ka rawn ngen ve duh a ni.

PU C. CHAWNGKUNGA: Pu Dy. Speaker, tunah hian thu tlem sawi ka duh a, Hemi Sairangah hian tui an chawi nasa a. Vaivakawn atanga tunhma Pu Chhawnzinga Tui kawng, kha kha Rs.4000/- 5000/- lek pawhin han chei sela kawng hmantlak ni mai tur a ni a. Khu khu chei that ni sela. Motor neitu leh Sawrkar tan pawh thil awlsam in ka ring a. Chu lo lehah chuan Sairang a kan tui chawi ho khu a bawlhhlawh ka tih kha, ka ti tak tak a ni a. Helam kamah khuan mi zawng zawng an insu a, an inbual a, an inbualna mawng takah khan tui an dawt tlat mai a. Khu khu thil tenawm em em, ran thi leh bawlhhlawh zawng zawng paihna inbualna, insukna thli kha keini chuan kan ei duh hauh lova, Sairang ho chuan. Hetah tui thianghlim semin an sem si a. Khu khu a ngaih mawh awm tak meuh meuhvan ka hria a. Khu khu Sawrkarin rawn ngaimawh turin ka duh a ni.

hvlc/-

.....56/-

PU C.LALRUATA: Pu Dy.Speaker, hemi Public Health Sanitation and Water Supply tihah te chauh hian rawt duh ka nei ve a. Hmanah pawh ka rawt tawh a, mawl deuh mai a nia, Phek 87-naah hianin Public Health and Water Supply Scheme, Sanitation tih major Head-ah a awm a. A dang pawh hi kan keu thin a, Sanitation tihah hian Water Supply te, heng phar te leh natna darh thei chi (Epe-  
demic diseases) khatiang ang ho tihreh turma kha, Sanitation chu a ni ngei tak a. A ven turma dang pawmawh, Dandawi nan tam tak tak te leh hnathawktu hlawn tam tak taka rawh ngai lova tih theih awmin ka hria a. Chu chu ka rawt ve fo thin a. Khawtin deuhthawah hian Sanitation Committee an awm deuh vek a ni. Chu chuan hna an thawk tangkai viau a, anmahni tlin ang tawtawkin khaw chungah te Zun In te, Ekin te an siam a, a khat tawkin. Tiang ang te chu an tam a ni. Nimahsela, khami siam ringawt kha a tawtaw lova. A tih thianghlimna an mamawhin ka hria a. Ekin te mimalin an nei bawk a. Chu chu a vawndan tur Sanitation Committee-a a hotute leh khawtlang hruaitu te lamin an in tih tir thin tak naa, anni pawh an hriat chin tawtaw a tawi em em a. Chungah chuan hemi kawngah hianin Sawrkar in thil tih tur a neiin ka hria a.

D.D.T. ringawt pawh hi pe ta ila, Ekinah te zuk thlak ila, zun Inah te dah ila, kha khan a vawng thianghlim a. Tin, finnel an ti emaw ni, khatiang ang chi te pawh kha a tangkai bawk a. D.D.T. te phe chu Dandawi man tam vak lo a nih ka ring a. Kha tiang ang kha khawtin maiah hianin tam tawtaw ngat kha kan sem theih chuanin minal Ekin te leh Vantlang Zun In te tih thianghlim nan a tangkai viauvin ka ring a. Nimahsela, hetah hian a bik taka chutiang anga tihna a awm lo nin ka hria a. Miscelallaneus Contingency tihte, purchase and maintenance of vehicle tih hemiah te hian a tel em ni aw, ka ti a. Cheng 23,5000/- vel a ni a, chuta pawisa chu. Khatiang atang te khan tihb theih tur a nih chuan tih chi tak niin ka ring. Dik takin, Bante zaiin, inchiu bawk thin mahila, natna heng Santen te, tunah pawh tui fur a tla dawn chauh a ni a. Thingtlang khuaah te Dandawi In Doctor tena an zu enkawl zung zung theih lohna, khatiang hmunah chuan. Khatiang awm lohna hmunah chuanin a harsa hle dawn a. Hetiang hun khirh tak tak hi kan tawng fo tawh a ni, Kawmpuiah te. Mizoram hmun tinah nikum pawh khan a awm. A buai-thlak hle a. Chuvang chuan tho vina a put darh theih lohna tura Dandawia kan venna kan zunram thiarna hmunte kan tih thianghlim hi thil tangkai tak a nih ka ring a. Chu chu thil mawl te han sawi lan ka duh ve mai a ni.



PU NGURDAWLA:

Pu Dy. Speaker, he laiah hian kei vei ka nei a. Sanitation chung chang ah hian. Hei kan Provisionah Motor leina turte a awm a, hei Khawpui tawpzia kan hmu a, tunah te pawh hian a la tawp em em mai a. Amaherawhchu, Sanitation Department hi engatinge News-ah te leh hetiangah hian kan sawisel tlem em em tih kan hriat chuan Khawpui ti em em a a tawp hian Equipment leh men power khatiang khan an lo nei chau em em mai a. Hmannia Youth Club hoina an tih dawn pawh khan truck chhia tlan hlei thei lo kha an lo neih thin a lo ni a. Chutiang ang chuan hetiang an lo ti thei hi zuk hriatpui chuan a mak tham zawk a, tuna kan han ruahman ai pawha **lian** zawka tlanpui loh chuanin hnathawh a har em em mai a. An ek paihna leh bawlhhlawh paihna reng reng hi hman nia an Hotu pakhat Sebudar bang a ni a, a sawi danin han sawi mai ila, " Khawi laiah pawh han paih ila an lo object leh a, helama kan han tih lehin an lo object leh a, min object min object mai a ni", a ti a. Khang ang khanin bawlhhlawh paihna pawh hi chiang taka hla tawk deuha kan dah a, tin, Motor tha a paih theih tham, chutianga Scheme lian deuh taka kan neih hi a ngai a. Chutilo chu hei kan Sanitation lampangah hian hri leh eng eng emaw a len hian an che hlei thei chuang lova. Zun In tam lohzia leh eng eng emaw pawh kan hria a. Khawlaia kal hianin, Aizawl Khawpuiia kal ngawt pawh hianin zun chhuah fuh loh chang chuan harsatna tham a ni ringawt mai a ni, Zun In mumal lohzia chu. Vantlang Zun In kan han neih chun te lah chu a tawpin a tawp tawh a, mahse a hnathawktu te chu zuk dem tlak pawh an lo ni lova, an ti lutuka tih zin hle a ngai a.

Tin, Rural Scheme-ah chuanin Vantlang Ekin leh zunin zuk sak hi a dikin ka ring a. Chutilochuan hei Thingtlangah kan han kala, Ekin siam chhiatna khua chu, Ekin neih tulna hria khua chu khaw chang kang deuh chauh an ni a. Khaw tam takah chuanin gentleman deuh pawh daithlang **lamah** Vawk rual nen an la in um kawi duah duah mai a, khatiang kha kan mentality a la ni a. Chumi encourage nan chuan Vantlang Ek In leh Zun in hi khaw tinah hian siam sak ila, khaw pangngai hmunah chuan. Tin, hemi lampang bawkah hian sawi lawk ka duh a, thian ten min rawn hniala vanduai-thlaktakin. Amaherawhchu, hei hi Scheme lian a ngai a. Kan Hotupa, kan Chieff Minister zuk tih ang ngawt maia thana lutuk in pek reng loh dana hi ngaihtuah a tul a. Amaherawhchu, tun dinhmunah chuan a theih loh pawh lo ni sela, scheme kan nei a, kha mi atan Provision lian

hvlc/-

....58/-

tawh kan neih a, laboratory staff te kan neih a, tin, tui an lo peka kha tui thianghlim a ni tih an lo verified loh chuanin tui zuk tih hianin P.H.E. tih tur hi Tui pek ringawt a ni lova, tui thianghlim pek tur a ni. Tin, tui thianghlim intlak tih hi India citizen tena an neih ngei ngei tur, Directed principle a lo ziah constitution a entered a lo ni a. Chu chu Sawrkar-in tan kan lakna tur a lo ni a.

Tin, hei Scarciti of Water tih chung changah hian chuan, dik takin kan Ram hi han en ngun ta ila, Tui lampanga tan kan lak loh chuanin tunah hian ram danga kan hnathawktute, technician mi te pawh kha a huam kan ti a. Hna a tam lehzualna chu khua a sangah kan rem a, Tui awma kha a hnuaiah a ni tlangpui a. A tlangpuiakin- chu chu kan zuk thli leh ta a. Chumi kan zuk thli a chu purify dan engemaw lei chhunga kan luh tir zawkin hemi tuihawk te pawh hi a zuk thli loh zel dan kha P.H.E. ho Engineering Courseah te hi chuan a tam em em in a chiang em em mai a. Chutiang chuanin kan Ram awmdan mila crore te pawh lak tir a, tih tur a tam mem em mai a. Tunah an te a ti a P.H.E chu Thingtlang ami zawng zawng kha Tui nei lo an ni a, chumi te chu pe tur an ni a. Kan hriat angin tet nak alaiin sum leh pai lamah an han pai deuh leh nghal a. Chumi chu kan zuk hriat kil kel a ngai lovang a. A lian zawng scheme Mizoram cover thei, tin, Department lian tha P.H.E ang hian kan dah loh chuanin hemi Mizoram ina tui a kan harsatna hi chu a kiang dawn lova. Hei hi a hun leh budget kan khel leha chuan kan Hotu- te leh Sawrkar lampang pawhin Budget lian tawkin rawn siam-in Mizoram cover thei turin.

Tin, concentration he lamah hian kan pek a tul a. Technician Education lam chauh hi Educationah chuan concentration pek ngai a ni a. Agriculture kan mamawh a. Chutiang chuan kan mamawh bikah hianin concentrate ila. Tichuan kan Sawrkar hi Welfare Government a ni theiin mipui pawh an hlim ang a. Mi zawng zawng chu a tihlim chuang lovang a. Mahse Welfare Government to some extent at least a ni ngei ngei ang. Ka lawm e.

DEPUTY SPEAKER: Mi 6 in an sawi tawh a. Tin, hei chawlh te pawh in duh ang a. Dar 2 luh hun a ni a maw ? Pu Thangzika'n sawi sela, a sawi ngai lova.

hvlc/-

.....59/-

PU L.P.THANGZIKA: Pu Dy.Speaker, tawite a nia ka sawi dawn ni, Hei tunhma kan din-hmunte ngaihtuah chuanin tunah hianin tui chung chang thuah mipui vantlang pawh kan awlsam phah viauin ka hria a. A lawnsawm hlein ka hria a. Tunhma hun kha chuanin Sawrkar hnathawk chauh lo chuanin Tui hi hmuh a ni ngai lova. Mahsela, tunah chuan mipui te tan tui te pawh hrauh a lo ni ta a. Amaherawhchu, heri Water Supply chung chang thuah hianin sawi duh ka nei a. No.3- Demand No.25-na pheh 90-naa 1974-75-a Water Supply-a an pekna tur hmun an zuk siama chung chang thuah hianin hei kan en kan en engemaw zawng tak chuanin a Chhim te pawh min lo ti leh mai thei a. Chutiang thu ni lov in Lunglei District-ah chuanin hmun thumah- Lunglei, Hnahthial leh Zobawkah te hian Water Supply a awm dawn a. Tin, Chhintuipui District-ah chuanin Saihaah leh Lawngtlaiyah a awm a. A vai hianin 20 niin ka hria a. A dang hi chu an cut a. 20 chhungah chuanin 15 chu Aizawl District ami tur a lo ni a. Helaiyah hian engnge an siam dan chhan ka hre lova. A siamtute hian Aizawl District, hmunpui lam hi an duhsak hrim hrim nge ni a, pawimawh zawk nia an hriat vang. Chu chu ka zuk hre lova. Hei a hmutu tur an zuk ziah zingah te hian pawimawh tak tak te chu zuk awm bawk mah sela hla tak tak, Khawzawl tih ang rengte, hmun dang khawilai lai te a awm a. Tiang hi kan ti dawn rau rau a nih chuanin kawngpui dung motor tlan theihna, entirnan- Serchhip piah lawkah te pawh Bungtlang te a awm a, Pangzawl te a awm a. Tin, chu aia harsa zawk mah mah tui lampangah Lungsen te a harsa em em a. Chunge te pawh chu Motor lian luh theihna a ni a, churang chuanin heng hi divert leh theih tur te a awm a nih loh chuanin Lunglei District leh Chhintuipui District chuanin Water Supply hi kan chang tlem dawn hlein a lang a. Hei hi kan Hotute'n lo hria sela ka duh viau a. Tin, amount chung chang thuah pawh hianin hei Lungleiyah chuanin Rs. 60,00,000/- (nuai ruk) a ni a. Tin, Serchhipah Rs. 90,0000/- (nuai kua) heng te hi engnge ni a chhan ni ang aw ka ti a. Dik takin, Mizoram chhungah chuan, Aizawl dawttu hi Lunglei a ni a. Engvanginngah Serchhip aia Lunglei hi Water Supply-ah an tih tlem? A chhan ka hre duh viau mai a. Lunglei chu Sawrkar hmunpui zawk pawh a ni a. Hei hi kan Hotute'n lo hria se ka duh a.

Tin, chu lo chu thil pakhat ka sawi leh duh chu kan Chief Minister pawhin min lo hrethiam sela, an ti thovin ka ring a. Amaherawhchu, Department lam ina an lo hriat atana ka duh, thil pakhat sawi ka

hvlc/-

.....60/-

Kumin February 16, 1974 khanin Tui chu sem tan a ni a. Aizawl lamah pawh, Lungleiah leh hmun dang dangah sem a ni a. Tichuan Aizawlah chuanin 16th February, 1974 atang chuanin Tui an chawi a, mi pakhatin 2gallons theuh chang turin an sem ta a. Vawin ni thleng hianin gallon 1-per head in an la sem chhova. Lungleiah chuanin 1gallon-per head-in an sem phawt a. Chu chu engemawchen an sem phawt a. Chumi hnuah chuanin 2gallons-per hd.-in an han sem leh a, hun rei lo te chu. Nihahsela hmanni lawkah khanin an cut leh ta a, Lunglei chu. 1 gallon-per hd. chauh a nih ka ring a. Hei hi engnge ni a chhan tiin Department-ah ka zawt a, Department hotute chuanin kan pawisa hi kan exceed tam lutuk dawn a, chuvang chuan kan cut tlem a ni e, an ti a. Chumi a lo nih pawhin engvanginngge Lunglei chauh an cut bik ? Aizawl ina a tira 2gallons dawng si a, Lunglei a changa gallon khat a changa gallon hnih(2), hetiang an tihna chhan hi ka hre duh a. Hetiang hi kan tihdan tur a nih chuan a nalh tawk lo awm mange aw, engemaw zawng tak, Chhim lam a chuti lam, a khati lam tia kan in ngaihbelna pawh hi a dik mai dawn a ni awm mange aw, tiin ka zuk ngaihtuah rum rum a. Amaherawhchu, ka sawi ang khanin, helai chung chang thuh chu kan Chief Minister zahawm tak hnenah ka hrilh tawh avangin hei hi an tih danglam leh pawh ka la beisei fova. Engpawhnisela, Department hian hetiang a tual lo taka thil an tih chu ching tawh lo sela, ka duh hle mai. Ka lawm e.

PU HRANGVELA:

Pu Dy. Speaker, hei P.H.E. Department kan sawi a, kan Sawrkar ten min lo chhinchhiah a, min lo hre-reng tura ngen duh ka nei mai a ni a. Tangka tam tak kan passed a, amaherawhchu, Khawpui Sawrkar kan tih ang deuh bawkin Thingtlang khaw kilkhawr tak tak te, tui harsatna hmuna awm te tan hna thawk ve dan tur emaw tui an hmuh theih dan tur kawng a awm tawp lo mai hi vanduaithlak hlein ka hria a. Nakum lehah chuan Thingtlang Motor Kawng te pawhin a tlawh phak loh hmun te pawhina Tui lak tha an neih theihna tur kawng kan Sawrkar ten rawn buatsaih sela ka duh a. Chumi atan chuan kan hriat theuh angin Thingtlang khua te hian an khua atana Tui lak chung chang thuah Tui harsatna avang te, lak tur harsatna avang tein an interest em em a. Anmahnin nasa takin an thawk a ni. District Council hun lai pawhin pipe ringawt an pek pawhin hlawhtling tak takin an thawk a ni. He Hallah ngei pawh nikumah ka sawi tawh a. Khawbungah te, Vanlaiphahia te,

.....61/-

Farkawnah te nasa takin Tui lak hna an thawk a. An hlawhtling bawk a ni. Amaherawhchu, Sipaiin chung an pipe te chu an tih tliah sak a, an lo lak sak zo tawh a. Tunah hian chung harsatna chuan a tlakbuak a; mahse kan Budget han en hian engtikahmah tih leh sak a awm dawnin a lang lova. Chung mitena an khua tui an lak luh ve theihna tura Budget provisionah hian kawng a hranpa a awm ka ring a, thil harsa a ni pawhin ka ring lova. Phek 90 Rural Water Supply tihah hianin tangka engemaw zat chumi atan tih a awm lova. Thingtlang via village atan tih ni mai sela. Tichuan pipe lein emaw a nih loh leh a tangka in emaw tunhma District Council ina a tih thin ang khan tih ni sela. Burma lam atang te pawhin an hmu thei mai thei. Kan sawi thei lova. A pipe Champhai lama thlen ngawtin Mibung lam a mi leh Khawbung lam ami te, leh hmun dang dang a mi te pawhin an puin anmahnin hna ropui tak an thawk thei a ni. Chutiang ang kawng chu kan Sawrkar hian tihdan tha rawn buatsaih tawh sela, chung Tui harsatna hmuna awm tena tui tha an lo hmu ve theihna turin. Chuti mai chu han sawi ve tur ka neih chu a ni.

DEPUTY SPEAKER: Minister in-charge in sawi tur a neih chuan minute 5 chhung vel han sawi sela.

PU VAIVENGA: Pu Dy. Speaker, kan Demand-ah khan MINISTER. ka chan tlemte a awm avangin kan sawi ve ang a. Hei kan thawl tawh viau a, a pass ran hi kan duh tawh-mah-mah awmin a lang a. Sanitation kha hei keini L.A.D. lamin kan enkaw ve leh tlat thung a, Aizawl te, Thingtlang te pawh. Chumi atan chuan mamawh tam tak kan nei a, bawlh-hlawh thiarna atan tuna kan dinhmun hi a tha vak lova, Supply Motor kan hawh ringawt a. Chu chu a man Supply or Transport-in an bill a. Tractor neih thuai kan in beisei a. Kan harsatna chu a Company lam bawk a ni leh a. Ti laiah sum leh pai lam kan nei lo ni lovin. Tin, kan harsatna pakhat leh chu, Zun In te, Ek In te pawh khawimaw lai laiah sak kan han tum thin a. A site-ah hian kan harsa leh a. Kan hriat theuh angin khawlai dung, khawi lai pawh hi Public tan thil han ti dawn ila, tihna tur a awm lo. Tu ram emawin a khat chhuak deuh vek mai a, chu chu kan harsatna pakhat a ni. Amaherawh-chu theihtawp chhuah a a remchanna laiah tih hram chu kan tum a.

Tin, Thingtlang lamah chuan nikum hmasa khan Santen hri kan vei nasa viauva. Chuvang chuan Sanitationah hian tan lak hi a tul zualin kan hria a. Theihtawp kan chhuahin Ek In neih tur kan ti a. Tin, tual phiah tur a ni a, tih te kan uar a. Tin, Dan han en ila, kan District Council rule-ah khan. Sanitation Rules and Regulation siam theihna kan nei a. Village Council pawhin tul a tih chuan Sanitation Committee a siam thei ang a ti leh bawka a. Village Council ten anmahni jurisdiction theuh atan an siam theihna tur chu hman nise kan ti a, Village Council tan kan hriattir a. Chumi atan chuan guide kan siam sak leh a. Tin, Medical Department-a Sanitation Inspector te leh Health Assistant te pawh chungah chuan theihtawp lo chhuaha, Secretary-ah emaw a eng berah emaw lo tang turin kan ti a. Tichuan nikum khan Santen chu kan dang ve niin kan ngai. Tunhma kha chuan kumtin deuh thaw kan vei thin a. Thingtlang lam enkawlna pawh kan bei zui zel bawka.

Tin, Power chung chungah hian kan mamawh ber a ni tih kan hria a. Vawiin ni te pawh eng kan nei tha thei lo hi a pawl hle mai. 66K.V.(sixty six) line (crip) hi a lo thlen chhoh ran a tul a. Chumi atan chuan theihtawp kan chhuah thu hmannah kan sawi tawh a. Tin, hetah Sub-Station pawh kan buatsaih mek a. Tin, Thingtlang hmun then ~~Sienah~~ Champhaiah te, Saihaah te, Demagiri-ah te, Lawngtlaiah te ong chhit thuai kan tum a. Aizawl khaw chungah kan dinhmun a tha vak lova. Hei hi Assam State Electricity Board ina min enkawl danah hian crip a thlen phak lohna lai apiang-ah hian tuna khawl kan hman ang hi sawn kual sawn kual a ni a. Kan Khawl te hi tlemin a lo hlui tawh nen kan dinhmun a tha thei lo a ni.

*Yall project* / Tin, Hydel Project hi hmanah pawh kan sawi tawh a, keimahni ngei ina power kan neih theih na kawng hi kan ngaihtuah a, Centralah kan thlen a. Tin, North Eastern Council pawhin chu chu min back-up pui an tum a. Investigation tih thuai tum a ni.

PU CH. CHHUNGA:  
CHIEF MINISTER.

Pu Dy. Speaker, Tui supply lamah hian kan tlachham em em a. Tun aia tam zawk hi Khawpui mite hnenah hian pe thei ila, helaiyah kan duh tak tak a. Amaherawh-chu, hemi kan Electric Power hian a zo tlat lo mai a. Hemi lai Tuikhuah tlang, hemi Mission Veng lu a mite pawh khi a khat zo thin lova. Tiang chuan nichina kan

Electric Power lam Minister in a sawi ang khan 66 K.V Line a lo thlen hma hi dhuani helaiia rawn pek tur chu a rawn tihpuitlin hma chuan duhtawk Power hi kan nei sawn lo niin a lang a. Chuvangin hemi Water Supply Scheme pawh hi a la awm lova. Amaherawhchu, Tui tih thianglimma dan tur chu kan Officer ten an ngaihtuah em em a. Chu chu an dap mek dawn nghe nghe a ni. Tin, a pump-na Khawl pawh ni a chhiat changtu pawh kan nei lova. Tah hian chutiang te pawh chu ngaihtuah mek zel a ni a.

*Purification of Water Supply.*

Tin, khu laia tunlaia Tlawng tui an zuk lakna lai lo bawlhhlawh em em maia chu paw ka ti hle a. Kan Member zahawm tak te khan an ngai pawimawh em em a. Ngaih pawimawh awm tak a nihna lai pawh a awm a. Hemi thua hi chuan ngun takin kan han thlir ve ang a. Khawi lai nge hmun tha lai ni ang ? tihte pawh thlir a ngai ang a. Nichina Member zahawm tak Pu Chawngkunga'n a sawi tawh ang khan Kurung khu chu a tui a bawlhhlawh a rinawm lohva. Khulai khu enganginng e ama Kurung luiah khuan lo chhovin thil a tih theih mai em chungte pawh chu ngun taka thlir a ni ang a. Hei hi chu kan la rawn thlir ang e.

PU K.L.ROCHAMA: Pu Dy.Speaker, hmanni khan kan sawi tawh a. Tui semdanah hianin Khaw-pui chungga Motor lianin a kal theihna te pek kim theih nisela, a duhawm viau a. Tin, tlem deuh zawk a nih pawhin thenkhat an lo vui vai kha a dik lo ang a. Lungleiah Zotlang Veng bik chu Motorin a thleng thei thova, tin, point tam pawh a ngai lova. Point hnih khat vawi khat han tlan phei sawr zawra han dah belh chuan. Tin, chubakah Serkawm Christian Hospitalah chuan a bik takin 400 gallons emaw kha nitin an pe ve tho tho nghal baw a. Kha vang khan a kiang mai te in an lo lungkham ve nasa si a. Hei hi pek ve theih hram a ni ang em ? tih leh tuna hei kan sem dan ang hi tuichawi hi khua a chin chang pawh hriat loh a thalna bika chu lo sawn pawh ni ilangin tuihawk kha a ni reng reng mai dawn a. Hetiang angah chuan. An chawi thova, Bill kha a kal reng tho vang a, kan in thei baw si lo va. Chuvang chuan hetiang anga pump chhuah zawnga tih kha kan la ti thei si lova. A chawia hi remchan lohna nikumah far khatmah ruh leh tur awm lovin, tin, kan chawi lai pawhin a in tlak baw si lova. Chuti a nih chuan tawp ang renga sian sak dan heti zawnga kan pawisa te hi a dang chu le kan chawi ang ringawt lova hman that zawk dan hi ren tumna a awm em aw ? tih kan zawt ve duh a ni.

PU CH. CHHUNGA:  
CHIEF MINISTER.

Pu Dy. Speaker, chutiang chu tui-bel in hrang hranga in tin hnenapek turma lampang chu tunlai chu ngaihtuahna kan la nei hauh lova. A chhan chu engemaw heng Power te pawh kan la nei tan ve deuh hlek ang a kan in khung thei em tih a ni ber mai a. Tunhma zawk tawah erawh kha chuan Tuikhuah lam atan hianin pawisa pe ta zawk mai ila a hlawk mah awm mange tih te chu kan ngaihtuah rum rum a. Tunhma zawkah khan ti ve thla rawk ila Committee-ah te kan tel ve thin avangin kan ngaihtuah thin a. Amaherawhchu, tunah hetiang a hmung a tlawngte pump chhuah a lo nih takah chuanin a <sup>Z</sup>zia a awm zel ang a. Kan mangang rei em em lawng chu maw tihna a awm avangin chu lam chu ngaihtuahna kan lo nei tam em em tawh lova.

Nichinah kan Member zahawm tak khanin khawimaw laiah a tam a, khawimaw laiah a tlem a, tihna te a awm a. Engpawhnise, helai hi population basis-a ngaihtuah a nih ka ring a. Chuvangin sawifiah mai hi a har viauin ka hria, ka tan tunah rih chuan. Kan la chian chho ang a, thil awmdan ngun taka ngaihtuah fel kan tum zel ang a. Engrmaw point hnih vel Zotlangah pe ve dawn e tih kha chu pawisa dinhmun han en phawt loh kha chuan helaiiah hian kan in chhang mai ngam hauh lo ang a. Amaherawhchu, tukin lampanga kan Member zahawm tak Pu Thangzika min hrilh chu Department lamah chuan kan thlen tawh a. Action an la em ang chu, tih ka ring a.

Pu Deputy Speaker, helaiia awm lo kha chu thil a tih theih e ka tihna ni hauh lovin, kan han thlir ngun chu a ngai a ni. Helaiia remti han tih mai chi chu a ni lova. Engpawhnise, tih theih loh tawp turach chuan ka la ngai lem rih lova.

DEPUTY SPEAKER:

" On the recommendation of the Administrator of Mizoram, the Demand No. 25,27,40,55 have been moved for Rs. 18645000/- to meet the expenditure during the year 1974-75 in respect of the following department "

Hemi pass remti zawngin 'Remti' ti rawh ule ( Member te: Remti) Remti lo in awm em ?  
Passed a nih chu.

Tunah kan chawl rih ang a, Dar 2:00P.M.  
ah kan Inkhawm leh dawn nia.

Recess till 2:00 P.M.

hvlc/-

....65/-



SPEAKER: Quarum a awm loh avangin a hun takah kan tan thei lova, a pawihle a. Mahse kan hriatthiam a ngai ang a. Kan ban tlai avangin hunin a daih lo hrim hrim a ni. Chubakah Budget kan tih tlai vang a ni a. Mahse hei pahnih chauh kan nei a, hun a awm theih ka ring a. Demand No. 32 leh 36 kan la ang a, Minister in-charge in han move sela.

Demand No. 32 and 36.

PU R. THANGLIANA: Mr. Speaker, "On the recommendation of the Administrator of Mizoram and with your permission Sir, I move the Demand No. 32 and 36 for Rs. 91,2500/- only to meet the expenses during the year 1974-75 in respect of the following Departments! Thank you.

SPEAKER: A Department chu 305 Agriculture a ni a, 306- Minor Irrigation leh 312-Fisheries a ni a, Hemi chung changa sawi duh nei chuan han sawi pawh ule.

PU R. DOTINAIA: Pu Speaker, hun ka neih theih vangin ka lawm e. Agriculture hi kan Ram tan apawimawh em em a. Hun engngemawti chung chu ei tur Ram dang atangin kan la lut ta a. Food grain-a intodelh hi a pawimawh a, chuta tan chuan top priority pe turin Party lam pawhin rel tlak a ni tawh a. Nimahsela, tun thlengin Agriculture hi mipui ngaih angin a la kal lo niin a lang a. Kum tinin Budget-ah chuan pawisa tam tak tak a lang thin a; mahsela kan ngaihthah vang leh Agriculture Department in relbawl dan dik tawh loh vangin he lamah hian hma kan sawn thei lo niin ka hria a. Kuminah pawh Budget a lang hnem hle a ni.

Pawisa kan lakluhna tam ber chu Fu leh Sawhthing niin a lang a. Alu hi a pawimawh naa, Fu leh Sawhthing hi kan dek chhuak tam zawk a. Sugar-Cane Development Officer/Inspector kan nei lova. Chutiang bawkin Sawhthing atan pawh a ni a- Food-grain atan chuan a awm si a. Hei hi kan ti dik lovin ka hria a. Entirman- Tuichangralah te chuan Fu a tam em em a, mahsela a herna an neih tawh loh avangin an her chhuak chak lo zawk a ni. Chuvangin Fu leh Sawhthing lama hma kan sawn zel theih nan Officer te inrem chhoh nise tha in ka hria.

hvlc/-

....66/-

Tin, India Ram State dang tlang rama an hmasawn dante entir in Progressive Farmer te zinna turin provision siam ni bawk sela ka duh a. Chutiang provision chu ka hmu lova, pawl ka ti viauva. Entirnan-Himachal Pradesh te khu Tlangram a ni a, Horticulture lamah hma an sawn em em a. Khunga an tihdan te khu entawn tlak niin ka hria a. Sawrkar pawisa sengin heng laia Farmer te hi Department Officer ten hruai ta sela, kar khat/kar hnih emaw zuk zir ve ta sela, an lo hawn leh chuan practical-in thil an ti ve thei nghalin ka ring a. Kan thawh uara, a tihdan hmang kan hriat phawt chuan intodelhna tham a la awm a ni. Thlai chi hrang hrang a tha duh a. Amaherawhchu, a thawh dan hmang kan hre lova, thawktu kan in daih lo bawk a niin ka hria a ni. Chuvangin Lo neitute zinna tur hian supplementary Demand-ah emaw nakun Budgetah emaw provision siam ni ve sela ka duh ngawt mai. Serchhipah kan thianpa pakhatin Leikhabu siam a tum a, tanpui turin mi a rawn ngen a, Agriculture lamah data a duh a. Wet Rice Cultivation, Dry Terrace te, leh Jhuming atan te hian Ram engtia zau nge an reclaim tih te, pawisa engzatnge an hman a, chung atang chuan thlai leh Buh engzatnge an thar chhuah tihte Agriculture Department hi ka zawt a. Mahsela, record engmah kan nei lova tiin min chhang thei ta lova. Pawisa tam tak sem ral a ni tawh a, he-tiang data mumal an nei lo hi a pawl hle a ni. Chuvangin survey neih nisela, Chutilo chuan grant-in-aid pek chung changah duplication a awm thei thin a ni. Kan Sawrkar pawhin hriat ngun atan a thain ka hria.

Tin, nikumah khan Serchhip-Mat ruam leh Bilkhawthlir phai ruamah khuan Crash Scheme-in hna an thawh tira, Work Order te pawh an pe vek tawh a. Mahsela tun thlengin pawisa la pek loh niin ka hria a. Tanpui mitthi karah min hlawhfa te an ruai a. Pawisa an la hmu si loh avangin hnathawktu leh a ruaitute'n an tuar nasa hle a, Pawisa hi la pek loh a nih chuan pek tumna a awm em ?

Tin, Thingtlanga hnathawk tak tak ten Agriculture Loan an hmu ve theih dan ngaihtuah ni sela. Thingtlang miten an ram kha settle a nih ve loh avangin dahkham theih a ni lova. Chuta tan chuan Agriculture Department chang lo pawh Revenue Department te pawhin tan an lak ka duh a. Pawisa tam tak hi a mamawhtu ten an chan loh mai a hlauhawmin ka hria a.

Tin, Agriculture Department-ah hian staff te an din chhoh danah hian Specialist te pawh kan

nei a-Agronomist, Plant protection lamah te- chung chu kan kal phung tawh han thlir hian an Specialise-naah khan Officer hnaruak tho thei niin a lang a. Mahse, chutiang zawng chuan kan dah lova. State dangah chuan a specialise-naah khan post an create a, an thawh tir thin a. Plant Protection lam thiam mite chu Plant Protection Officer-ah an duh a, further study emaw training emaw an neih pawhin khangah-khan an kaltir zel a. Hyderabad-ah khuan Central Plant Protection Training Institute a awm a. Saihaa kan Agriculture Sub-Divisional Officer chu plant protection specialise-na nei hauh lo kan tir thla ringawt mai a, kha kha kan Ram leh mipui ten kan hlawk phah dawn lo a ni. A lo haw leh hunah khan he Ramah hian a hman (apply) leh dawn tawh loh avangin. Chuvangin khatiang train te kha chu khami hnaah khan thawhtir ngei a thain ka hria a.

Tin, nikumah khan Agriculture Department-in agriculture implement- Chemte, Bawngtu-thlawh te, Suahdur te an sem a, he Houseah ngei pawh ka sawi tawh a. Hman tlak loh reng reng kha Thingtlangpa hnenah an pe a. Sawrkar beng pawh a thleng tawh a. Hmanah pawh replace turin dilna a awm tawhin ka hria a. Khawngaihtakin lo bawhzui sela ka duh a.

PU C.LALRUATA: Pu Speaker, a point te tein ka'n sawi ang e.

1) Democracy Ramah chuan Party hian thui takah inrawlhna a nei thin a. Party lam atang pawhin Agriculture hi mechanise tur a ni tih ngaihndan a awm a. Chu chu Member mimal leh he House ngaihndan pawh hi a niin a lang a. Amaherawhchu, Budget enin machinery tih hi a tlem viauin ka hria. Motor lam chu Motor tiin sawilan bik a ni a, land reclamationah Rs. 20,000/- machinery atan, seeds lam atan Rs. 11,2000/- land reform-ah Rs. 45,000/- a ni a. Hei zawng hi chu a tlem viauin ka ring a. Hmanah kan Minister zahawm tak pakhatin Bulldozer man tam zia a awi tawh a, pakhat man pawh Rs. 40,00,00/- niin a sawi a. Lei lehsa tawh atan chuan power-tiller te chu a tha lo niin a lang a. Chuvangin Bulldozer te men meuhva kan chet loh chuan a tihh theih dawn lova. Kum leh atan chuan Leilehna hmanrua hi lei nan pawisa tam zawk kan ruahnan a thain ka ring a.

(2) Thlai chi subsidised rate-a pek turin Rs. 30.00,00/- lai a lang a. A lawmawm hle a. Member ten an sawi tawh angin Alu hi a tha lo tihna ni lovin, tuna kan mamawh zawk leh Commercial scale-a tih theih zawk chu Sawhthing hi a ni a. Page 41-ah khan Ginger & Spices etc. development-planah khan a awm a. Kha tak khan miten an chin

tawhsa lei khawlna tur ringawt kha a lang a. A lawm-awm viauva. Tunhmain Sawhthing chingtute'n an hralh thei thin mang lova, an hralh pawhin man tlemte te-in an hralh thin a. Tunah erawh chuan rate hriatlawk theih angin a awm a, a lawmawm hle. Nimahsela, a Chiah harsatna an nei ve leh a ni. Thingtlang hmun hrang hrang a miten Sawhthing Chi chung chang an harsatna an rawn thlen chamchi a. Hmanni lawkah Champhai atanga Sialhawk tlangdung Vanlaiphai, Hnahthial thlenga kan zinnaah te leh hemi kawngpui tlang dungah te pawh miten Sawhthing Chi an hmuh theih loh thin thu an sawi nasa em em a. Chuvangin Sawhthing chingtutenharsatna an tawh loh nan a bik taka ngaihtuah sak nise a thain ka ring a. Sundawn nana kan hlawkpui tur leh nghet si chu Sawhthing hi niin ka hria a.

(3) Tin, hmanni khan Agriculture Minister-in Member ten Agriculture hi in vei tawh lo min ti a. A dik a ni mai thei. Nimahsela sawi hleih theih loh in Agriculture Department hi a awmin a hriat a. Kei ngei pawh hian ka dawr changin 'Keini chuan kan hre lo' tiin min chhang deuh reng mai a ni. Hei Sugar-Cane development te pawh a lang a, sugar-cane crusher subsidised rate-a pek tur te. Agriculture Officer thenkhat te ka dawrnaah chuan, kan sum neih ten a lo tlin tlem deuh bawh a. Miten Fu tin  $\frac{4}{3}$  hmun an siam a, a Herna tur an han dil a. Agriculture Officer te chuan engahnge a Herna tur lei hmasa lova chu zat zat Fu in lo chin ? te an lo ti mai mai a ni. Kha kha kei miti beidawng viau va. Kan Agriculture Department-a Officer ten chutianga rilru progressive lo deuh mai an pu dawn a nih chuan a beidawnthlak dawn hlein ka hria a. A chingtute ti phur turin tawngkam leh thil tihin kan lantir zawk tur a ni a. Chutiang a nih loh chuan Buh kher lo, Thlai hralh theih chinna kawngah hian kan Ramin hma a sawn theiin ka ring lo a ni.

Kan hriat angin kan Ramin buaina a tawng a, chutiang khawl Rs.800/-, Rs.900/- a vawikhata han lei tur chuan a harsa hle a, subsidised rate-a pek la tur pawhin harsatna an nei a ni. Champhai-Ruantiang pa pakhat chuan Fu 13700 a phun a, her a hun tawh a, subsidised rate a lak turin Rs.500/- in a n pe ve a, mahse a la thei lova, a rilru erawh chuan hma sawn lam a hawi a, hna a thawk tak tak si a, chuvangin chutiang chu kan dinhmun a nih laia, chutiang a kan Officer ten an lo chhan ghung chuan a ching tu te kan tha tho ngai lovang tih ka ring a, . Tin, ah pawh khawl 30 emaw tur Rs. 2,500/- vel leh a thleng leina tur te a awm a. Hall ah pawh kan sawi viau. tawh a, tam leh zual ngaihtuah ni se kan ti a, Industry Department lam hian

tlem tlem chu an lo ti ve bawk a. Min chhawk zangkhai viau niin a lang a. Agriculture Departmentah hian chuan kan mamawh hi a phuhruk lo chauh ni lovin, kan mamawh hmun sawma thena hmun khatah pawh ngen chhan tlak a la awm lo niin a lang a. Kum thar lehah chuan tun ~~aha~~ tam kan siam hi a pawimawhin ka ring.

(4) Power-tiller leh Tui pump chhuahna Khawl kan mamawh hle dawn niin ka hria. Ka Bialah khian Leileh tha tak tak tur a awm nual ve a. He House zahawm tak hmaah pawh hmanah ka sawi lang tawh a. A vaiin Leileh 250 Acres vel niin ka hria a. Zoramah chuan zawl zau a tam lo hle a, luikam tuak te te kan bawk deuh ber a. A hnar lam kha a mawng lam aiin a sang zel a, ruak leh lam leh lamah chutiang Tui pump-na Khawl chu pakhat ve ve awm ta se, tui mamawh chu a phuhruk thei hlein ka ring a. A chhak berah khan Khawl kha bun ta ila, a thlang lamah a luang thla ve zel ang a, a in supply chhawng thei dawn niin a lang a. Chuvangin heng thil hi kan ngaihtuah ngun a thain ka hria. Leilet tur awmna, Tui awm si lohnaah chung chu a pawimawh em em a ni.

PU C. CHAWNGKUNGA: Pu Speaker, hei sawina hun ka neih ve avangin ka lawm hle a. Kan sawi tawh atang khan mahni Bialah Leilet zau tak kan nei deuh theuh mai a. A tihzia hle pawhin ka hria. Kei chu kan Rama Agriculture expert te hi ka duhtawk lo khawp mai a. Phai lama an zirte, kan Rama hman an rawn tun hi ka ngaihtuah loh zawng tak mai a ni a. Entirnan- kan Director (Agri.) chu thiam em em, hlawh pawh tam tak a ni a. Amaherawhchu, hei hi kan Ram atan chuan a hmantlak der lo tih chu a chiang viauin ka hria. Chuvangin hetiang bur hi chu Mizorama expert ni sela ka duh a ni. Kan Rama mi thiam te hi chuan kan Ram ang chiah Simla, Jammu leh Kashmirah te zuk zir sela. Tin, khunga an thil chin dante zuk zir sela. Delhi leh Gauhati phaia an tih ang ni lovin hetiang ti tur hian ka duh a. Tin, kan Agriculture Departmentah hian administration chu a tha lo thawkhat niin ka ring a. Kan Agriculture Department Director hi a mumal lo bawk a. Hei hi kan Ram tan a mamawh lova. Ama thil tihte hi a inkalh tlat mai a. Entirnan- 19.1.73 khan ama'n Order a siam ngei a, Romawii, Sikulpuikawn, Aizawl a mi in chu Godown-a luah hawh turin thu a pe a. A luah man tur pawh P.W.D.-in an va teh vek a; chu chu Aizawl Deputy Commissioner te pawhin an pawmpui a. Thla khat luah mante an tihfel vek hnuah tunah hian a luah man pawh pek tun lo niin a lang a. Ama thil tih leh thil tih a inhnial niin ka hria a.

Tin, a awm hun hi a tawp chuan ui tawh lo ila ka duh a.

Tin, Rubber Plantation hi kan Ramah uar a tum a, chutiang bawkin Cintronela hi a tulin ka hria a. Kan Budgetah hian Rubber Plantation atan pawisa a tam lo hi pawika ti hle a ni. Tin, Zoram khawtin deuh thawah Diesel Engine an dah tawh a-Industry Department-in. Diesel Engine hman theih chi Fu Khawl a awm a. Chu chu Agriculture Department hian sem ve thung sela, Diesel Engine neitute nena insian remia.

Tin, nikumah khan Loan atan Budgetah Rs. 40,00,000/- lai awmin ka hria a. Kha kha tun thlengin la tihfel loh niawm takin a lang a. Naktuk Inrinni a ni a, a tuk loh Chawlhni a ni a. Hei Loan puk theih hun hi a kal ral mai dawn niin a lang a, tan lak vat vat a ngai niin ka hria. Tangka tam tak lo lang thin mahse hman lohva a lian leh thin chuan kan Budget hi a tangkai dawn lo niin ka hria. Kan Sawrkar te pawh Agriculture hi priority kan pe a. Thazawk leh uluk zawk a hna an thawh theih nan tan rawn la sela ka duh a.

Tin, Seed supply thua hian kan Agriculture Department hi a cobrupt thawkhat a. Wawi khat chu keina hriat ngei kan sawi ang a. Fu Chi supplyah hian 100-ah Rs.2.50 in ka chhang a. Mi pakhatin Rs. 15-in a chhang a. Rs.15/-a chhangtu chu an pe tlat mai a. Chutiang chu a ni a. Chhawchhi Chi supply be, Buh chi supply atan te tender an ko va, hengah te hian thingtlang ni duhsak sela. Thingtlang mite an duhsak chuan grant-in-aid pek ain a ropui mah mah a. Tin, Agriculture Department-in thil kak ta te an lei thin ti tawh reng reng lo sela, Bawngtuthlawh leh hetiang thil kak ti te hi kan mamawh lova. Hei ai chuan Khawl enaw lei zawk ila a thain ka hria. Ka lawm e.

PU SAITLAWMA : Pu Speaker, sawi tam ka tum lova. Sawrkar hriat atan hei hi kan sawi zawi zawi ang a. Kan Sawrkar hian Union Territory kan nih hnua 1972-74 chhunga Mizoram a Rice production zat hi hriat tum sela, chuta tang chuan Agriculture Department in hma an sawn leh sawn loh dan te kan hre thei ang a. He Department hi kan Ram mipuite nunna innghahna bul a nih avangin a pawimawh em em a. Economics leh Statistics Department te kan nei a, hengte hian detail in an hre ngei tur a ni.

Tin, kan Ramah hian Wet Rice Cultivation hi Acre engzatnge kan neih tih te hi hria ila, pass atang ngawta en a dikin ka ring lova. Awi pang atan te W.R.C. pass te an la mai mai a. District tinah District Agriculture Officer kan nei theuhva. Tin, Dry Terrace (Hill)-ah hian engtia zau nge kan neih a, nakumah engtia zau nge siam leh kan tum a, chumi plan chu Sawrkarin fel takin a nei tur a ni a. He-tah Loanah te, Contributionah te, Budget Provision kan han enin senso tur tam tak a awm. Amaherawhchu, 1972-ah khan chutiang dinhmunah kan ding a, 1973ah chutiang chuan kan belhchhah a, 1974-ah chutiang chuan kan belhchhah zel a tih hi hriatchian a pawinawh a, chuti lo chuan sui tan tak sen ralna kha munang ang main a ral leh mai ang, chu chu Sawrkarin hriatchian ngei ngei turin wawlinah hian ka chah duh a ni.

Tin, hmama Agriculture expert lokal Bhowmick-a te khan Mizoramah hian Wheat hi a chin theih viau awmin an sawi a. Hengte hi experiment han bei sela, kan Ram chu Wheat, Buh nen, vaimin nena kan tan tlan chuan kan intodelh mai thei a ni. Monsoon area a nih avangin thlai chin theih tam tak awmin a lang a. Kan Agriculture mi leh sa ten heng hi an dap chhuak tur a ni.

Tin, hmannah te kan ngaihthlak tawh angin kumin atan hi chuan pawlam atanga Buhfaj kan lakluh pawh a quantity a tlem tawh dawn a. Kan Sawrkarin 1973-a Rice product dinhmun a hrechiang ni awm tak a ni a, chuti a nih chuan tun hunah hian sawi-chhuah nisela a tha ang. Kan hmasawna dinhmun hriatchian nan data fel deuh thlerh thlawrh Sawrkarin a neih a ngain ka hria.

Tin, nikum lama kan ngaihthlak tawh angin Fu chi supply tura Rairuang te an lo supply a, Bahla aiah Changel te an lo telh tih kha kan hre tawh a. Khatianga mipui te tan pawha tha lo leh Sawrkarin pawh bum hreh lo rilru sual pu te kha (supplier) Sawrkarin a dap chhuak tak tak em? Dap chhuak sela, khang mite kha khawvel awm chung zawngin seed supplier atan ruat tawh lo sela a thain ka hria. Khatianga kha dap chhuah tak tak tur a ni.

Tin, Chhahwhchhi hi Chhmithlang lamah sawn a tha duh nasa mai a. Mizoramah a tha duh deuh vek a. Chhahwhchhi chi hrang hrang a awm a, Tunlun te, Chhiritat te, Chhivanpui te a awm a. Chhibung tak phei hi chuan leilung ngeih loh hi a nei mang lova, enkawl

hvlc/-

....72/-

that phei chuan a tha duh em em mai a, Chhibungah pawh hian Chhibung var chi leh hang chi a awn a. A hang chi phei chu hriak ngah deuh mai a ni a. Chhin thlang lampang Tlabung leh Chawngte Area, Vathuampui velah sawn a tam em em mai a. Inland Water Transport te hi tha sela, Tuichawng te, Phairuang dungah te sawn a tawlh theih a. Kuminah ngawt pawh Tlabung atangin 5000 quintal aia tam an tawih chhuak a ni. Sawng saw Mizoram Sawrkar hian ngaihtuah ngun sela, Oil expeller te hi khawinaw laiah tih tham deuh dah sela; Tel ram dang atanga kan lak luh vak vak ai hian a thain a hri-sel zawk si a, kan intodelh ve theihna tur thil niin ka hria.

PU CH. SAPRAWNGA: Pu Speaker, hei Agriculture-ah hian tawite han sawi ve ka duh a. Mizoram hi Buh chinna ram a ni a, Buh ei a tlinna hrunah hian thil dang ei a tling duh bar lova. Thlai dang that lohna ramah Buh in ei a tling ve thung a. Chuvangin Mizoram hi Buhah self-sufficiency turin kan siam thei tur a ni a. Chu chu tun atang hian kan Sawrkarin bul a tan a ngai a ni. Leilet leh Dry-terrace te in Buhin ei a tling tih kan hria a. Buhah hian kan intodelh loh chuan kan Sawrkar hi a hlawh-chham let derah ka ngai a. Theihtawp kan chhuah chuan kan self-sufficiency thei ang tih ka ring tlat a ni.

Tin, Buh bakah cash crops hi ngaihtuah a ngai a, hemi chung changah hian thil kan dap tan lutuk a- Potato Officer te kan ti a, a pawimawh lo ber niawmin ka hria a. Mizoram hi Potato chinna Ram a ni lova, Tawizoah leh Hruifangah te a chin theih chauh a ni a, chuvangim ngaih pawimawh loh tur hi kan ngai pawimawh vak vak emaw ni chu aw ka ti a. Heng hi kan tih vak tawh puitling hlei thei si lo a ni tih kan chian a tul tawh a. A theihna lai laia an chin hi a tha a, mahse pui taka lo tih hi a tulna ka hre lo. Tun-ah cash cropsah selected kan neihah thil tul lo atan a sem dun dun thin stage kha chu kan pelh a tuk tawhin ka hria. Mizoramah hian Cash cropsah engtenge kan hlawh-tlin a, engtenge kan hlawhchham tawh tih kan chian a tul a ni. Tuna an sawi ang khan Sawhthing te a hlawh-tling a, hei hi a nghet lo naa kum khat crop a nih avangin a pawimawh thova, Hengah te hian theihtawpa kan drive a tul a.

Tin, Sawhthing kan neih hi a chi tha-ber a ni em tih kan hriat a pawimawh a. Khasai leh Simla rama mi te khu a tha zawk a ni e, an ti a. A dik leh dik

hvlc/-

.....73/-



loh kan hre chiah lova, chu chu kan Agriculture Department-in enfiah sela- a chi tha ber kan chaw chhuak tur a ni. A chi dik tak chu tidarrh ila. Sawrkar pawhin pawisa a seng mai tur a ni- thil permanent zawk a nih avangin.

Tin, Cash crop te hi khawi hmunah age a that duh tih kan hriat a, kan locate fuh a tha a. Rubber te, Chhawchhi te, Lakhuihthei te, Sethlum te a tha tih kan hria a. A theihna lai laiah kan concentrate a tul a, Khawchhakah a tha ve thei em ? A that loh chuan engnge tha tur ? chu pawh chu kan ngaihtuah a ngai ang a. Tuna kan hmuh dan chuan Khawchhak leh Champhai velah chuan Apple leh Pear te a tha duh niin a hriat a. Burma lamah a chi dik tak a awm awmin an sawi a. A ngaihtuatu bik atan Officer tuemaw han dah ilangin tichuan hma kan sawn tha deuh ang.

Tin, Agriculture Re-financing Corporation te hian pawisa an ngah em em mai a. Tunhnaiah pawh Rs. 250 crores an nei a, chu chu North Eastern Council atan a bik takin Rubber leh Thingpui atan a ni a. Agriculture Department leh kan Sawrkarin Plan an siam thiam chuan pawisa tam tak a awm a ni. Rubber phei chu North Eastern Council Area-ah hian ti ve teh chiam an awm lova, keini hian kha kha chu kan pum hmawm thei thawthang ang a.

Tin, Thingpui hi thil hlawhtling thei tak a ni a. Khawvela Thingpui to ber chu Kilogram-ah Rs.50/- to Rs.100/- dawn lai a ni a. Chungte chu Nilgiri-ah te, Darjeeling atang tea chhuak a ni a, chuvangin tlang sangah hian Tjingpui a tha duhin a man pawh a to duh a lo ni a. Chuvangin Biate tlangdungah te khian a tha duh em em a. Chuvangin kan chuh chak chuan Agriculture Re-financing Corporation atangin pawisa tam tak kan hmu thei dawn a ni- Plan leh Scheme kan siam thiam phawt chuan. Thil dang Thlai chi dik lo leh Bawngtuthlawh Chiang Kuang mang lo kan sem chiam thin hi chuan min ti phuisui mang lo a ni. Chuvangin kan khawihna laiah chuan na tham deuh tak taka beih tur a ni a, chutichuan hlawhtlinna a awm dawn lo a ni. Thil tam lutuk khawih lo ila, thil tha turah pawh hian zu tih nghek tur a awm tawn a ni. A quantity lam ni lovin kan Sawrkar hi a active awm mange aw tih enter tum ni- awm takin item kan tlar put put a. Kum tawpah chuan NIL a ni leh mai thin a, kan Nil kan Nil dawn ai chuan tlem deuh tlar ila, chutah chuan na deuhin zuk nam ila. Chuvangin kan hruaituten ngun taka an ngaihtuah a ngai tak

hvlc/-

....74/-

meuhvin ka hria. Thingdawlah khuan Agriculture Department-in Dry Terrace an bei a, kum 2 lai an ti hlawhtling hle tawhin kan hria a. An kal zel tum dan hriat theih a nih chuan kan Minister in min han hrih se ka duh hle mai.

PU SAPLIANA:

Pu Speaker, Agriculture chung changah hian tlem sawi duh ka nei a. Mizoram hi kan zirna lamah te, ei leh barah te, politics lamah te dinnhun tisang hle mah ila, kan ril a tama, kan dul kan zut chung chuan engmah lo mai kan ni a. State dang leh Central Sawrkar mithmuhah pawh kutdawh mai kan ni a. Chuvangin Agriculture hian mipuite kan tui hle a. Mahse kan Minister khan tuina nei hlawl lovah min han puh ngawt a. Kha kha a dik lova. Puih theih kawngah chuan Ministry leh Department puih kan duh em em a hi tih ka rawn sawi duh a. Amaherawhchu, suggestion te pe mah ila, Department-in an ngaihthah a, an tih that duh si loh chuan tih ngaihna a awm tlat lo mai a. Assam hunlai khan Saiha tan Pumping set leh Collecting pipes an rawn pe a. Vawin ni thleng khawh hian khawiahnge an awm tih a hriat theih lova. Agriculture Department, Lungleia mi ka sawhin min chhang thei si lova. Heng an bungraw lei te hi Department-in an ngaihsak leh si loh chuan engtingge maw hma kan sawn theih ang le? Chuvangin helai hi ngaihtuah ngun a tul hlein ka hria a ni.

Tin, Wet Rice Cultivation tih nan chuan ka Bial area rem a awm ka ring lova. Lawngtlai bulah te Dil tlangah te, leh Tuichawng dung tluanah hian Leileh theih lohna hmun reng reng a awm lova. Amaherawhchu, kawng harsathia chuanlamin vawin ni thlengin engmah tih a la awm lova. Department hian suggestion kan siam te hi lo ngai pawimawh thin sela chuan mipuite pawh tan la turin kan educate ve thei a. Chutichuan hma kan sawn theiin ka ring.

Mizoramah hian Thlai tinreng mai kan ching thei a. Kan Ram leilung (soil) hi Department in a classify a, khawilaiah nge thlai a that duh tihte an enfiah loh chuan engmah a sawt lovang. Kan mithiam leh Department te field work-a an thawh chuan loh chuan hmasawna a awmin ka ring lo.

Tin, River leh Minor Irrigation hi tih kan tum niin a kang a. Khawi laiah nge kan Sawrkar hian siam a tum, site select te a nei tawh em? Kan

hvlc/-

...75/-

Minister-in min hrilhfiyah sela ka duh a.

Tin, Agriculture Department hian pawisa an semin tuten emaw Leilet pass ka nei e ti a Office-a an va produce in an lo pe mai nge ni ?Entirnan hmanni lawkah Chandurah chuan Rs. 10,000/- engnge maw zat kan seng niin a lang a. Kha kha Land Reclamation-in kan bei an ti a. Mimal hnenah an pe nge, Department-in hna a thawk tih reng reng kan hre thei lova. A dinhmun chiang taakin min hrilh thei se a lawmawm viauin ka ring a. Thawk lem lovin pawisa engnge maw zat an hmu a, engmah hlawkna a awm lova. Pawisa an pek dawnin a hmunah va en sela, an let tak tak em tih en sela; chumi hnuah tanpuina pe chauh sela a thain ka hria.

Tin, Chem leh Tuthlawh semah hian Pu Ch. Saprawnga sawi ang khan hlawkna reng reng ka hmu lova. Thingtlangpa, Lo nei mi chuan Chem leina man chu a thawk chhuak ve thei thova. Khatiang kha ti tawh lo sela, Instrument pawimawh zawk leina pawisa hman nise thain ka hria.

Tin, seeds supply chung changah hian khawilai farmah emaw zawng supply hi a awm ni ngei tur a ni a. Supplier Contractor an han pe a, Contractor khan a duh deuh a lei a. Buh chi lei turin Contractor pakhat an han pe a, khang Buh chi te kha prescribe a awm tur a ni a. A supply tuten an supply in ngun taka en thin tur a ni. Saiha District Agriculture Officer Office-ah pawh Alu chi an hralh a; mahse a lo tawih deuh vek a, a chin tlak lohva. A tha awm chhun tlem te chu chawmhahah an kang mai mai a ni. Tunhma pheih chuan Kudamah a tawih ral vek zel a. Vawk leh Ar chi te pawh chhinlamah kal lovin a riral zel a. Paperah ringawt ni lovin field work bei sela mipui te pawhin an hrethiam ang a. Chuvangin Field Work tih chak dan hi ngaihtuah nise a thain ka hria a ni.

Tin, Chhim lamah pawh Vaimim hi a tha thei em em a. Bualpui te, Phaikharah te leh ka Bial chhungah chuan Buh aini Vaimim hi an ching uarin an ei nasa zawk a. Chuvangin Alu lam kan sawimawi vak hian awmzia a neinin ka hre lova. Vaimim te, pawh hi uar zawk ila kan Ram hian kan puar phah zawkin ka ring a ni.

hvlc/-

.....76/-

PU HIPHEI : Pu Speaker, thusawina hun min pek  
DEPUTY SPEAKER. avangin ka lawm e. Agriculture hi  
ka tui vena a nih avangin sawi ka  
chak a. Member te thusawi kha ngaihthlak in a ngaih-  
nawm a, Sawrkar siam that pawh kan tum niin a lang a.  
Duh thu kan han sam thin a, mahse duhthusam angin  
he khawvelah hian a awm theih loh tih kan hria a. A  
tlangpui thuin Mizoram leilung hi chu a tha a, a mi  
chengte hian kan la zir ngang lo a ni. Entirnan-  
Lungpuk khuah chuan Serthlum pum 100 Rs.1/- pawhin a  
hralh hleih theih lohva. Tuna thil tam tak ti tura  
Sawrkar kan nawma pawh hi hetiang tak taka Sawrkar  
a kan inngah chuan kan ram pawh hi kan siam that ka  
ring chuang lova.

Corruption leh Sawrkarin thil a  
lo tih tawh te zinga kan ngaih mawh te kan sawi a, Mahni  
fate -ifanu fapa 2/3 lek pawh duhthusam angin kan kal  
tir thei lova. Mizoram hian State dang angin mipui  
ngah lo mah sela Sawrkar duh thu ang lova awm te pawh  
tam tak an awm ve ang tih kan hai tur a ni lova. An  
thil tih sual te ngaihdama haider mai tur tihna a ni  
lova.

Tin, kan Officer ten thil an tih  
tawh zinga kan ngaih pawmawh te kan sawi a. Thilti-  
tu an nih avangin an neih hmasak tur chu a awmin ka ring  
a. Amaherawhchu, mipui te aiin thil engkimah an chang-  
tlung bik tur a ni lo. Thenkhatte chuan Khawnvartui hmang  
lovin zan hi kan hmangral mai thei a, a tel lova zan  
khat pawh hmang thei lo an awm bawh ang a. Chutiang  
chuan mihring te hi kan in ang lova. Kan ngaih mawh tak  
tak te hi ngaih mawhawn ni mah sela kawng thenkhatah  
chuan a ngaihdan tawh kan thiam a tulin ka hria a.

Tin, Agriculture-ah hian rilru  
mumal ka nei thei lova, kan lo neihdan leh kan nun  
ka enin khawvel hi a dik tawh bawh si lova. Kuminah  
pawh kan tam leh ang ti ila, kan hriihlawk sual ka  
ring lova. A chhan chu a hun lovah ruah a sur a, khaw-  
tam tak chuan lo an hai hmanin ka ring lova, khawvel  
thil thlengin min duhsak tawh si loh avangin hetiang  
anga kan lo neih dan hi a jal chuan kan kal hleih theih  
ka ring lova. Tuna kan nundan chiah hi chu zirtirtu  
ten a nei bawh a, Tuthlawh a nei bawh a, Kawlawm a nei  
bawh a. Chutiang bawkin in tinin thil kan nei lawr  
deuh vek a ni. Economic-a kan zir angin "Jack of all  
trades but master of none " kan ni a. Kan Sawrkarin he  
lailah hian clear-cut policy min kalpui dan tur ka hre  
lova. Ram danga mite expert ruain, engtinge Mizoram

hi ei tur lamah a intodelh theih ang tih kan ngaihtuah loh chuan hetiang hian kan awm rei theih ka ring lova. Kumtin Lo kan vat a, kan hal leh a, a thenin Fu chin kan tan a. Chutiangingin kan ngaih-mawh zawng a inang lo vek. Fu te chu ram tinah lo ching ta ila, ram a ti-phul zo vek dawn bawk si a. Mimal theuhvin thil tha ber nia kan hriat anga kan kalpui hian thil tha a thlen dawn lo niin a lang a. India ram pawn atanga mithiam la chhuakin, engtinge kan Lo neihdan hi kan siam that ang a, Mizoram hi ei turah a lo intodelh theih ang tih ngaihtuah turin kan Sawrkarin tan a lo lak a tulin ka hria a.

Tin, kan Lo neihdanin a zir loh vang emawni Agriculture expert te hi Thingtlangpa aia an tangkaina a lang mang lova. Entiran- Kawlzochhuah-ah khian Saiha Agriculture Division chuan Huan a siam ve a, khaw neitute pawhin an siam ve a. An Antam thar tha ber chu Village Council President te a ni tlat a ni ! Hei hi kan expertten an thiam tak tak lo nge, an thiamna te hi hman turin kan Ram Leilung hi a hman-tlak loh ? tih min ngaihtuah tir a. Chuvangingin kan expert te pawhin Mizoram tih hmasawn turin an thiamna tawpkhawk an hman a tul tawh a. Tun ang renga kan kal chuan kan zavai hian nakinah chuan kut kan dawh dawn a ni mai a. Clear-cut policy neiin kan mithiamte hian mipuite min hruai sela ka duh a, chutilochuan kan Agriculture Demonstrator te hi untrained vek an ni a, H.S.I.C. passed te kan han la mai a. Engnge ni an kawhhmuh ang aw ka ti thin a. Chutiang chuan Thingtlang-pa pawhin tluok lo leh chhawng dawn niin a lang tlat a ni. Chuvangingin hengte hi a rang thei ang bera train turin kan Sawrkar ka ngen duh a.

A khaikhawm nan a policy mipui tena kan hriat phak loh expert te neiin Mizoram hruai nan hian kan Sawrkarin clear-cut policy dik tak kha min siam sak sela. Chu chu mipui te leh kan lehkhathiam te pawh hianin chumi kawng zawh turin inbuatsaih ta ila, Sawrkarin min kawhhmuh sela ka duh a. A lehlamah chuan keini Member te pawhin mipuite hi tha taka kan zilh a thain ka hria a. Mipuite pawh hian thil ti mang si lova, tanpuina pawisa Sawrkar atanga lak kan ching em em a. Hetianga kan tih reng chuan Sawrkar pawh hi kan zu zo mai dawn a. Chuvangingin theihtawp chhuahin kan Ram siam that nan Sawrkar pawisa ngawt ei tum lova, a nihna taka hman kan tum a pawimawh sawh ang a. Keini Member te pawhin self control

kan neih a tul a. Kan duhsak zawng te an nih avanga tih mang loh te recommend te chu kan tum lo em em theuh ang a, chu chu tum lo leh zual ila. Chutichuan kan Ram hian lo neihna kawngah hmasawna thazawk kan lo nei thein ka ring a ni. Ka lawm e.

PU LALKUNGA: Pu Speaker, sawi tur ka nei tam lovang. Session hmasa te pawh Soil Testing hi kan sawi tawh thin a. Kan Leilung hi kan test ang a, khawilai hmunah nge hetiang thlai hi a that duh ang tih hi sawi a tam tawh a. 'Laking pawpui tah tum ang' kan ni a. Tum hi kan tum a, kan ti leh lem lova. Hei kum leh thla a ral a, thil chin a lo hun leh der tawh mai a. Khawi soil nge an test tawh a, khawi soil nge an ka test loh pawh kan la hre lova. Soil testing-naa hman tur Motor pawh khulai Sasaw thinghnuaiiah kuan a la ding reng mai a. Tangka tam tak sengin kan lei a, kan la hmang lem lo va. Hawi lam hi kan la nei lem lo niawm tak a ni. Hei kum a lo thar a, thlai chin chu kan han pheh chin leh ngawt dawn a.

Tin, thlai chi semah a hun lovah thil tih a awm thin a. Entirnan- Tai chi sem quotation chu January/February thlaah an kova, March thlaah te emaw an pe thin chauh va Supplier ten. Mahse Tai hi chu September/October thla hi a seng hun a ni a. Chu tih lai hun chuan quotation koh nisela. Tai chi hrang hrang an dah hran lai khan quotation hi koh nisela, tichuan a chi pawh hi a inpawlh lovang a. Mahse miin zemah engkim an chhun khawm vek hnuah a tlai a tlain quotation an han kova. Chuvangin a chi a inpawlh lo thei lova. Hei vang hian harsatna kan tawk thin a. Kan Mizo Officer te hian koh hma turin an rawt tawh thin a. Mahse Secretariat lamah hian harsatna an tawk reng reng a. Development Minister sawn engkim a kawp vek a, saw laiah sawn thil a harsa leh tlat mai thin a.

Kei ka hmuh ve dan chuan Development Commissioner saw Development Commissioner ni lo vin Development Block niin ka hria. Saw sawn kan development chu a block tlat mai a. A kal hma leh kan tha hmain ka ring. A hun takah thil a ti thei reng reng lo. Saw Secretary leh Education Secretary hian an hote hi hauh hmuhin an hmu ringawt mai a, an hote lahin hmu ngam tawh hek lo, Keipui hmaa va inlan fo kha chu hreh-awm deuh tur a ni a. A kal apiang kha an lo hrawk a, =

hvlc/-

...79/-

Co-operation a awm lo reng reng. Chuvangin sawlai "Development block" saw kan remove hma leh kan Ram hi a dvelop hma dawn a ni tih hi vawlinah kan Sawrkar hi ka hrilh fawk duh mai a ni. Tin, chutianga a hun takah quotation koh a nih chuan man tlawm zawkin a tih theih ang a, subsidised rate-in, thingtlangpa lei theih turin a hralh leh theih ang a. Tunah chuan thil engkim man a tova, supply-na man a to tawh a, subsidy rate kha a lo sang leh ang a, mipui kha nasa takin min effect leh dawn a. Ahun taka thil tih loh hi a pawizia kan hriat a tha ang a. A hunin a den ang khan tih mai tur, chutilo chuan kan Ramah hian hma kan sawn ngai lovang.

Tin, Irrigation chung changah hian kan Ramah hian thil theihawm tak tak a awm a. Khawi laiah nge feasible ang tih hre turin survey hi kan nei peih lo viau mai a. Khawi lai hi nge lak rem a, khawi lai hi nge a chawm rem tih hre turin Department-in tan lo la sela. Dawhkan atang maia tih ai lo sela, kan hlawhtlingin ka ring a. Tin, expert te hi an zir-na lam nena inkaihnawih lo lamah an kalzo leh vek zel mai a. Hei hian mipui te min hruai lova. Thingtlangpa te pawh hi min train ve thin sela a ziaawmin ka ring.

PU K.SANGCHHUM: Pu Speaker, Agriculture chung changah hian sawi ka nei ve si lova, ka sawi ve duh si a, Agriculture Department hi ka lo beisei ve thin dan sawi ka duh a. Tunhma kha chuan District Agriculture Officer ho chauhin an awm a, beisei tur vak pawh awmin ka hre lova. Amaherawhchu, tunah chuan Director te neilin Agriculture lama B.Sc. te pawh kan nei duah tawh a, beiseina sang tak ka lo nei thin a. B.Sc.(Agri.) lo chhuak te reng reng hian thlai chin tur leh mipui kaih hruaina hna hi tih tak takin an thawk turah ka lo ngai thin a. Amaherawhchu, tun thleng hian eng Thlai nge kan chin ang, eng Thlai in nge Mizoram ngeih ber tia min hrilh tur an la hre lo niin ka hria a, ka beidawng em em a. Engnge helaiiah hian chin theih ang tih min hrilh beiseiin mipui te chuan kan nghak thuap a, chutiangan zawn chhuah tunma chu engmah awmin ka hre lova. Chutih a hnekin thlai chin sa te te kan lakhawm a, chu chu a chi tlem tlem kan sem ringawt a. Hei hian hmasawna a kaw k lo reng rengin ka hria a.

hvlc/-

....80/-

Tin, Agriculture Department hian Land Reclamation te a ti a, kan sem darh leh duat thin a. Khawiahmah hlawhtling lovin kan liam leh mai thin niin ka hria a. Kum khat chhunga tihpuitlin turin concentrate-na bik kan siam tur a ni. A puitlin hnuah kalsan leh thin sela, programme fel tak nein kan Agriculture Department hi kal sela, tun atanga kum sawmah chuan kan hlawhtlin ngei ngei ka ring a ni. Chuti lova kumtin maia ruam leh phai zawl awm zawng zawng tana land reclamation-na tura pawisa kan sem leh vak vak mai thin chuan a dikin ka ring lo a ni.

Tin, ka Bial lamah chuan Leilet tur kan nei lo em em mai a. Amaherawhchu, Horticulture-ah hian kan tui em em mai a. Eng hi nge ching ila tha ang tih kha kan hre thei lova, thaa kan rin kan insawisiak mai mai a. Nikum lamah Ser Huan enkawlina tur an han buatsaih a; amaherawhchu vawi engemawzah ka sawi hnu pawhin programme-ah min lo telh lo leh nghal a. Ka Bial lam hi chu Agriculture Department hian a la khawh lo reng reng a. Fu te kan han ching a, a herna tur a awm leh si lo, a pawl hle a ni. Chuvangin hei hi kan Sawrkar ten an rawn ngaihtuah ka duh em em a.

Tin, thil chin theih hriat ngawt bakah a marketing hi ngaihtuah a ngai a- Buh tih loh vah chuan. Thlai dang dang kan han ching thin a, a hralhna tur a nar hle si thin a. Ahralhna tur ngawt pawh hi min zawn chhuahpui sela tui takin kan thawk theiin ka ring a ni. "Without proper marketing" chuan revolution nasa tek kan siam a ni ringawt. Entirnan-ka Bialah nikumah chuan Sawhthing an ching vak mai a, a hralhna tur a awm leh si lo. Kum 2/3 lai hralhna awm lovin a awm a, tunah te khian chawh lohvin a la awm ten tun mai a ni. Kum 2/3 hnuah a lo hralh leh tlak tawh si lova, kan tha leh hun awmne nei lovin kan khawhral mai mai a ni. Ka lawm e.

PU NGURDAWLA: Pu Speaker, tuna Member zahawm tak khan ka sawi tur a sawi teuh mai a, concentration kha kan mamawh a. Agriculture chu "grow more food" a ni mai a. Buh kan thar tam em? kan thar belh em? Thlai pawisa bawn, thar thei kan thar belh em? kha kha a pawimawh chu a ni mai a. An sawi ang khan Ginger pawh ching ila, a market ngaihtuah leh a ngai a. He laiah lei thei turin Wine Factory emaw siam a ngai leh a. Wine kha kan sawi rapui a ni lova, pawisa lakluhna kan mamawh a. Chawhchhi



pawh kha hralh ngaihna an hre lova, Silchara hralh an tum pawh Kawngah an la man fo thin a ni. Sawrkar hian Compact Area-ah concentrate-na nei sela chuan mahni Bial tan theihva kan sawi pawh hi kan tidik lo let der a ni ang a. Pawl Policy neih a ngai a, kan la approve loh ram danga hlawhtling thin hi um um tur pawh a ni lova. Apple tih te ai chuan ka Bialah chuan Khanghu te hi a hlawhtling daih zawk a. Pu Vuana khuan Tanhrilah Zawngah Huan a siam a, Rs. 7000/- te enkawl ngai lovin a thar mai. A mu te kha kurtluana rin theih turin ti pheih ila chuan thil dang kha a lan vek ang; kan preserve that phawt chuan market a awm reng ang. Chu chuan ram dang atanga thil tam tak kan lak kha a chhan theih ang a, Vitamin te lah chu a tam hlei hlei.

Chutiang bawkin Plantationah Hruizik Plantation hi a tha a, kan hriat chian loh tih vak ai chuan. A man tanzia kan hre reng ang chu. He lai rana mi a nih vangin kan hmusit thin a. Khatiang kha kan duh reng dawn a, kan preserve that theih chuan a market pawh a awm reng dawn a. Hla pui pui kan thlir training tur kan intir kawi a, kan inkawi tir tam poh leh an a tawlh tawlh emaw tih mai tur hiah a la ni a. Phaia zuk zir hi a ni der lo mai a. Helaiia kan hmuh bak hi tih ngaihna an hre chuang lo. Ka rin danin Japan atangin expert la ta ila, a Department hian kan beihrawn ang a, kan um chhuak leh thovin ka ring a ni. Helaiiah hian kaisan chak lutuk inbei vel hi kan lo aupui dum dum thin a, engvanga sawi nge kan nih pawh kan hre lo. A head apiang hi kan bei dawn a ni awm a, a hnuai lampangin min lo hrih sur sur a, a chunglam kan bei ngheka. Khangho kha kaisang chiah sela, a hnuai lamin min ti leh sur sur ang a, ka ti leh dum dum mai ang. Khang kha kan kalandan tur a nih chuan tun atanga kum thumah chuan Director tur kan hmu lo mai ang. A pawimawh ber chu a thatna kan hriat tawh hi tipuitling turin Sawrkar hian huai takin ti sela. Fu te pawh a tam a, a market leh consumption a awm reng bawk a, a crush kha tam zawk nei ila a ni mai. Ka bialah chuan Leilet tur ka hum lem lo. Anah-erawhchu, Development thilah chuan a rual patin pawisa an sem a, Agriculture-ah priority pek tur a ni a. Priority pawh han pe er teh sela thil chu an thar belh lovang. A thar theihna hmunah Bull-dozer chu rawih ni sela, kan sawn tir reng tur pawh a ni lo, a vah chung a rei si a, Compact Area kan neih a lunrual taka kan sawimawi a, kan nawr tak tak hi a ngai a ni. Pawl policy neih a ngai a. Tin, kan la approve loh, ram danga hlawh-

hvlc/-

...82/-

tlin thin hi um um lutuk tur pawh a ni lova. Tin, dik takin apple han tih vel yei ai chuan Zawngtah ti tuten hlawhtlinna an hum daih zawk ang, ka Biala mite chuan. Pu Vuana, Tanhril mi khuan Huan, Zawngtah Huan a siam a. Kumtin Rs.7000/- vel chu a lei thuai a, awl lutuk a ni. Zawngtah kha kumtluana lei theih turin a. ruteti tha in khawl phei ila chuan, kan mamawh dang tam bak apple kan ti emaw, thil dang a theih nge theih loh kan hriat lohte hi a bawmal daih ang. A to em em reng a. Tin, Zawngtah mu hi pressure dan Factory emaw siamin kha kha Zofate tan chuan a hlu a, nitina market a awm reng thei hi a lo tha a. Ram dang atanga Dal emaw, eng eng emaw kan lak tam tak hi a chhan ve thei dawn a. Vitamin te pawh a tha leh ngah hlei hlei a ni.

Chutiang zelin Plantation kan tih hi kan hriat loh a hi kan ngaisang a. Hruizik Planting tih te pawh, Hruizik man to zia te hi kan hre lo. Kan Ram chhunga mi a ni a, kan hmusit thin a. Khatiang kha kan duh reng dawn. Kan preserve phei chuanin kan marketah hian englai mahin a chhe dawn lova. Hlapui pui kan thlira, a insengzia chiin kan in kawitir a, a a telh telh emaw tih mai tur hian. Tih tak tak chuan Pu Chawngkunga thupui Phaia zuk zir hi a ni der lo mai a. He laia kan hmuh bak hi lo tih ngaihna an hre chuang lo. Tin, thiam ngat lak phei chu a thiam deuh tunah Agriculturist la lut ve ta ila, ka rin ve dan chuan helai a Department Sap thleng thleng hian an beih rawn ang a, a tawpah phei chuan engmah a lo ni lo ve an ti ang a, kan hnawtchhuak leh mai ang. Kaisan chak lutuk inbei vel hi kan apui leh dum dum mai ang, kha kha kan kaldan tur a nih phei chuan Director tur chu tun atanga kum 3 vel chu kan hmu mang lovang, a bera chu in zirtir vak vak pawh phaiah chuan a ngai lo Fu pawh a tha a helai local marketah pawh a tam, sanction pawh a awm reng kan la mamawh em em a, a Khawl a herna kan mamawh leh a ni mai a. Kha kha thil tam tawk, thil chiang taka kan hriat te hi zuk tihlen tum-in Sawrkar hi tlan sela, ka Bialah pawh chuti em ema Leilet tur pawh ka hmu lem lo, henglai hnai velah hi chuan. Anaherawhchu, hemi Development thilah hi chuan an sem dik ngei ang, an welfare ngei ang. Priority pawh han pe er teh sala thil chuan a thar belh lo ang, kha ai kha chuan an thar belhna hmunah awnize neiin Thing-tlang Lo neih bakah Zirtirtu pawhin an nei ang. A thar belh theihna hmunah Bull-dozerte te leh thil lianzawk hmangin. Tin, Bull-dozer pawh vak vak tur a nih phei

hvlc/-

....83/-

chuan a vah a vah chhung kha a rei lutuk a kal chak thei si lova, Compact Area nawr lai kan neiha chu chu Parliamentary-ah te emaw sawi tlanga lungrual taka-kan-sawimawia kan nawr tak tak hi a ngai a ni. Keini M.L.A. tam takin ka Bial Chhintuipui tih te, Vanlaiphai emaw phai lo emaw, henghi hi chu Political Ambition vang a ni, thui takah chuan. Chuvang chuan a awm lo kei chu ka ti mai a. Mi rawn bei vak mah se heng anga kan in tih hi chuan thu puitling Sawrkara kha a ni han tih dawt hi chu kan inkhawm rei pauh leh a awm lovang. Sawi ve ka chak telh telh mai a, an rawn sawi rei pauh leh. Amaherawhchu, chu chu Ram tan a puitling lovang a. Grow more food policy tak tak khawilalah emaw kan nawr vak hi a ngai a ni. Chu chu hesitate lovin, chuk neng nung lovin, Zawngtah Plantation pawh chu uar a tul a. Khanghu te kan duh viau a ni, Mizo chuan. Marketah a tha reng. Pear tih te ngawt pawh hi heng kan Zawngtah te ang hian tam ve sela, a tlawm phian ang. Kha kha kan hriat loh vang a ni. Kan duh em em hranpa lo. Kan thil duh pawh hi kan hre tawh lova. Phai ram ngainat hian kan ngaina emaw tih tur hian kan awm tawh a. Heng ang hi hnam chuai turzia a ni thin.

**SPEAKER:** Aw le, tawk selangin. Fishery kha a tel a, Pu Dotinaia'n sawi a tum a, mahsa hun a tawp a. Special-in tawite kan pe teh ang.

**PU R.DOTINAIA:** Pu Speaker, ka lawm e. Sawi tur phei chu ka ngah lo. Amaherawhchu, Mizo ramah hian hemi Fishery tuikhuah te tih hlawhtlin theihna hmun tam tak a awmin ka hre va a. Khung Bilkhawthlir lamah te, Khawchhak lamah te, Chhim lamah te, Khawthlang lamah te pawh a awm nual a. Amaherawhchu, Fishery Department an han duan dan hi a te lu douh hlekin ka hria a. A tangkai ber tur chu, Demonstrator hi a ni mai a. Tunah Mizoramah chuan Subdivision 7 (pasarih) kan nei dawn a. Khang ang Sub-division-a pakhat zel awm ang tal khan a post hi create theih ni selalangin, Fishery Demonstrator hi thain ka ring a. Tanpuina, Grant-in-aid te hi kumtin a awm ve a.

An sem dawnin verify tu tur pawh kha an awm thin lova. Heti laia Office a in tlansiak chak apiang khanin a dik emaw, a dik lo emaw pawh hriat hma khanin tanpuina an pe mai thin niin a lang a. Tanpui tlak ngei te an tanpui theihna turin Field Worker (Fishery Demonstrator) hi tih belh theih ni selangin. Block tinah dah theih a nih loh pawhin Subdivision tanah hian chuan dah theih ni sela, chu chu ka han rawt duh a ni.

PU K.L.ROCHAMA: Pu Speaker, Minister in-charge in a rawn hrilhfiah atan zawhna pahnih (2) chiah sian ka duh a.

Pakhat chu - hei Fu hi kan uar viau ta a. Amaherawhchu, Fu hi mi thiam leh mi thiam lo te pawhin mite kan hmuh ve experience atanga kan hriat angin leitha a heh hle a. A chuai raih thlenga kan chin chuanin kum 20,30 ahhllo chuan a ram leilung a tui leh lo a ni tih kan zu hria ang a. Chutiang ang chuan Phai lama an chin anga kum 2 emaw kum 3 emaw inthlak zel ang turin kan Fu huan neitu te hnenah hian zirtirna leh fuhna thu hi an pe chhuak reng em ? tih leh M.D.C. hnuaiiah pawisa a tanzia thu kan Chief Whip-in a sawi a. Kan Mizoram Sawrkar hian khami atan Khan Scheme engangin nge, project lian deuh Scheme an theh lut tawh em ?

PU R.THANGLIANA: Pu Speaker, Member niha sawi ve vak MINISTER. mai a chakawm duh vauvin ka hria a. Kan han sawi kan han sawi a, kan Ramah hian engkim a that duh avangin kan buai a ni deuh ber zawkin ka hria a. Mi ramah chuan an climate neih eng hmun hmunah emaw hian a lo extreme deuh a. Awm thei hlawl lote, tha duh bik riau hranpa te hi an nei a. Keini erawh chu Buh a tha duh a, Lakhuihthei a tha duh a, Fu a tha duh a, Chawhchhi a tha duh a. Engpawh mai, henglaia kan hriat hi chu a tha duh vek mai a niin a lang a. Wheat te pawh tha duh awmin kan la hre fove. Engpawh mai a tha duh vek a ni. Champhai lamah Wheat an ching tih ka hre tawh a. Tha duh awm takin an sawi a. Hlawh-tling thei mai awm pawhin an hria a. Tha duh hi a tam lutuka, engmah hi kan ti peih lo a ni zawk awm mang e ka ti mah mah a, ka hmuh ve dan kawngah chuan. Sawhthing a tha duh em em a, Aieng te a tha duh a. Alu lah chu a tha duh em em mai bawk a. Tih peih takah chuan Sairang phaiah te a tha duh em em ang a. Khiah Zoah tha chi pawh a awm ang a, a tha em em bawk ang a. Chu chu proved vek a ni nghe nghe a. Chuvangin min tih tak taka an tih chuan kan Ram hi chu kan vannei a, engpawh mai a tha duh ve hrim hrim mai niin kei ka zuk hmu zawk a. Amaherawhchu, kan sawi tawh angin tlema food crop ni lem lo Sawhthing leh eng eng emaw han hralh leh chhawn loh a ei ngaihna kan hriat loh chi a awm a, heng hi erawh chu kan manganpui khawp a awm hma viau a, chumi tih lem lohah chuanin ka sawi tawh ang khan engkim a tha duh a. Kan Thingtlangpa pawh hian, tha duh vek zingah hian chin tur bik an hre lo a ni tam takin an zawh danah chuanin Sawrkar tanpui theihna bik deuh awmin an ring a. Chungah

chuan an mangang thin a tam tak chu, chu chu a ni mah mah zawk a. Tin, a tlangpui thuin kumin kal ta leh tun kum kal mekah hian hma kan sawna a awm hrat hrat a, a bikin Buh a ni a, a Buh thar tak taka tam lo mah se land reclamation thua pawisa Sawrkarin a theh darh tam viau a, kha avang khan kum kal ta te lakah chuan hmasawn tak niin kan hria a, tin, hetah pawh hian thil pawh tak awmin kan hria a, Kolasib pa pakhatin min lo hrih a, kan awi ang reng viau mai. "In Land Reclamation pawisa hian min ti tam zo vek a ni, pawisa min pe a. Pawisa kan neih chung kha supply-ah kan ei a, kan ei zawh hnuah kha chuan in hlawhfak leh a lo tul a, kan thatchhiat phah a, minti tam zo vek mai a ni" a ti a. Ka awi khawp mai a, a chhan chu hetiang hi a ni a, tun-lain kan harsatna hi hetiang hi a ni a. Land reclamation an lo thawk a, 'Khei lo pawisa min pek hmasak loh chuan thawh ngaihna a awm lo, ei chawp nen chuan' an han ti a, a Officer khan 'A ni dawn tak e' a han ti a, a han pe a. An pek tawh kha chuan tam tak chuan an thawk lo ve hmiah mai a, pawisa an dawn tawh kha chuan an lungawi mai niin a lang a. A lehlamah chuanin han pe dawn lo se pawisa min pek loh in engtinge ei chawp zawngin kan thawh theih ang tih ngaihna a awm hleinem in tihdan hmang a dik lo reng reng an ti ve baw si a. Chuvangin thil khawkhawg deuh helaiah hian a awm a, a tlangpui thuin. Tin, a thu hrim hrimah Department-in tih tur bik engmah guide in nei lo in tih hi a dikna chin awm mahsela hetiang development thil-ah chuan mi tuina kha ngaihtuah loh theih a ni lo a ni. Min chumi khari ~~kh~~ kha ka chin duh vei nen min pe thei lawm no an tih ngawih ngawih chuan, E! a tha lo, i ching thei lo, chutiang ngawta tih theih a ni lova, 'a tha a sin maw ei hmuh nan ka hmang ve ang an ti a. An tui ve dan min hrih kha chuanin chu chu an ngaihsak tur a ni, chu chu Development kalhmang a ni a, chuvang chuan a nja, kan Ram pawh hi dik tak chuan tha thei lo a awm mang si lova, min an chin phawt chuanin kha kha a pawng a taka dan chi a ni chuang si lova.

Tin, dik takin Fu tui taka min an chin chuan eikhawp hmuh nan an la hmang a ni. Buh pawh tih tak taka ti chuan eikhawp hmuh nan an la hmang a. Serthlum Huan pawh hei tuna a tam kan tih hi a nat loh-na hmuh chuan eikhawp hmuh nan an la hmang a. Chutiang bawkin Khanghu thlengin eikhawp hmuh nan an la hmang a ni. Helaiah Bazarah nitin Rs.70-100 khanghu-in a lei theih a ni. Khatiang khan a dik lo hi a awm lo reng reng a.

Amaherawhchu, kan Scheme-ah a tlangpuiah hianin Agriculture Scheme hrampa hrim hrim hi a awm lova. Amaherawhchu, a pawisa Budget hrim hrimah chuan nikum let hnih ai mahin a tam a, nikum khan nuai 47 (sawmli pasarih) vel emaw kan nei a. Kuminah hei nuai 91 vel a ni a. Helaiiah hian Sawrkarin a kalpui ve tum dan thung erawh chu Agriculture ina land reclamation te a tih vak vak ang a kha Planting Commission pawhin duplicate a tam mai mai an ti a, Soil Conservation-in bitum se, an ti a. Chuvangin Soil Conservation lamah in hmu vek ang a, Land Reclamation pawisa chu.

Tin, chu chang ni lovin Bull-dozer pawh Agriculture Department-ah pathum (3) advance-in a man a pe diam tawh a. Soil Conservation-in 2 (pahnih) a chah thleng tawh em, ka hre chiah lova. Silcharah a awm reng a. Pakhat dang tun Budgetah a awm leh a. Tunah Agriculture in pakhat dang an nei tawh bawh a. Chutiang chuan kan Rama Land Reclamation awm chi ruam, zawl tih theih awm chi leh tlang rama terrace awm chi pawh khatianga a bul kan tan a, tihntum kha a ni a.

Tin, Terrace hi a hlawhtling a ni, Buh chin nan a hlawhtling em em a, khitah Sihphirah in hmu ang a, khawilai Tui mah an la chuang lo. Thalah an rit phut a, Buh an tuh leh mai a. A hlawhtling em em a, Thingdawl Department-in an ti a, chu pawh a hlawhtling bawh a. Tunah an ti leh dawn a. Amaherawhchu, a hmin a chhe duh tihte a awm a. Enge maw sawisel chu a awm a. Kha kha dap mek a ni a. Thingdawl Farm te pawh khu puih bik leh ngaihven bik tan chuan tlawh har lo tak a ni a. Hla lo tak a ni tawh a. Nitin Bus a kal a, chung te pawh chu ngaihven a dik viau ang a. Tin, khu khu tihlenna tur Ram pawh a awm tehchiam tawh lova. Amaherawhchu, a awm chin chin ram chu zawi zawia tihlen tur a ni ang a.

Tin, rawtna tha tak tak, Office lamah a thiama te an thu vek si a. Field tak takah an thawk leh si lova, Farmer hote camp te tih kha thil dik tak a ni a. Hoi Farmer Training te kan ti a, Thingdawl emaw, Thenzawla Department in an lo tihna tak a chu, Thenzawlah Training-na dah nise, an ti a. Chutianga thil tih tum pawh a ni a.

Nichina an sawi ang khan India ram chu a tha khawp mai. Dik tak chuanin, kan Ramah engnge tha duh ang tih kan buai lo reng reng. Kei ka hriatdan tlangpui chu kun kum kal ta kan Buhseng tawha kha sawi-

sel awm miah lo pawhin thar se kum khat ei chu kan thar dawn lo reng reng. A chhan engnge kan tih chuan worker percentage a tlem lutuk tlat. Ni dang a ang tawh tlat lo, chu chu a chhan dik tak a ni a. Thingtlangpa an Thlawhmma lak dan zawt ila, a la uar tak tak, ni danga titute ang chu an la hlawhtling a ni. Chhuanlam tam tak a awm thei a. Kan tam lutuka eidhawp zawng chungin hna kan thawk tak tak a, chu chu a dik bawh si a. Chu chu thil awndan a ni a. Tin, Lakhuihthei te sawr theih chi te a awm a, zawi zawiin Department chuan a sawrna tur a ti ve zel ang a. Tunah a khawla chu vir thei vut vut mah se a sawr tur a lama kha a awm lova. Tin, cooperative lam atang pawhin Ginger tanpuina pawh kha dah a ni a. Tin, sawtah Demagiri lamah te Chhawhchhi herna Khawl te Budgetah khan tih lan a ni a. Chu chu a tih tur lama a awm chuanin tih a ni ang a.

Tin, Taichi supply hma leh tlai hia n thil harsa deuh mai a awm a. A thar veleh dah thatna nei ila, a awlsam ang a. Kan nei thei si lova. A thar veleh mipuite hnenah han sem dawn ila, heti khawpa tam chuan kan ei zo leh mai ang tih a hlauhawm si a. Chu laiah chuan khaw khang deuh deuh a awm a.

Tin, thil pakhat, Member te pawhin ngaihndan an siam nan, keima mimal ngaihndan phei chuan Tai chi sem hi tihtawp hmiah tur em ni ? ka ti zawk a. Pawisa a heh si a. A chhan chu min an chin duh tak zet chuan chinna tham hi Sawrkar hian an sem tawhinka hria a. A thlawna pawisa hmuh theihna emaw a nih avang hian kan ti deuh mai mai niin ka hria a. Nikum erawh kha chuan tam tak tak hote chuanin an tangkaipui a, an lawm viau a. Engemaw thar loh zual kum te a nih tam loh chuanin tih ziah pawh hi thil tu a nih ka ring lo zawk a. Tin, land reclamation thua phasing deuh hian han tih hi a dik khawp mai a. Kan testing duh loh phei chuan Khawl lempang han tih tir dawn chuan a ni thei lo reng reng a, a harsa lutuk a, thil tha tak a ni. Tin, marketing harsatna thua tunah hianin Sawrkarin scheme te siam mek a ni a. Put luh tawh a ni a. North Eastern Council-ah Marketing Society siam ni sela an ti a. Chu chu scheme siam tur pawhin minrawn ti a. Kan la buaipui tur chi a ni nghe nghe ang a. Chu chu a tlang-puiin a ni a.

Tin, thil pakhat chu Budget a awm a, Potato Development Officer tih emaw ni kha, khang te kha plan a ni ta a. Kan nei thei a nih phei chuan a lawm-

awm a. Eng Development Officer dang pawh nei thei ila kan ti viau a. Amaherawhchu, heti laiah hian Potato bik a tihna chhan chu, Sugar-Cane te chu Officer te tel lo pawhin kan thiam em em a, Potato te erawh hi chu scientific deuha tih ngai a nih vang a ni mai a. Khang pheih kha chu ka hriat danin tih ngei ngei tur tihna a awm chuang lova. Heng hi a tul chuan tihna ang lek a ni.

Chu chu Pu Speaker, a tlangpuiin ni mai sela. Han sawi awm tak tak pheih chu a tam ang. Helai Bank lampang thil a ni ang a. North Eastern Council hnuatia thil engengomaw chu, helai Department atang chuan ka chhang thei hauh lo mai.

Pu Speaker, dil duh deuh hlek ka nei a. Session lehah min pek theih chuan a tha viau in ka ring a. Nichina kan thian Member te sawi ang khanin, Buh hi kan duh ber a, 1972-73 inkarah pawh, tin, 1973-74 inkarah pawh. Leilet lampanga kan hmasawn dan hi hriat a chakawm khawp an ka hria a. Loan te kan pe a, chutiang chuanin thenkhat chuan an lo bawhzui kher lo pawh a ni ang a. Chuvangin kan tum ber chu Buh thlawh tam hi a ni ber mai a. Agriculture Department hian eng ang zelin nge hma kan sawn? A kum biin tih hi hriat a chakawm a. Loan laa hmang si lote chu talent 5 (nga) neitu hnenah pek mai ni sela. Chuti a nih loh chuan kan duh a chu Buh a ni a. Chuvang chuan helala h hian thil a khirh duh viauin ka hria. Kha kha nichinah khan ka chhan hmah hlahuah a tang a, Statistical Collection hi a ni a. Administrative Officer te kalkhawm pawh kha an mahni Bial chhung theuh te chu Leilet engzatnge awm leh Buh thar zat te zawh fiah vek a ni. An khawm khawm mek a. Hmanni lawk pawh khan kan Deputy Commissioner hnenah chuan a thleng kim tawh em ka ti a, tlem te thleng lo a la awm a ti a. Ka hriat danin vawin pawh khan kan sawi kan sawi a, Director pawh a awm a. A dik tak, a true picture a hmuh theih lohva, a chhan eng nge ni?

Buhfai hmuh tlem an hlau va, an neih tak awm aia tlem vekin an report a. A dik duh lovin, a pawm a harsa ang. A hmuna kal a **toh sak vek** sen a ni si lova.

SPEAKER: Subject pawimawh tak a ni a. Chuvangin hun pawh kan hawang a. Han sawi ve pawh a chakawm hle a, mahse Member ho khan an sawi fe tawh a.

hvlc/-

....89/-



Demand No. 32 & 36.

" On the recommendation of the Administrator of Mizoram I moved the Demand No. 32 & 36 for Rs. 91,2500/- to meet the expenses during 1974-75 in respect of the following Department" - Under Head 205- Agriculture; 206- Minor head Irrigation, 212- Fishery.

Heng Demand No. 32 & 36 hi pass a tha e ti apiangin 'Remti' ti rawh ul e. Ti lo in awm em ?

Pass a nih chu.

Demand No. 35 chauh kan nei ta a, hei hi Minister in-charge in han move leh selangin.

DEMAND NO. 35.

PU R. THANGLIANA:  
MINISTER.

Mr. Speaker, Sir, on the recommendation of the Administrator of Mizoram and with your permission Sir, I move the Demand No. 35 for Rs. 43,8700/- to meet the expenses during the year 1974-75 in respect of the following department. Thank you.

SPEAKER:

Aw le, Demand No. 35 chu Animal Husbandry - Rs. 10,310/-; tin, 311 Dairy & Milk Supply a ni a.

Hemi Department chung changah sawi duh in nei em ?

PU F. HRANGVELA:

Pu Speaker, Demand No. 35-ah hian sawi tur ka nei tam vak lova, amah-erawhchu, 1974 leh 1975-a kan tang-ka hman tur kan sawi hnunna ber a ni a, tlem dawiduh ka nei a.

A hnunung bera ka thusawi duh chu kan sawrkar kaldan hi kum tawpah hian kan ti chuk zel mai dawn ni hian ka hria a. Chu chuanin harsatna min thlenin ka hria kan Ramah hian. Tunah pawh kan hria a,

Agriculture Departmentah chuan Lo neitu ten tangka engenaw zat puk theih tur an nei tih hmanni lawk atang khan kan hria a. A mamawh tak tak te chuan an puk dawn hauh lo tih pawh kan hria a. Department hrang hrangah chutiang chu kan ching zel dawn a nih chuanin a pawl hle dawn niin ka hria a. Assam hun lai khan kan hlat deuh a, Assam khawpui kha hetah a ni mai lova.

Secretariat leh tangka lam ngaih-tuah tu te Mizawl a an awm loh vang emaw ka lo ti mai thin a. Mahse chutiang chu a lo ni dawn awma a lan lohna hei kan Sawrkarin keimahnia kan lo in rel ve hnuah kum tawp dawn hapta hnuhnung berah te chuanin tangka eng emaw zat mipuite tana tangkai tur tak tak te kha Sanction theih emaw pek chhuah theih emaw a lo ni mai dawn zel a. a lang hi a pawl tak takin ka hria a. Helai mai-ah kan awm a, helai maia thu tawp thei a nih si chuan Department tin tangka te hi a hmu tur tak tena hma taka an hmuh theih nan te leh a tangkai dan tur ang taka hman a nih theih na turin hma deuh hleka tih ni hram tawh sela, chu chu thu hnuhnunga ka han sawi duh a ni a. Tin, hei hun tawp dawn a ni bawh a ka han sawi duh chu kan Member te khan an sawi tawh a. Mizo tawng deuh ngata han sawi ka duh chu sem sem dam dam system hi ban a tulin ka hria a ni. Sap tawngin an sawi a, a fiah hle nain sem sem dam damin kan Agriculture tangka te hi kan sem ri ral ni ai nuai mai a, thawha hlawhtlinna tur kan Ramin a ngah theihna tur hmanah tak mai khan Sawrkarin hna thawk sela. Tin, chulai thila harsatna te pawh chu hrechiang bawh sela, tichuan a hriatchian hnuah chuan chuti tak, kha ti tak chuan thawk sela, Ram tan a hlawk ang a, kan tangkaipui ang. He tangka pawh hi chutiang bawh chuan i hman ang u tih hriat fel nelh nawh hnuah hna thawk sela, Tin, tuna Demand No.35 -naah chuan hei Budget Bu kan en chuan nikum lam ain a lian hle dawn a. Director te pawh a hran nei tura buatsaih a ni ang hi kei ka lawm a. Kan hriat theuh angin kan Ram hi a intodelh lo em em a, Buhah kan anto delh lo a, chutiang bawkin Bawghunteah te, Saah te, engkinah kan intodelh lo ti la a sual lo ang a. He Department hi Director hrana a lo awma, hetianga Department lian taka buatsaih tak hi a hlawhtlinna a ni mai lova, bul tan thei tura buatsaihna a ni zawh a; bul tan thei tura buatsaih pawh chu a lawmawm hle a ni. Chutiang taka buatsaih a lo nih hnuah chuan hna tak tak an thawk ang a, kan hriat theuh angin hei Bawghnuteah kan intodelh lo nasa em em a, chutiang bawkin saah kan intodelh lova. Kan Bazara sa tam ber chu Burma atang te,

Silchar atang tein a ni a. Kan Ram kal zelna turah hianin Lo neih lamah hian kan hlawhchham kum khua dawn tih kan hrechiang tawh a, kan Hotute pawhin an sawi chiang tawh a. Kan Ram bua tak tak hi a hmandan kan thiam kan tih tangkai theih hi atul em em a ni. Bawng vulh te uar ila, chutiang bawkin Beram te a that duhna hmunah te uar ila, Sial be, Lawi te pawh. Chutichuan kan Ram bua tak, Luang, Di leh thlalaia khat te hi a lo tha em emin leh a lo tangkai em em dawnin ka hria a. Chutichuan Ram lo awm chho zeldan hi hmang tangkai thiam nih kha kan tum tur a ni a. Ramin a zir tawh lo nganga kan thil thlir dan hlui engemaw kan rama kan ei zawna dan hlui kha tih talh tum ram mihring kan nih chuan a beidawnthlak thei viau ang a. Amaherawh-chu, Ram lo awm chhoh zel dan leh kan hun tawng zela thil awm danah hian kan Ram tana eizawna tha kan Ram-in sum leh pai kan hmuh theihna tur kawngtha, intodelhna tha kan ngaihtuah zel hi a fin thlak hle ang a, remhre hna pawh a ni ang a. Chuvangin kan Sawrkarin he Department an ti lianah hian tan an lak sauh sauh a, kan intodelh theih-na ngei tura theihtawp kan chhuah sak pawh ka duh a, chu te mai chu ka han sawi ve duh a ni.

PU K.SANGCHHUM:

Pu Speaker, Mizorama mihring cheng te hi tunhma atanga sa ngaina mi leh sa ei mi kan lo

ni a. Khawvelah hian sa ngaina ber pawl kan nih pawh a rinawm a. Chung kan sa ei tam berte chu Ram danga mi a ni mang lova, kan Rama cheng ngei a ni a. Heng Bawngsa te, Vawksa te, Arsa te hi ei tam pawl tak a ni ang a, heng kan ei leh kan in te hi Mizoramah hian hausak nan kan hman phah em chhut mite chuanin Vegetarian leh non-vegetarian-ah hianin tute nge dam rei zawk tih an ngaihtuah chuan thlai eimi te hi an dam rei zawk an ti thin a. Mahse a tam ber 95% chu Sa ei mi kan lo ni a. Chung kan sa ei te chu a hrisel tawk nge tawk lo tih reng reng hi kan chhut teh chian lova, kan interest tehchiam lo ni bawkin a lang a. Mahsela, chu chu interest loh vang emaw chhut loh vang ni lovin a awmzia kan zuk hriat thiam loh vang niin ka hria a. Heng Mizoramah pawh hian Animal Husbandry tih te, Diary and New Supply tih te pawh hian hna chu an thawk tan a, kan hmu ngei a, hemi Mizawlah chauh pawh ni lo hianin hmun dang dangah hemite Department han thlir hianin harsatna an neih ni bera ka hriat chu Hospital chung changah hian a ni a. Ran te an damloh emaw an hritlan emaw, hri an lo vei reng reng hianin a thih dawn hnaih khan a neitu te khanin hei kan Ran hi a tha tawh mang si lova ti a

hvlc/-

....92/-

enkawlna tha tak neih ai chuanin an talh a, kan ei mai a, kha khanin thil khaw lo a thlen thin a. Chung chu engvangnge kan tih chuanin engemaw chenah eviction (anmahni humhimna) tura awm lo a ni ngei ang a. Teh-khinna lo sawi ta ila, Ran Damdawi In, State Khawpui (Aizawl) a kan neih chi in hmu theuhva, Republic Vengami an sak thar mek te a awm a. Han en reng reng kluanin a Satisfactory lo hlein ka hria a. A building leh eng engemaw te chu thu hran nisela, chu ai maha ngaih pawimawh awm chu a location khu a ni a. Dik takin, Ran Damdawi In te pawh, mihring Damdawi In te pawh public ina kan hman ang chi reng reng kha chu khaw laili deuh a nih loh chuanin harsatna a thleng fova. A bik takah Ran lampangah phei chuanin Ran enkawltu te leh Ran neitu te hi khawpui laili a cheng an ni hauh lo mai a. Khawpui kilkhawr deuha cheng an ni a. Khami tena an Ran dan lo leh an ran harsa kha rawn kalpui ngar ngar tura khaw kil tawpa an kal leh si kha chuan a harsa lutuka, chu chuanin mi tam tak kha Damdawi Ina kaltir thei lovin a siam a ni. Tunah pawh Ramhlun Veng te tan chuanin khulai thlang em em maia awm zu pan khu chu har tak a ni a. He lai mual tha deuh leh hrun tha deuh helai velah te chuan nisela chu an rawn pan hran hran ang a. Mihring damlo te chu Motorin a lak zung zung theih a. Ran danlo chu a tlangpuiin Motor neito leh hetiang a ti thei zung zung te hi Ran enkawl tute an ni mang lo tlat a ni. Chuti ang tlat chuanin harsatna a awm ve a. Chuvangin hemi a location chung changah hianin a Departmentin an thlang mak bawh thin a nih chu aw titein ka ngaihtuah a, nge ni a Department ina ram neitu te hmena an dil khanin ram neitute'n an lo ngaihsak thin lo. Chumi te pahnih chu thil awm thei a ni a. Chu laiah chuan Department pawhin ~~chuh~~ a hun a nih chuanin he thil hi thil pawimawh tak a ni a. A hrun, a location a kha chuh ngun ve a ngai a. Tin, a lo petu te pawhin hemi te hi mihring ang bawka ngaih pawimawh a tulna a awm avangin lo ngaih pawimawh fo a ngai a ni. Chuti lo chuanin Ram dang ina sa te an thawn a, chu chu ram hausak nana an hman laia keinin a helai tih theih ve reng si sa thianghlim tak tak awm theihna hmunah harsatna kan tawh hi chuanin thil dik a ni dawnin ka hre lova. Chu laiah chuanin Department lampangin hemi anmahni Department emaw ram pe thei tu Department emaw, Aizawlah chauh ni lo, Mizoram pum-puia-h hianin lo thlir ngun sak ka duh a. Tin, District Council awma hmunah te phei chuan District Council Hotute hnenah pawh a nihna ang taka zuk en sak tulin ka hre takmeuh a ni.

Tin, a pahnihnaah chuanin Ran vulh te hlawhtling tak tak tur hi chuanin pawisa tlem thama tih hi thil harsa a ni a. Tunah Bawng rual te lo vulh a ti tak tak tur chuanin Cowboy ( a vengtu) ang chi te kha an lo ngai ta a, hlawh neiin. Tin, a tlatna hmuntur te buatsaih a, an tlatna tur pawh kha Compact ina a lo zawh loh munah pawh ei leh in lak sak te a lo ngai a. Khang atan khanin Loan lampang (animal husbandry) an tihdan kha Mizoram pum huam tur chuanin nuai khat emaw chauh kha a ni si a. Hei hianin a puitlin tak tak thei dawn em ni chu aw? Chhung khat ringawt pawh tipuitling tak tak tura khanga Bawng leina tur te emaw, Vawk pawh lo ni ta se, Ar pawh lo ni ta se, khami a leina tur leh a enkawl na tur leh a develop- na tur han sem sawm khanin chhung 10 (sawm) hnenah han sem ta ila, Rs. 10,000/- emaw theuhvin an chang tihna a ni a. Singkhat kha chuanin a Ran leina tur duh thu a sam lova, chuvangin engemawti sawnga a tih kual dan emaw, tin, a demand zir te pawh chu a hi thei tho vang a. A tlem deuh pawh nisela, zuk tih puitlinna khawp ang chi kha a ni thei lo. Nichina sem sem dam dam tih ang chi kha chuanin kan hlawhtling lovang. Ram dang a thawnchhuah khawp chu sawi loh helaia intodelhna khawp pawh ha kan hmuh theih ka ring lo a ni. Bazarah te Sa man a to em em tawh, Bawngsa tunhmaa Rs.4/- Rs.5/- a lei theih khu tunah chuanin Bawngsa pawh Rs.8/- te a lo ni daih tawh a. Vawksa te pheih chu Kg.ah Rs.12/- te, Rs.13/- te a lo ni daih tawh a. Khatiang khanin thil man kha a to si a. A to kha chuanin a demand a kha a tam ngei a ni tih leh, a supply hi a tlem a ni tih a chiang thei a. Chuvangin changtlung leh zual a tih theih dan chu a Loan lampang kha tam deuh se, a tha ang.

Tin, Bawnghnute chung changah pawh, Delhi-a kan kal lai khan min entir a. An ngaih pawimawh zawng tak a lo ni a. Ka ngaih pawimawh zawng tak a lo ni ve a. An tih dan chu Compact area-ah khanin fel takin Doctor-in an enkawl a, chawm ngun that annih avangin Bawngpui pakhatat litres 14 emaw, 15 emaw an la a, en mai chuan an chhe ang reng a. A chhan chu enkawl ngun vang a ni a.

Kan Ramah Bawnghnute a to hle a. Dandawin danlo awm ten an hrechiang bik a. Dam lovin an dawn dan chu 1poa (tui)ah hnute chu 2 sut(hnute) a ni ang emaw tih tur a ni. Khang atang khan Bawnghnute demand chu a nasa hke a ni. Chuvangin Bawng enkawl na lamah concentration a awm theih nan a Loan lampang tam thei sela ken changtlungin ka ring a ni. Ka lawm e.

....94/-

PU R.DOTINAIA: Pu Speaker, Demand No.35-ah hian tlem han sawi ve ka duh a.

Ka hmaa Member zahawm tak ten an sawi kha a dik a. Sa te, Artui te, Bawnghnute te hi a mimir pawhin kan mamawh ang kan la hmu pha lo em em a. Damdawi In-a Damlo te tan pheii chuanin Sawrkarin phalin pawisa awm mah sela a supply va lei tura kha hmuh tur a awm lova. Budget Buah chuan Animal Husbandry Diary, Milk Supply tih te hi rawn tihlan chhoh a ni dawn a. Tihlen tlak pawh niin ka hria a. A lawmawm viau a. Tin, tunhmaa kan awmdan ngaihtuahin kum 2,1 chhung lekhn hma kan sawn viau a, Khawpui chhung bikah pawh chuan, he Department hian hma a sawn na sa em em a ni.

Thingtlang a ran vulh mi te tan harsatna a tm zual bik a. A hnute tam zawk tur leh a chi tha zawk te kan mamawh a, an damloh in enkawl an an mamawh a, chung kawngah chuan Department hian a la ti phuisui lo em em in ka hria a. Thingtlang ah chuan Ran damdawi In leh a damdawi te engemaw a chi tha te sem tur chuan kalkawnga harsa a, kan la tlachham em em a. Heng kawngah te hian tan la zual turin kan ngen a, Tunah chuan Aizawl ah chang ni lovin thingtlang ah pawh sa ei yur a vang tawh a, a to em em tawh a ni.

Tin, milk supply tur hian Selesih ah khian farm kan nei a. A tak tha tha zawk leh a man tha zawk in an rawn supply thei a, a lawmawm khawp mai, mahse harsatna an nei a nih a rinawm a, regular taka latu ka nih ve avan in a pek hun hi an regular vak thei lo tih ka hriatpui a. Vehicle thu-ah harsatna an nei anih ka ring a. Motor tawng tak (1) pakhat chauh an nei a. Tha zawk a an sem zawn theih nan Motor the ngaihtuah sak nisel. Thlakhat lai mai ka lak loh phah tawh a, an sem that tawh erawh chuan lak zel ka duh a, tun a an sem mai hi chuan min chawn tawh lo hle a. Milk bakah, butter, ghee te pawh hemi farm atang hian siam chhuah theih pheii se chu, Aizawl mi tam tak chuan kan ei duh hle ang a. He lam pang hi uar theih ni bawh selangin. Amaherawhchu Department Secretary hran neih loh vangin a tih changilunna kawngah, pawisa sanction thuah emaw, a thawktu hna lak chung changah te leh building chung changah te Secretariat lam atangin harsatna chi hrang hrang a awm thei a, chumi thu pawh chu kan Sorkar hian a ngaihtuahpui a tul hle in ka hria a. Animal Husbandry ah chauh ni lovin, Department tam takah hetiang harsatna hi an tawh thin a ni.

Tin, Pu Sangchhum, member zahawm tak sawi kha ka thlawp bawka, ran damdawi In chung chang ah kan State Capital Aizawl ah hian Chhinga veng ah sawn kan nei thin a, District Head Quarter kan nih lai khan, amaherawhchu kan nek kan nek a, kan nek chep ta viau a, mipui in, tuhah chuan an sawn dawn tawh hial em maw ni, ka hriat dan a sual loh chuan, saw saw tangkai viau in ka hria a, kartin hian Nilai ni apiang in ar hi an chiu thin a, a sawt viau a, pan te a remchang a, a laili a, saw tiang ang deuh a, hmun remchang laili tha ram ruak te (Private land te pawh) a awm a nih chuan in Sorkar hian ngaihtuah leh ran nise tha in ka hria. Entirnan han saw ila, saw Ramhlun veng bul lamah sawn in Pu Sainghinga ram te saw phal se chuan Sorkar hian lei dak se, heng vel atan te hian tha hle in ka ring a. Tanah khua hi a lo lian zel a, Chaltlang thleng in Aizawl khawpui chu kan ni thuai ma i dawn a, Zemabawk thlengin, chung kawng te ngaihtuah chuan sawng hmun te saw hmun lai li tak a la ni thuai dawn a, Kan State Capital ah pawh ran damdawi in the tawka kan neih loh chuan a vulh tute han encourage na tur kawng ah khan in a harsa thin a, hei vawk te arte hi a pul hri a leng ngek ngek thin a, Bawng ye pawh a ke na hri te a leng thin a, chung ang enkawl zung zung theih na tur chuan ran dam dawi in, a dah hranna te, a enkawl na te kha lian tak kan neih theih kha a tul ve in ka hria a. Tin, khaw chhak lamah leh hmun dang dang lam ah pawh a ni ang a. Heng Kel te Beram te Vawk te a tha duh em em a, heng te hi miin an vulh uar theihna turin khawi lai emaw ram laili ah hian Sorkat in a chi tha te an pek chhuah theih na tur leh a damdawi te a an enkawl zung zung theihna turin farm ang reng leh a doctor thawk tu te hmun kha a khat tawka hian dah selangin tha in ka ring a. Entirnan, khing Vanlaiphai ah te khian chuan Kel te, Beram te hi an tha duh em em mai a, tunah pawh hian Aizawl ah chuan Kel pakhat man hluihlui nga daih tur chu Rs. 100/- emaw a lo ni anga, Biata ah te khi chuan Rs. 40/- te Rs.60/- te in a la lei thich a ni. Chutiang tak chuan kel kha a tha duh a, a tam a, khinglai area ah te khian mipui encourage na turin Sorkar in a farm emaw a hmun pui emaw han siam selangin, khawchhak lam pang zawng tan hi chuan in thil tangkai tak a nih ka ring a, chutiangin Chhim lam ah te pawh ruahman theih nise langin a lawm awm ngawt ang.

hvlc/-

...96/-

PU SAPLIANA : Pu Speaker, tlem han sawi ve ka duh a. Tunah A nimal Husbandry kan ngaihtuah a, member zahawm tak tak ten an sawi kan ngaithla a. Mizo hnam hi sa ngaina mi kan nih avangin kan ran vulh pawh kan uarzia kan hria a. Pi leh Pu atanga ran vulh mi kan ni a. Engenaw chenah enua n chungkaw into-delh tur hian thil tih tam tak, hnam dang ten an chin ve leh kan nei a. Entirnan Ar te kan vulh a, Vawk te, Sial te leh Lawi te, Khang kha chhungkaw mamawh atan kan ti a. A ti thei pa chuan sial leh Bawng tam tak tak an vulh a, Market thil e-rawh chu tunhna chuan an ngaihtuah lem lova, chutiang chuan kan Pi leh Pu atangin ran vulh hi kan uar a ni. Vawin ni thleng hian kan ran mipui te hian ranvulh an uar a, thlahthlam lovin an bei zel a. Thil dang thlahthlam chu kan nei zual a, ran vulh etawh hi chu kan uar a. Nikum lam ai khan kan Budget a experiment hi a lian deuh a, a lawmawm pawh ka ti viau a.

Tumah hian eng ang courage in nge sawi dan tunaka hre lova. Thil pawimawh tak nia ka hriat chu hei hi ani a. Kumtin hian Ar hian pulh hun hi hi a nei a, khawpui chhung chauh ni lovin, thingtlang lamah te pawh. A hun deuh hlek a awm a. Helai hun hi Doctor ten dam-dawi kengin thingtlang lamah a chiuna te nen hian kal thin sela, eradication paryy an kal thin ang hian. Thingtlang harsatna hmuna an ran te va Jection turin, a tha in ka hria a. Hei hi thil tangkaik tak, department dang ang lo deuh niin ka hria a. Doctor tak tak te kan nei hlei thilo lo anih pawhin hmun pawinawh deuh leh Grouping Centres lian deuh ah te chuan hotiang mihring, ran Jection thiam, Veterinary FieldAssistant (V.F.A.) an ti nge ni, Field Assistant te an ni ang chu. Hong mite hi dahna chi niin ka hria a. Department dangah. Forester emaw Forest Guard emaw pakhat chauh dah ai khan. Ani chuanin ran jecton hmuna a jecton dawn avang khan dah chi bera h ka ngai a. Chu chu thingtlang lam harsatna tih kian theihna tur niin ka hria a.

Tin, hei ka sawi duh leh chu, ran hotianga kan vulh dawn chuan, ran hi-an ram a tichhe me em, Bawng te Sial te, heng te phei chuan a tichhe leh zual a. Buai lai vel phei kha chuan, ramnuai lam unauten ran vulh an phal hauh lova, Khawthlang lam kan kan lam ah te phei chuanin Sial a tam em em a, tumah an vulh ngam lova. Chutiang nhuang a chi te pawh a awm tawh lo nghe nghe a. Ram a tichhe em em a. chuvang



chuan Sial emaw Ladi emaw Bawng emaw min an vulh duh chuan eizawn nan a a hman thieh na tur kawng kawh-hmuh si sela, tinnah member zahawm takin a sawi angg khan tanpuina Provision awm hi a tlem khawpa, ran min eizawna tur khawp a vulh dawn chuan tanpui nate tam than a , a chitha chi te supply in ngaihtuah sak ni sela. Tin, chu lovah ran a tih chhiat avangin a ran pawh hi ngaihtuah sak a, pass nen a firm lian tak America ran angte phei chuan kan tlin lo a nih pawhin khatiang System a kan kal pawh hi kan thatna tur niin ka hria a, kan nawngnute ringawt ni lo, a sa te pawh kan duh em em a ni sei

Tin, hei, hetah hian stipend (Scholarship) tih a awm a, hei hi training turin ni tirh kan nei dawn niin a lang a, tin, tu tu emaw pawh ran doctor zir turin stipend pe in kan kal tir dawn niin a lang a. Hei hi Department in em ni Scholarship te hi pe dawn ni aw' ka hre lova, tun a Department hrang hrang a stipend a kan zirtir te leh Scholarship te a, kan zirtu te hi an rethei a, nitin chanchin bu ah te pawh harsat thu an rawn sawi thin a. Education Department hian hetiang a stipend nei chi reng reng hi an enkawl nge Department dang pawhin an enkawl hriat ka duh a. A eng a awn nise, an zirna tur bahlah khawp a harsa lutuk a ei leh nara kan dah hi thil fel ani lova, Complain tam tak a awn reng mai a. He thil hi ram leh hnam tana tang kai pyi thei tura tih tir anih si chuan tha tak a, tlung haka ah zir a, an rilru leh theihna zawng zawng senga kan tih tir theih nan theih tawpa buaipui a ngai a. Harsa lova kan siam a pawinawh a. Department hrang hrangah stipend tih te scholarship tih te a awm a. Tun hi a sawina a tan hun remchang tak ni a ka hriat avangin ka rawn sawi a ni a.

Tin, tunhma Assam hun lai khan, Veterinary Department ina Office te te hawna tam tak a awn a, buai avangin function lohna te pawh a awm a. Chung te chu tun kan Sorkar hian khang hun zawng zawngah te khanin a rawh function vek dawn nge ni? Khawinaw lai hmun te chu sawi thawm a awm a . Entirnan Bualpui ah te pawh tunhma in Vety in Office an nei ve a, an khai daw tih thawm te pawh a aw, a- Khatiang tunhma Assam hun laia an lo hawn tawh te pawh, khar nual ni dawn awm a an hriatna kan neih te hi a dik nge ni a, Assam hun lai pawh a Office lo hawng ve thei, Mizo Sorkar a Office te hawn tlem te a nih mai dawn

chuan Department concern in lo enzuiin hei hi thil pawimawh a nih avangin, ram tin kil tinah hetiang office te te hi chu hawn ni sela a thain ka hria a ni.

Tin, Milk Diary lampang hi kan in manage dan ka hrechiang lova, Capital (Aizawl) ah chauh nge kan tih dawn a, District Headquarter-ah te leh khawpui pawimawhah te hian tih zel kan tum em ni, tun hi encchin nan kan tan chauh tih pawh min hrilh thei sela ka duh viau a. Chu zawng chu ni sela.

PU R. THANGLIANA:  
MINISTER.

Pu Speaker, Technical deuha sawi thiam te chu a har a, tin, Member te tan pawh hriatthiam a har viau a. A Department hi a tlangpui thuin Animal Husbandry leh Veterinary hi Mizoramah a promising viauin an hria a. North Eastern Council pawh hianin hei National Pig-gery Farm Mizoramah an rawn dah a. Mizoram pawhin kan buaipui mek a ni nghe nghe a. Nichina Agriculture-a kan sawi ang khan Mizoramah engpawh mai vulh chi hi kan ni a, Zawhte thlengin mahni Ina khung khawn chi kan ni a. Engpawh kan vulh thei a nih hmel viau. Sial te a ral telh telh a, Lawi hi a tam leh telh telh niin ka hria a, Leilet atan. Chu chu kan dinhmun chu ni maiin a lang a. Amaherawhchu, thil hlawhtlin harsatna ber nia lang chu specialization hi kan ngaisang lo deuh a, ngaihsanna chang kan hre tan tep a. Ran vulha ei zawng mi chuan Ranah khan ei hmuhna tham a ti tur a ni a, thil dang thawk duat duat lovin, chutiang chuan Kel vulh mi a nih leh Kel, Bawng vulh mi a nih chuan Bawng. Ar vulh mi a nih chuan Ar, kha kha kan thatpui dan tur niawn tak niin a lang a. Chu chu kan Budget pawh hian a tlangpui a tum chhoh tur chu a ni dawn a. Chutiang chuan Loan pawh provision han sian chhin a ni reng a.

Tin, han chhan leh sawi tur tehchiam a awm lova. Thil thar kan Budgeta in hmuh tur awma ka rin leh lo lang deuh tura te chu, Diary kha a dik ang a. Kha kha kan la tih ngai loh a ni a. Hemi ina a tum a chu Bawngnunute lak Khawn a, Saidawiuma khunga chu chu pastuerised tur a ni a. Chutiang tur chuan kuminah hian, nakumah kan ti ang chu. Kum a la thar lova, tih tan tum a ni phawt a. Tin, chubakah slaughter House (Ran talhna In) kan ti a, talh ringawtna In a ni lova. A thi te kha thil danga hman remchan tur te a ni zel dawn a. A Vun te kha thil dang remchanga hman tur te a ni zel dawn a. Hei hi Scheme lian thei ang rerg tak a ni dawn a, chung chu tun kan Budgeta kan Scheme lian tham deuh

deuh a te chu an ni. Thil dik tak in sawi a, thing-  
 tlanga Ar chiu thu te, anaherawhchu, thil harsa deuh  
 a awi a, Ar pul chiuna enaw a venna chiuna enaw hi  
 Freeze-ah loh chuan a dah that theih tlat loh mai a,  
 thil dah vawhnaah loh chuan. Thil dah vawhna hman  
 theihna chu Electric awmaah chauh te enaw a lo ni  
 leh a, tunah chuan. Electric hman loha tunhnaa Khawn-  
 vartui hman theihna ang kha tunlai chuan a hnuh theih  
 lova. Khawnvartui a harsa a. Chu chu a dinhrun a ni  
 a. Hei vang hian a harsa a. Tin, darkar 24 buk a bur  
 hawnsa a dah chu a lo tha lo leh a. Khatiang khan  
 thingtlang khuua han zin puia han tih chu a ni nang  
 thei hauh lo mai a. Electric awmaah chuan Refrigerator  
 chu a dah theih vek a. Tin, a vel khaw hnai te pawhin  
 an tawm thei a. Anaherawhchu, harsatna awm leh chu  
 tunlai tak phei hi chuanin hei kan zawt chhuak a, a  
 dardawi hi a har khawp mai annti a. Khumi Uttar Pradesh-  
 ah khuanin Indian Veterinary Department Institute a  
 awm a. Chuta tang chuanin min rawn thawn a, kan hru  
 thin a. A man pawh tam tak a nih mai bakah kan duh  
 ang hi min pe thei lo reng reng a, an ti a. Chu chu  
 nichina ka sawi ang khan a awm chhun a pawh hman that  
 a har dan a ni. In tinin Ar vulh kan duh vek a, chu  
 chu a harsat dan a ni. A vulh ni law lawin khawilai  
 hmunah emaw vulh se, kha kha a Department te pawh hian  
 enkawl awlsan tur a ni a. He laiah hian kan la kal  
 fuh lo deuh a, mipui te pawhin specialisation kan la  
 hrethian chiah lova, zawi zawin kan hrethian ve dawn  
 a ang viau.

Stipend hi a pawimawh viau a,  
 Assam tihdan kha kan zawm lo thei lova. Assam tihdan  
 aia a san hrat chuan Central ina min pek a ngai a,  
 chungte chu kan harsatna a ni. Heng Veterinary te,  
 Forest te, Agriculture te chu Department-in a tun ho  
 a ni a. Entirnan- B.Sc. zir nan ehuan thla khatah  
 Rs.100/- enaw pek an ni a, V.F.A.zir nan Rs. 5/-enaw  
 pek an ni a, chu chu tuna kan la kaldan chu a ni mai.

Education ina Scholarship Board  
 an tih hianin kan huan thar tir dawn a nih loh chuanin  
 tuna kal mek dan chu, chu chu a tlangpuin a ni a. Eng-  
 pawhnise, kan Ramah hianin hma a sawn zel niin a lang  
 a. Sa tih leh Sa neh ber ram ka-n ni a. Naga ho tluk  
 kan ni mai a. Bawghnute tih lah kan heh bawk a. Mahni  
 duh zawng na na na chu thar tam pawh kan tun ve bawk  
 tur a ni. Pu Speaker, a tawi zawngin chutiang chuan  
 ni mai sela. Ka lawm e.

**SPEAKER:** Le, Demand No. 35- " On the recommendation of the Administrator of Mizoram I move the Demand No. 35 for Rs. 43,8700/- to meet the expenses during the year 1974-75 in respect of Department".

He Demand No. 35-na hi pass renti lo in awm em ?  
Pass a nih chu.

Awle, voting kan ti zo tawh a, tunah a purpui khaihawma a la ngai a. Demand kha kan pass na a, chutah chuan theihna appropriation a ngai a.

Appropriation Bill No. 2 kan nei a. Hemi hi a introduce theih nan Administrator recommendation pawh hei a awm a. Ka kawl a. Chuvangin Finance Minister-in Appropriation Bill No. 2 of 1974 rawn introduce selangin.

#### INTRODUCTION OF APPROPRIATION (No. 2) BILL, 1974.

**PU KHAWTINKHUMA: MINISTER.** Mr. Speaker Sir, with the recommendation of the Lt. Governor of Mizoram and with your permission Sir, I beg to introduce the Appropriation No. 2 Bill of 1974 and I beg to amend also the number against Roads and Rivers which was wrongly put to the Fourth Bill.

**SPEAKER:** Appropriation Bill No. 2 of 1974 chu tunah khan introduce a ni a. Tin, phok tawp berah khan Roads and Bridges tihah khan correction a rawn sian bawk a. 42-roads and bridges tih aiah khan 19(nineteen) tih tur a ni, Demand Number aiah khan.

Aw le, hemi hi introduce a ni a, kan sawi sa vek a ni bawk a. Kan sawi tawh zawng zawng khaihawma a ni mai a. Chuvangin for consideration and passing atan Finance Minister-in han move leh selangin.

#### Consideration and passing of Appropriation (No. 2) Bill, 1974.

**PU K. T. KHUMA : MINSIETR.** Mr. Speaker, On the recommendation of the Administrator of Mizoram and with your permission Sir, I beg to move that the Appropriation No. 2-Bill of 1974 be considered.

hvlc/-

....101/-

SPEAKER: Tunaah khan tuna ngaihtuah nghal mai a rawn move a. Kan sawi tawh ang khan kan peihsa a nih avangin kan ngaihtuah nghal mai ang a. Introduction tih rualin.

lo naw ? Sawi tur nei in awm em ? A ngai

A Bill-ah khan in en chuan in hre thei ang a. Phek tawp berah khan a total a awm a. Khatah khan hemi Appropriation Bill in a cover chin amount a lang vek a. Tin, a phek cover page-ah khan Statement of Objects and reason a awm bawk a. Chuvangin kan chiang theuhvin ka ring.

Aw le, sawi tur nei in awm loh chuan kan tawp mai ang a.

The Appropriation 2 Bill, 1974 he Bill hi tuna Minister in ngaihtuah atana a rawn introduce anga pass remti apiangin "Remti" ti rawh ule.

Appropriation 2-Bill chu lung- rual takin pass a nih chu.

Hei tlemin kan tlai deuh a, mahse kan tlai chhe lova. Kan chawh rih ang a. Naktuk recess a ni a, a tuk leh Sunday a lo ni leh ang a. A tuk leh Thawhtanni April ni 1, dar 11-ah, dar 10 ni tawh lovin, kan inkhawm leh ang.

Meeting adjourned at 4:48 P.M.

( N. C. HANDIQUE )  
Secretary,  
Mizoram Legislative Assembly.

...

hvlc/-  
20/11/74